

МОЛХОНА



ЖОРЖ ОРУЭЛЛ

Барча икки оёқлилар – душман...

ЖОРЖ ОРУЭЛЛ

МОЛХОНА

Хаёлай антсүүтопик асар



түртнинчи нашр

www.asaxiy.uz



Тошкент 2021

УЎК 821.111-32

КБК 84(4Ббр)

О-76

Оруэлл, Жорж.

Молхона [Матн] : роман / Ж.Оруэлл ; таржимон К.Бахриев
- Тошкент : NIHOL, 2021. - 100 б.

УЎК 821.111-32

КБК 84(4Ббр)

ISBN 978-9943-23-149-8

Жорж Оруэлл (ингл. George Orwell, ҳақиқий исм-шарифи Эрик Артур Блэр) — инглиз ёзувчиси бўлиб, ғайрихаёлий «1984» романни ва «Молхона» ривоят-қиссасининг муаллифидир.

Жорж Оруэлл «Молхона» асарини 1943 йилнинг ноябридан то 1944 йилнинг февралигача ёзган ва 1945 йилнинг августида эълон килган. Китобни ҳар бир инсон ўқиши ва муроҳаза қилиши лозим: нега бу дунёмиз шундай, у аслида қандай бўлиши керак.

«Молхона» жаҳон адабиёти тарихидаги энг муваффакиятли ва баҳсли асарлардан бири ҳисобланади. Асар ғоясидан келиб чиқиб асосий намуна сифатида СССР олингандигини фараз қилиш мумкин.

«Молхона»ни ўқир экансиз, жуда таниш ҳодисаларни ўқиётгандай бир ҳис қамраб олади сизни – сотқинлик, воқеаларни ва фактларни соҳталаштириш, ўз мақсадлари учун тарихни ўзгартиришга уриниш инсонлар жамиятининг ҳам одатий ҳолати, барининг остида ҳокимиятга интилиш ҳисси ётади. Ҳокимиятга интилиш ҳирси озодликка интилиш ниқобига ўранади, инсоннинг ҳокимиятидан қутулган, тенглик ва озодликка асосланган молхона куришга жонланган жониворлар яна диктатурани – бир тоифа ҳайвонларнинг бошқа тоифа ҳайвонлар устидан ҳукмронлигини барпо этадилар.

ISBN 978-9943-23-149-8

© “Offset print” МЧЖ,
“Nihol” нашриёти, 2021 й.

SHIRIN SHAHAR
AXBOROT-KUTUBXONA
MARKAZI

INV № 2022/4-2286

«Кўрғонча» молхонасидаги мистер Жонс оқшом тушиши билан товуқхонасини тамбалаб кўйди. Бироқ у шу қадар маст эдики, девордаги тешикни беркитиш ёдидан кўтарилди. Орқа эшикни оёғи билан туртиб ёпгач, у қўлида силтаниб турган фонуси ёритган ерларда қаловланиб, бироз тентиради. Кейин ошхонадаги бочкадаги пиводан бир стакан сиздирib ичди ва хотини Жонс хоним хуррак отаётган тўшакнинг бир четига кирди.

Ётотхонада чироқ ўчиши билан молхонада безовта ҳаракатлар бошланди. Кун бўйи ҳайвонлар орасида миш-мислар тарқалди, гўёки кекса майор, мидлуайтлик мукофотланган ахта чўчقا ўтган кеча ғалати туш кўрибди ва бугун бу ҳақда бошқа жониворларга сўзлаб берар экан. Ҳаммалари, мистер Жонс кўздан батамом ғойиб бўлиши билан, катта омборда кўришишга қарор қилишди. Кекса майор (уни ҳамиша шундай аташарди, ҳолбуки, кўргазмаларга олиб борганда «Уиллингтон Гўзали» деган ном остида намойиш этишарди) молхонада жуда катта ҳурмат-эътиборга сазовор эди. Шунинг учун бу таклифга ҳамма ҳайвонлар рози бўлишди.

Майор аллақачон омбор охиридаги ўзининг пичан ғарамидан қилинган юксак тахтида, тўсинга осилган чироқ остида оломонни кутиб турарди. У ўн икки ёшда бўлиб, охирги пайтларда бўйига эмас, энiga кўпроқ кенгайган эди. Барибир, кўрқинч соладиган сўйлоқ тишларига қарамасдан, аввалгидай олижаноб чўчқалигича қолган, кўзларидан донишмандлик ва меҳр нури таралиб турарди. Ҳамма ҳайвонлар тўплангунча, ҳар бири ўз таъбига мос жой топиб ўтиргунча, анча вакт ўтди. Биринчи бўлиб учта кўппак – Блюбелл, Жесси ва Пинчер келди. Унинг ортидан чўчқалар киришди ва тепалик ёнидаги пичан устидан жой олишди. Товуқлар дераза пештахталарига жойлашдилар, кабутарлар потирлашиб, том остидаги тўсинларга тизилишди. Кўйлар ва сигирлар эса дарҳол чўчқаларнинг ёнига ўзларини ташладилар ва пичан чайнашга тушдилар. Боксёр ва Кловер исмли тулпорлар биргаликда келишди. Улар, кенг ва юнгли туёклари имкон қадар оз жойни эгаллаши учун, эҳтиёткорлик билан, секин ҳара-

катланишарди. Кловер ўрта ёшлардаги баланд байтал бўлиб, тўртинчи тойчогини тукқанидан кейин сўлқиллаб қолганди. Боксёрнинг ташки кўриниши ғайрихтиёрий хурматни уйғотарди – яғрини баландлигидан бўйи 6 фут бўлиб, у шу қадар кучли эдики, оддий отларнинг иккитасичалик кувватга эга эди. Унинг башарасини кесиб ўтган оқ чизик тулпорга аҳмоқона кўриниш берар, ростини айтганда, ўзи ҳам у қадар ақлли эмас эди. Бироқ ўзининг сокин хулқ-атвори ва гаройиб меҳнатсеварлиги билан ҳаммага ёқар эди. Отлардан сўнг оқ эчки Мюриэл ва эшак Бенжамин келди. У бу молхонада энг кўп яшаган ҳайвон бўлиб, ҳаддан зиёд расво ҳарактери бор эди. У кам гапирав, мабодо гапириб қолса, юзинг-кўзинг демай, шарттакилик қиласди. Масалан, у бир куни Яратган менга сўна-пашибаларни ҳайдаш учун дум берган, аммо пашибалар ҳам, дум ҳам бўлмаса афзал эди, деган. Ҳайвонлар орасида ҳеч қачон кулмаган ва кулмайдиган жонивор ҳам у эди. Нега бундай ғамгин экани ҳақида савол берилганда, у бу дунёда қувонч учун сабаб ҳали йўқлигини айтганди. Шунга қарамасдан, у тулпор Боксёрга боғланиб қолганди; одатда, улар якшанба кунларини боғ ёнидаги мўъжазгина яйловда майсаларни ковшаниб, ёнма-ён ўтказишарди.

Боксёр ва Кловер ёнбошлаб олган заҳоти, омборга онасини йўқотиб қўйган ўрдакчалар подаси ёпирилиб киришди; ҳаяжон билан ғақиллаб, хавфсиз, бирор билиб-бilmай босиб олмайдиган жой илинжида, у ёндан-бу ёнга югурга бошлашиди. Байтал Кловернинг узанган оёғи уларга ҳимоя девори бўлиб кўринди, ўрдакчалар бу бошпанага иргишилаб киришди ва дарҳол уйқуга кетдилар. Ниҳоят, омборга, қанд бўлагини қитирлатиб чайнаганча, олифта солланиб, мистер Жонснинг икки ғилдиракли аравасини тортадиган, далли оқ бия Молли кирди. У биринчи қатордан жой олди ва дарҳол тақиб қўйилган қизил тасмачасига эътиборни қаратиш учун оқ ёлларини ўйнай бошлади. Охирида мушук кирди ва одатдагидай, энг иссиқ жойни излаб, у ён-бу ёнга аланглади ҳамда Боксёр ва Кловернинг ўртасига сирғалиб кириб олди. Бу ерда у тинимсиз ағанаб, майорнинг нутқи пайтида миёв-миёвлаб тинмади ва маърузанинг бирорта сўзини ҳам эшитмади.

Орқа эшик ёнидаги таёқ учида ўтирадиган, кўлга ўргатилган қарға Мозусдан бошқа барча жониворлар жам бўлган эди. Ҳамма куляй тарзда жойлашиб олишлари ва сукунат чўкишини кутиб, майор томоғини қирди-да, гап бошлади:

– Ўртоқлар, кеча оқшом менинг ғалати бир туш кўрганимни ҳаммаларингиз эшитган бўлсангиз керак. Бу тушга кейинроқ қайтаман. Энг аввало сизларга, мана, нимани айтишим лозим. Сизлар билан яна узоқ ойлар бирга бўламиз, деб айтолмайман. Куним битяпти. Сезяпманки, сизлар билан ўлимим олдидан йиллар бўйи орттирилган донишмандлик меваларини баҳам кўришим лозим. Мен узоқ умр кечирдим, бир ўзим оғилда ёлғиз ётганимда, мулоҳаза юритиш учун етарли вақтим бўлди. Ўйлайманки, ҳаётнинг моҳиятини замондошларимнинг барчасидан ҳам кўпроқ тушунаман, деб айта оламан. Мана, шуларни сизларга баён қилмоқчиман.

Шундай қилиб, дўстлар, биз ва сизнинг тириклигимиздан нима маъно бор? Келинглар, ҳакиқатнинг юзига тик қарайлик: қисқа ҳаётимизнинг ҳар бир куни хўрликда ва заҳматли меҳнатда ўтади. Туғилганингиздан бошлаб бизга ўлмайдиган даражадагина овқат беришади, кучи бор ҳайвонлар энг сўнгги нафасигача ишлаши керак; одатда, биз ҳеч нарсага ярамай, ҳеч кимга керак бўлмай қолганимизда, бизни шафқатсизларча күшхонага равона қилишади. Бир йилни ўтказган бирорта ҳайвон бу Англиядада баҳт нималигини ёки меҳнатдан кейин дам олиш қандай бўлишини билмайди. Англиядада бирор-бир ҳайвон эрк нима эканини англамайди. Ҳаётимиз – қашшоқлик ва қулликдир. Ҳакиқат шудир.

Аслида ҳақиқий ҳолат шундай бўлиши мумкинми? Бу она заминимизнинг қашшоқлигиданми, ер унда яшайдиган ва меҳнат қилаётган барча жониворларни боқа олмайдими? Йўқ, ўртоқлар, минг бора йўқ! Англиядада иқлим майин, замин хосилдор, ер ҳозир яшаётганидан ҳам кўпроқ жониворларни боқа олади. Бизники сингари молхона ўнлаб отларни, йигирмата сигирни, юзлаб қўйларни боқа олади – ва уларнинг ҳаёти қуляйликларга тўла, ўзлари иззат-эътиборга эга бўладилар, биз бу ҳақда ҳали орзу ҳам қила олмаймиз. Нега биз

бу қадар тубан аҳволда яшашда давом этмоқдамиз? Сабаби шундаки, биз ўз меҳнатимиз билан ярататган деярли ҳамма нарса одамлар томонидан ўзлашириб юборилмоқда. Мана, ўртоқлар, барча саволларнинг жавоби қаерда экан. Бу битта, аммо ягона – одам деган сўздадир. Бизнинг ягона ҳақиқий душманимиз – одам. Сахнадан одамни олиб ташланг, очлик ва аёвсиз меҳнатнинг сабаби йўқолади.

Одам – ўзи ҳеч нарса ишлаб чиқармай, ҳаммасини ҳазм киласиган ягона маҳлукдир. У сут бермайди, тухумламайди, омочни судраш учун унинг кучи етмайди, қуёнларни тутиб олиш учун тезлиги суст. Шунга қарамай, у барча жонзотларнинг олий ҳокими. У жониворларни ишга ҳайдайди, емишни фақат улар очликдан азоб чекмайдиган даражада бера-ди – қолган ҳамма нарса унинг ихтиёрида қолади. Бизнинг меҳнатимиз билан ер шудгор қилинади, бизнинг гүнгимиз билан ер озиқланади, – бизнинг эса баданимизни ёпган теримиздан бошқа мулкимиз йўқ. Мана сизлар, ҳозир қаршимда ястаниб ўтирган сигирлар, ўтган йил мобайнида қанча сут бердинглар? Сизлар бўлиқ бузоқларингизни озиқлантиришингиз мумкин бўлган сут нима бўлди? Уларни сўнгги томчисигача душманларимиз ичиб, ютиб юборишиди. Сизлар-чи, товуқлар, бу йил нечта тухум кўйдинглар ва нечта жўжани очиб чиқдинглар? Қолганлари бозорга олиб бориб сотилди ва Жонс ҳамда у кабиларнинг чўнтағига жарақ-жарақ пул бўлиб тушди. Сен айт-чи, Кловер, сенинг азобларда тукқан ва вояга етказган, қариганингда сенга таянч ва овунчоқ бўладиган тўртта тойчоғинг қаёқда? Уларнинг барчаси, бир ёшга тўлар-тўлмас, сотиб юборилди ва сен уларни бошқа ҳеч қаҷон кўра олмайсан. Айт-чи, тўрт марта туғруқ азобини чекканинг, далаларни омоч судраб ҳайдаганингдан кейин сенинг бир тутам пичан ва ипли қозигингдан бошқа ниманг қолди?

Бизнинг шўрлик умримиз ҳам табиий йўл билан тугамайди. Мен ўзимни айтмаяпман, менинг омадим бор экан. Ўн икки ёшгача яшадим ва тўрт юзтадан зиёд чўчқачаларни туғдирдим. Бир чўчқа учун муносиб умр кўрдим. Аммо ҳеч бир ҳайвон умри охирида шафқатсиз пичоқдан қутулиб қололмайди. Мана, сиз, олдимда турган ёш чўчқачалар, бир

йил ўтмай, ҳаётларингизни анави шахар ташқарисидаги қассобхонада тугатасиз. Бундай даҳшатли тақдир ҳамманни: сигирларни, чўчқаларни, товукларни, қўйларни, ҳамма-ҳаммангизни кутади. Ҳатто отлар ва кўппакларга ҳам раҳим қилинмайди. Сенинг бақувват мускуларинг сенга хизмат қилолмайдиган ўша олис кун келади, Боксёр, ўшанда сени мистер Жонс тери шилувчига жўнатади, у эса сенинг гўштингдан итларга овқат тайёрлайди. Итларга келсак, улар қариб, тишлари ўтмаслашиб қолганда, мистер Жонс уларнинг бўйнига ғиши боғлаб, яқин атрофдаги ҳовузга чўктиради.

Шунча гаплардан кейин, ўртоқлар, ҳаётимизни заҳарлаган ёвузликнинг манбаи одамзоднинг ҳукмронлиги экани аниқ-равshan бўлмадими? Одамдан халос бўлсанк бўлди, меҳнатларимизнинг барча мевалари бизнинг мулкимизга айланади! Истасак, шу бугун кечқурундан бошлаб эркимизнинг қуёши ёнади ва бой ҳамда мустақил жониворларга айлантиради. Бунинг учун нима қилишимиз керак? Вужудимизни ва қалбимизни одамнинг ҳукмронлигини йўқ қилиш учун фидо қилиб, туну кун меҳнат қилишимиз шарт! Мен сизларни, ўртоқлар, исёнга даъват қиласман! У қачон аланга олади, буни билмайман, балки бир ҳафтадан сўнгdir ёки юз йилдан кейиндир. Аммо мен, мана шу сомонни кўриб турганимдек, аниқ ва равshan кўрмоқдаманки, эртами-кечми, адолат тантана қилади. Ҳаётимиз қанча қолган бўлса ҳам, ўз ҳаётимизни бу ғояга фидо қиласлик! Бундан ташқари, менинг бу Мурожаатномамни сизлардан кейин келадиганларга ҳам етказинглар, зеро келгуси авлодлар курашни ғалабага эришгунга қадар олиб борсинлар.

Эсда тутиналар, ўртоқлар, сизнинг жасоратингиз, журъатингиз барқарор ва собит бўлсин. Сизларни ҳеч қандай ғайри фикрлар йўлдан адаштиргасин. Агар кимдир жониворлар ва одамлар ўргасида умумий манфаатлар бор, бир томоннинг фаровонлиги иккинчи томоннинг фаровонлиги демакдир, деб гапира бошласа, уни эшитманлар. Буларнинг бари ёлғон! Одамларни ўзлариникидан бошқа ҳеч кимнинг манфаати қизиктирмайди. Биз ҳайвонларнинг орасида эса жангда енгилмас

бирлик, мустаҳкам биродарлик ғалаба қылсинг. Барча одамлар – душманларимиз. Барча ҳайвонлар – биродарлар.

Майор нуткини тугатган заҳоти даҳшатли шовқин-сурон кўтарилди. Унинг нутқи давом этаётган пайтда тўртта баҳайбат каламуш ўз уяларидан чиқиши ва орқа оёқларига таяниб, майорни дикқат билан эшитиши. Шу пайт уларни кўппаклар сезиб қолиши, бирдан ўзларини уяга урган каламушларнинг ҳаётини тезкор ҳаракатларигина кутқариб қолди. Жониворларнинг барчаси биродарлар эмиш... Майор жим ўтиришга унданб, оёгини кўтариб қўйди.

– Ўртоқлар, – деди у, – биз яна бир масалани ҳал этишимиз лозим. Каламушлар ва қўёнлар сингари ёввойи ҳайвонлар ҳам дўстларимизми ёки душманларимизми? Келинглар, овозга қўямиз. Мен мажлисимиз кун тартибига кўриб чиқишига шу масалани тавсия этаман: каламушлар бизнинг ўртоқларимиз хисобланадими?

Овоз бериш жараёни тезда ўтказилди ва қўпчилик овоз билан каламушларни ўртоқлар деб ҳисоблаш мумкин, деган қарор қабул қилинди. Факат тўртовлон – учта ит ва мушук қарши овоз бериши. Кейин маълум бўлишича, мушук иккала ҳолатда ҳам овоз берган экан. Майор давом этди:

– Мен яна озгина нарсани қўшимча қиласман, холос. Мен такрор айтаман: ёдда сақланг, сизнинг мажбуриятингиз одамларга ва уларнинг ҳар қандай ташабbusларига қарши курашишдир. Икки оёқда юрадиган ҳар бир жон – ғаним. Тўртта оёғи ёки қаноти бор ҳар бир жон – дўст. Яна шуни ёдда тутингки, инсон билан курашда ҳам биз ҳеч вақт унга ўхшашимиз мумкин эмас. Ҳатто ғалаба қилганимизда ҳам инсон яратган ҳамма нарсани рад этамиш. Ҳеч бир ҳайвон уйда яшамаслиги, тўшакда ухламаслиги, кийим киймаслиги, ароқ ичмаслиги, тамаки чекмаслиги, пулга қўл теккизмаслиги ва савдогарлик қилмаслиги керак. Инсоннинг ҳамма одатлари – ёвузиликдир! Бундан ташқари, ҳеч бир жонивор ўз қардошларига зулм қилмасин. Заифмизми ёки кучлимизми, ақллимизми ёки аҳмоқмизми – ҳаммамиз биродарлармиз! Бирор-бир жонивор бошқа жониворларни ўлдириши мумкин эмас. Ҳамма ҳайвонлар тенгдир.

Энди, ўртоқлар, мен сизларга кече оқшом күрган түшимни айтиб бераман. Мен сизга бу орзуни тасвирлашга ожизман. Бу инсон дегани ер юзидан буткүл йүқолганидан кейинги замин ҳақидаги орзу эди. Мен аллақачон унтуилган нарсани эслаб қолдим. Күп йиллар аввал, мен ҳали кичкина үчқача бўлганимда, менинг онам ва барча қариндошларим бир кўхна қўшиқни куйлашни яхши кўрап эдилар. Рости гап, улар бу қўшиқнинг бор-йўғи дастлабки уч қаторини ва оҳангини билардилар, холос. Мен бу қўшиқни болалигимдан эсда тутаман, аммо кўп вақт ўтди ва кўп нарса ёдан кўтарилиди. Ўтган оқшом бу қўшиқ менга орзу билан бирга қайтиб келди. Энг ҳайратланарлisisi, – ва ишончим комилки, қўшиқнинг олис ўтмишда ҳам ҳайвонлар айтиб келган сатрлари ёдимга келди, ҳолбуки, бу сатрлар аллақачон авлодлар хотирасидан ўчиб кетган, деб ҳисобланар эди. Мен ҳозир сизларга бу қўшиқни айтиб бераман, ўртоқлар. Мен қариб қолганман, овозим ҳам хириллаб чиқади, бироқ мен сизларга оҳангини ўргатгандан сўнг, сиз уни мендан яхшироқ куйлайсиз. Бу қўшиқ «Англия жониворлари» деб аталади.

Кекса майор томоқ қириб, бўғзини тозалади ва қўшиқни бошлиди. Худди айтганидай, унинг овози хириллоқ эди, аммо «Клементина» ва «Кукарача» ўртасидаги ҳаяжонли оҳанг тоза янграр эди. Сўзлари шунаقا эди:

*Англия ва жаҳон жониворлари,
менинг сўзим борар ҳайвон зотига,
чорлар далалардан, молхоналардан
янги замонларнинг саодатига.*

*У кун келар, келади албат,
энг буюк покликнинг пок мавжудоти ,
одам деганлари тугайди абад,
қолади дунёда ҳайвонлар зоти.*

*Боишқа бошимизда қамчин ўйнамас,
бўйинтуруқ бўғмас томоқни боишқа,
майли, синиб кетсин извои ярамас,
аравани тортмас ул тулпор қашқа!*

*Эртамиз бўлади албат фаровон,
йўнгичқа, пичан-у дон-дунлар сероб,
омборлар тўладир, ҳамма ёқда дон,
толемиз ёрқин, тепада офтоб.*

*Англия осмони чарақлар ёрқин,
сувлари покиза, ирмоқлар – шиша,
қўшиқ куйлар энди шамоллар шошқин:
биз озодмиз энди мангур, ҳамиша!*

*Сўз берамиз бугун бир-биримизга –
кўлга олажакмиз тақдиримизни!
Чўчқалар, товуқлар, сигирлар – барча
жангда жасоратли тутармиз ўзни!*

*Англия ва жаҳон жониворлари,
менинг сўзим борар ҳайвон зотига,
чорлар далалардан, молхоналардан
янги замонларнинг саодатига.¹*

Бу қўшиқнинг биргаликда ижро этилиши барча ҳайвонларни ёввойи жунбишга келтирди. Майор охирги сўзни талаффуз қилиши билан, жониворлар қўшикни қайтадан айта бошлиашди. Иштирокчиларнинг энг анқовлари ҳам оҳангга тушиб олишди ва бир неча билган сўзларини илиб кетишли, энг ақлли бўлган чўчқалар ва итларга келсак, улар бир-икки дақиқада дарров қўшикни дилларининг туб-тубидан куйлай бошлиашди. Бир-бирларига мослашувга бир неча бор уринишдан сўнг бутун молхона ҳайратли бир яқдилликда «Англия жониворлари»ни баралла айта бошлади. Сигирлар қўшиқни маърашар, итлар ириллашар, кўйлар баърашар, отлар кишинар ва ўрдаклар ғақиллашарди. Улар шу қадар завқ билан куйлашарди, қўшиқ беш марта кетма-кет ижро этилди, ҳар гал аввалгисидан яхши эди. Агар уларни узиб қўйишмаса, тун бўйи куйлашарди.

1 Бу ерда ва барча бошқа шеърларни Карим Баҳриев таржима қилган.

Афсуски, шовқиндан мистер Жонс уйғониб кетди, ҳовлига тулки кириб қолган деган қатъият билан түшакдан турди. У ҳамиша боши устида турадиган милтигини ушлаб, ҳовлига чиқди ва бир-икки марта қоронғиликка ўқ отди. Ўқларнинг бири омборнинг деворига тегди ва... мажлис ўша заҳоти тугади. Ҳамма ўзи ҳамиша тунни ўтказадиган тешикларига тарқаб кетди. Кушлар ўзларининг қўноқларига чиқишиди, ҳайвонлар пичанга ағанашиди, бутун молхона дарҳол уйқуга чўмди.

II БОБ

Уч кундан сўнг кекса майор уйкуда сокингина жон таслим қилди. Унинг танаси яқин-атрофдаги мевазор боғнинг худудида тупроққа топширилди.

Бу воқеа мартнинг бошларида юз берган эди. Кейинги уч ой мобайнида кенг кўламда яширин фаолият олиб борилди. Майорнинг маърузаси молхонанинг аксарият онгли аҳолисини ҳаётга янгича нуқтаи назардан қарашга даъват этган эди. Улар қачон майор айтган исён кўтарилишини билишмасди, уларда исён уларнинг тирик ҳаётлари мобайнида юз беради, деган ишонч ҳам йўқ эди, аммо шуни аниқ англар эдиларки, улар исённи тайёрлашлари лозим. Қолган барча жониворларнинг онгини ошириш ва ташкиллаштириш, табиийки, ақлий қобилиятлари ҳамма томонидан эътироф этиладиган чўчқаларнинг зиммасига тушди. Аммо уларнинг орасида ҳам иккита ахта қилинган ёш чўчқачалар Сноуболл ва Наполеон ажралиб турарди. Мистер Жонс уларни сотиш учун боқаётган эди. Наполеон молхонадаги анча каттакон ва ҳатто кўриниши баҳайбат беркшир чўчқаси эди. У кўп гапирмас, ичимдагини топ дейдиган шахслардан бири эди. Сноуболл хулқ-атвори жонли, нутқи тез ва ўзи кашшоғ, аммо у қадар жиiddий эмас эди. Молхонадаги қолган чўчқачалар ҳали ёш эди. Уларнинг ичida Қичқироқ деб аталадиган, ёноқлари юмалоқ, кўзлари пир-пир учиб турадиган, ҳаракатлари чаққон ва овози чийиллаган, ўзи кичкина, аммо бақалоқ чўчқача машҳурроқ эди. У ажойиб нотик эди. Бирор-бир муаммони муҳокама қилас экан, у томондан-бу томонга югурад, думи тинимсиз ликиллар, бу ҳам нутқига алоҳида ишончлилик баҳш этарди. Кимdir Қичқироқ ҳакида бу оқни қора, корани оққа айлантира олади, деб айтган эди.

Шу учаласи кекса майорнинг даъватларини мукаммал дунёқарашлар тизимига айлантириш учун қайта ишлашди ва бу таълимотни ҳайвонизм деб номлашди. Ҳафтада бир неча кеча, мистер Жонс уйқуга кетгандан сўнг, улар омбордаги яширин йигилишларда қолган барча ҳайвонларга ҳайвонизм тамойилларини тушунтиришди. Авваллари улар саводсизликка ва лоқайдликка дуч келишди. Кимdir мистер

Жонсга нисбатан бағрикенглиқ қилиш ҳақида айтди, ахир, уни аксарият ҳайвонлар хұжайин деб аташар ёки «Мистер Жонс бизни бокяпти. У бўлмаса, очликдан ўлардик» сингари эътиrozларни айтишарди. Бошқалар савол беришарди: «Нима учун ўлимимиздан кейин бўладиган нарсалар тўғрисида ўйлашимиз керак?» Ёки: «Агар исён барибир, албатта кўзғалса, биз у учун ишласак-ишламасак, нима фарқи бор?» Чўчқалар ҳайвонларга буларнинг бари ҳайвонизм руҳига зид эканини тушунтиришлари учун кўп заҳмат чекишилари лозим бўлар эди. Энг аҳмоқона саволларни оқ бияча Молли берарди. У Сноуболлга берган илк савол шу бўлди: «Кўзғалондан сўнг шакар бўладими?»

– Йўқ, – кескин жавоб берди Сноуболл. – Биз бу молхонада шакар ишлаб чиқармоқчи эмасмиз. Бундан ташқари, сен усиз ҳам яшашинг мумкин. Сенга сули пояси ва пичан етарли.

– Менга ёлимга қизил тасмача тақиб юришга рухсат бериладими? – Сўрарди Молли.

– Ўртоқ, – деди Сноуболл, – сенга боғлаб қўйилган бу қизил тасмалар – қуллик рамзлари. Озодлик барча тасмачалардан қимматли эканини наҳот тушунмасанг?

Молли шундай эканлигига рози бўлди, аммо, кўринишидан, ичида ўз фикри билан қолган эди.

Қўлга ўргатилган қарға Мозус томонидан тарқатилган ёлғонни рад этиш зарурати чўчқаларга Моллининг инжиқликларидан кўра қийинроқ, заҳматталаб иш бўлди. Мистер Жонснинг севимли жонивори бўлган Мозус ўта сўзамол ва ғийбатчи эди, бироқ қизилсўзликни ҳам қойиллатарди. У Муз тоғи деб аталадиган, ҳамма ҳайвонлар ўлганидан сўнг, албатта тушадиган сирли бир мамлакат мавжудлиги ҳақида миш-мишлар тарқатган эди. У самовотда, қайдадир булутлардан тепада, деб ҳикоя қиласарди Мозус. Муз тоғи мамлакатида ҳафтада етти кун – якшанба, йўнғичқа йил бўйи кўмкўк, майдаланган шакар ва зигир кунжараси буталарда ўсиб ётади, дейди у. Молхонада Мозусни ҳамма ёмон кўрарди, унинг ишламай, фақат олди-қочди гапларни гапириши ҳамманинг жонига текканди. Аммо кимлардир Муз тоғи мамла-

кати ҳақидаги афсоналарга ишонди, чүчқалар ҳаммани бунақа жой мавжуд эмаслигига ишонтиргунлариقا кўп меҳнат қилдилар.

Иккита юк ташувчи отлар, Кловер ва Боксёр, энг садоқатли ёрдамчилар бўлиб чиқди. Албатта, тафаккур қилиш жараёнининг ўзи улар учун осон эмасди, аммо чўчқаларни ўзларининг йўлбошчиси эканини тан олган бу байталлар, Кловер ва Боксёр, айтилган ҳамма гапни дарҳол қабул қиласла ва билганларини бошқа ҳайвонларга етказишар эди. Улар омбордаги барча йигинларда фаол иштирок этишар ва барча мажлислар якунида куйланадиган «Англия жониворлари» кўшигини биринчи бўлиб бошлаб беришарди.

Бироқ, аён бўлдики, кўзғолон анча барвакт юз берди ва ҳеч ким тасаввур қилмаган тарзда, кутилганидан кўра осон кечди. Ўз вактида мистер Жонс яхши фермер бўлган ва хулқ-автори ҳам кескин эди. Бироқ кейинчалик унинг иши орқага кета бошлаганди. Бир дунё пулларини суд низоларига сарфлаб, у молхона ишларига қарамай қўйди ҳамда мусалласхўрликка муккасидан кетди. У кун бўйи ошхонадаги тебранадиган оромкурсида ялпайиб ўтиради – газеталарни вараклар, шишани қўлидан қўймас, вақти-вақти билан Мозусни пивога ботирилган ион бўлаклари билан бокарди. Унинг ишчилари ишсиз тентираб юар, эгасиз кўринган ҳар бир нарсани ўмаридекетишар эди; далаларни ёввойи ўтлар босди; панжаралар тешилиб ётар, жониворлар кўпинча овқат берилмай, оч қоларди.

Июнь ойи келди, далалардаги ҳосил йиғиширишга тайёр эди. Ёзниңг ўртаси шанба кунига тўғри келди, ундан бир кун олдин мистер Жонс Уиллингтонга жўнади ва «Қизил арслон» майхонасида шундай бўкиб майшат қилдики, якшанба куни кун оққандан кейин қайтиб келолди, холос. Сигирларни эрталабдан соғиб олган батраклар жониворларни овқатлантириш ўрнига, ўрмонга қуён овлашга кетиб қолдилар. Уйга қайтган мистер Жонс дарҳол меҳмонхонадаги тўшакда, юзига газетани ёпганча, ухлашга ётди, яъни ўша кеч молхона ахли овқатсиз қолди. Ниҳоят, уларнинг сабр косаси тўлди. Сигирлардан бири шохлари билан пичанхона эшиклари-

ни бузиб ташлади, жониворлар ўзларини емишга урдилар. Айни шу вақтда мистер Жонс уйғониб қолди. Кейинги лаҳзада у ва тўртга хизматчи, тўрт томонга чувиллаб силкинган қамчинилар билан қуролланган ҳолда, ҳодиса ерига етиб келишди. Бу ҳаёт оч-наҳор ҳайвонларнинг жонига текканди. Уларнинг ҳаммаси бирлашиб, золим одамлар томон отилдилар. Тўсатдан Жонс ва бошқалар ҳайвонлар ҳамма томондан уларни турткилаётгани ва ураётганини сезиб қолдилар. Ташаббус уларнинг қўлидан кетган эди. Улар аввал ҳеч қачон бу аҳволга тушган жониворларга дуч келмаган эдилар, улар авваллари шафқатсиз муомала қилган жониворларда нафрату ғазабнинг жўшгани уларни ҳушдан кеткизадиган даражада саросимага солиб кўйди. Улар ўзларини бир йўлини қилиб кутқаришга ва қочиб қолишга ҳаракат қилишлари зарурлигини тушунишди. Бир дақиқадан сўнг, улар беш киши бўлиб, шошилинч катта йўлга олиб чиқадиган сўқмоқдан қочиб борар, ҳайвонлар уларнинг ортидан қувиб бораётган эдилар.

Жонс хоним нима бўлаётганини ётоқхона деразасидан кўриб турарди, у ҳам жомадонига қўлига илинган нарсасини шошилинч солиб, орқа эшик орқали молхонани тарк этди. Мозус ўз қўналғасидан учиб чиқди ва қар-қарлаганча аёлнинг ортидан учди. Айни пайтда ҳайвонлар мистер Жонс ва унинг шерикларини оғир дарвоза ёпилгунча қувиб бордилар. Шундай қилиб, улар нима бўлганини тушуниб ҳам улгурмай, қўзғолон самарали якунланди: Жонс қувиб юборилди ва «Кўргонча» молхонаси уларнинг тасарруфига ўтди.

Дастлабки бир неча дақиқада жониворлар ўз омадлари га зўрға ишониб-ишонмай тонг қотиб турдилар. Аввал улар молхона чегараларини шошинқираб айланиб чопишли, бирор ерда бирорта одам яшириниб қолмаганлигига ишонч ҳосил қилгандай бўлишди. Сўнг молхонага қайтиб, нафратга гирифтор бўлган Жонс хукмронлигининг сўнгти изларини йўқотишига киришишди. Жониворларнинг абзаллари сакланадиган хона вайрон қилинди. Қармоқлар, сувлиқлар, юғанлар, жиловлар, мистер Жонс чўчқалар ва қўчқорларни ахта қиласидиган қўрқинчли пичоқлар – ҳаммаси ташқарига

отилди. Эгар-жабдуқлар, нұхталар, юғанлар – ҳайвонларни боғлайдын бунақа барча жиловлар ҳовлида аллақачон ловуллаб ётган гулханга отилди. Қамчинларни ҳам шундай тақдир кутарди. Барча ҳайвонлар, қуллик рамзлари ловуллаб ёнишини күриб, қувончдан сакрардилар. Сноуболл бундан ташқари күргазма кунларида жониворларнинг думлари ва отларнинг ёлларига боғланадиган тасмачаларни ҳам гулханга улоқтириди.

– Тасмалар, – деди у, – кийим деб эътироф этилиши, инсондай разил мавжудотнинг белгиси ҳисобланиши лозим. Барча жониворлар яланғоч юришлари шарт.

Бу гапни эшитган Боксёр ёзда пашиша ва сўналардан асрайдиган, қамишдан тўқилган шляпасини силкитди ва оловга отиб, кўнгли яйради.

Ҳайвонларга мистер Жонсни эслатадиган барча нарсани вайрон килиш учун кўп вақт кетмади. Шундан кейин Наполеон ҳаммани хирмонга олиб борди ва ҳар бир жониворга икки ҳиссадан озуқа тарқатди, кўппакларга эса, бундан ташқари, иккитадан пишириқча берди. Кейин улар илҳомланиб, етти марта «Англия жониворлари»ни куйлашди, сўнг тунги уйку учун жой-жойларига тарқалишди. Уларнинг бу тунги уйқулари ҳар қачонгидан ҳам қаттиқ эди.

Одатдагидай, тонгда уйғониб, бехосдан кечаги ғалабалирини эслаб қолишиди ва ҳаммалари биргаликда яйраш учун яйловга отланишди. Яйлов яқинида тепалик бўлиб, унинг устидан қараб, молхонанинг барча ерларини томоша қилиш мумкин эди. Субхидамнинг соф нурлари остида жониворлар тепаликнинг чўққисига чиқишиди ва атрофга назар солишиди. Ҳа, буларнинг бари энди уларнинг мулки эди – кўз тушган ҳамма нарса уларга тегишли! Бу кашфиётлардан завқланган ҳолда, улар давра қуриб айланишар ва шодликлари ошиб-тошиб сакрашарди. Улар шабнамда ирғишилашар, ёзнинг хуштаъм ўтларини чайнашар, юмшоқ қора ерни титкилаб, она заминнинг ҳаяжонга солувчи ифорини ҳидлашарди. Сўнг, атрофга – шудгорлар, яйловлар, мевазор боғ, ҳовуз ва қайнизорга тамшаниб назар солганча, улар бутун молхона худудини айланиб чиқишиди. Афтидан, улар аввал ҳеч қачон

буларнинг барини кўрмаган ва ҳозир булар ўзларига тегишли эканига зўрга ишониб турган эдилар.

Кейин улар бинолар томон келдилар ва иморатнинг очиқ турган қўштабақали эшиги олдида талмовсираб туриб қолдилар. Энди бу молхона уларга тегишли эди, аммо ҳали ҳам уйга киришга бироз кўркиб тургандилар. Бир дақиқа ёки сал кўпроқ талмовсираб турганларидан сўнг, Сноуболл ва Наполеон эшикларни катта очиб қўйди ва жониворлар, ҳеч нарсага туртиниб кетмаслик учун, эҳтиёткорлик билан ичкарига кира бошлашди. Улар оёқ учida у хонадан бу хонага ўтишар, бирор овоз чиқаришдан ҳайиқиб, атрофдаги ҳашамдорликдан ҳайратда эдилар – момиқ партўшаклар, кўзгулар, от ёлидан тўқилган юмшоқ ўриндиклар, Брюссел гиламлари ва меҳмонхона кийимилгичи устидаги қиролича Викториянинг ўйиқли сурати. Улар зинадан пастга тушаётганларида Молли қаёққадир ғойиб бўлиб қолгани аён бўлди. Ортга қайтиб, уни ётоқхоналарнинг биридан топишиди. У Жонс хонимнинг орасталик жомадонидан мовий бир тасмани олиб, елкасидан пастга эндирганча, ўзининг ўта аҳмоқона кўринадиган чиройига кўзгудан маҳлиё бўлиб турарди. Барча ҳайвонлар яқдиллик билан унинг бу қилишини қораладилар ва биргаликда бу хонани тарқ этдилар. Ошхонада осилиб турган бир неча жониворларнинг сон гўшти марҳум ҳайвонларнинг иззатини жойига қўйиб дафн этиш учун олинди ва майхона қисмида Боксёр туёғи билан пиво бочкасини тешди – уйдаги қолган ҳамма нарса тегилмаган ҳолда қолди. Собиқ хўжайнининг уйини инсоннинг ҳайвонларга зулми ҳисобига шоҳона яшаганини хотирлатиб туриши учун музейга айлантириш борасида яқдил қарор қабул қилинди. Унинг хоналарида бирорта ҳайвон яшамаслиги керак деган қарорга келинди.

Нонуштадан сўнг, Сноуболл ва Наполеон яна ҳаммани мажлисга чақиришди.

– Ўртоқлар, – деди Сноуболл, – аллақачон соат беш ярим бўлди, олдимизда узундан-узоқ кун турибди. Бугун биз йиғим-теримни бошлашимиз керак. Аммо биз олдин бошқа бир ишни қилишимиз лозим.

Чўчқаларнинг хабарига кўра, улар кейин **SHIRIN SHAHAR**
AXBOROT-KUTUBXONA
MARKAZI
INV № 1022 /р-2286

байнода мистер Жонснинг болаларидан қолган, ахлат тұда-си ичидан чиқиб қолган ҳуснихат түпламидан эскича ёзув ва ўқиши бир қадар ўрганишган экан. Наполеон уларни қора ва оқ бүйекларни олиб келишгә юборди ва ўзи асосий йўл бошланадиган жойдаги дарвозаларга томон юрди. Ке-йин Сноуболл (айнан Сноуболл, чунки унинг ёзуви ҳамма-никидан чиройлироқ эди) иккига айрилган туёклари ораси-га мўйқаламни олиб, дарвозанинг юқори тўсинига ёзилган «Қўрғонча»молхонаси ёзувини ўчириб ташлади ва унинг ўрнига «Ҳайвонобод» деб ёзди. Бугундан бошлаб молхонанинг номи шундай бўлиши керак эди. Шундан сўнг улар бино томонга қайтдилар, бу ерда катта омборнинг орқа де-ворига Наполеон ва Сноуболлнинг буйруқларига асосан келтирилган нарвон тираб қўйилган эди. Уларнинг тушун-тиришларига кўра, улар ўқиши ва ёзишини ўргангандан сўнгги уч ой мобайнода чўчқалар ҳайвонизмнинг еттига устувор тамоийларини ишлаб чиқдилар. Бу еттига тамоийил омбор деворида тарихга муҳрланиб қўйилади; уларда рад қилиб бўлмайдиган, шаксиз итоат этиладиган қонунлар акс этади, молхонадаги барча жониворлар бугундан бошлаб то охират-гача шу қоидалар асосида яшайдилар. Айрим мураккаблик-лар бўлса-да (чўчқаларнинг нарвонда туриши осон эмас), Сноуболл юқорига чиқди ва ишга киришди; бир неча погона қўйида Қичқироқ бўйек солинган идишни ушлаб турарди. Ҳайвонизм арконлари ёғ босган кора деворга ўттиз метр на-ридан ҳам ўқиладиган қилиб катта-катта ҳарфларда оқ бўйек билан ёзилди. Мана, улар нималардан иборат эди:

‘ЕТТИ АРКОН

1. Икки оёқда юрадиган ҳар ким – душман.
2. Тўрт оёқда юрадиган ёки қаноти бор ҳар ким – биродар.
3. Ҳайвонлар кийим киймайдилар.
4. Ҳайвонлар тўшакда ётмайдилар.
5. Ҳайвонлар шароб ичмайдилар.
6. Ҳеч бир ҳайвон бошка ҳайвонни ўлдириши мумкин эмас.
7. Барча ҳайвонлар тенг ҳукуклидир.

Ҳаммаси жуда чиройли ёзилди, факат «биродар» сүзи «Бриодар» тарзида ёзилгани ва «с» ҳарфларидан бири бошқа томонга қараб турганини ҳисобга олмаса ҳам бўлади. Умуман олганда, ҳаммаси тўғри тамойиллар эди. Йиғилгандар ёзилганларни тўғри англаб олишлари учун, Сноуболл тамойилларни баланд овозда ўқиди. Ҳамма тўлиқ ризолик билдириди, айрим онгли ҳайвончалар тамойилларни дарҳол ёд олишга киришдилар.

– Энди, ўртоқлар, – деди Сноуболл, мўйқаламни улоқтира туриб, – ҳамма далага! Жонс ва унинг қулларидан кўра ҳосилни тезроқ йиғиб-териб олиш биз учун ор-номус белгисидир!

Аммо айни шу пайтда учта сигир, у оёқдан бу оёққа таянган ҳолда, қаттиқ маърай бошлишди. Улар бир кеча-кундуздан бери соғилмаган эди, уларнинг эмчаклари оғрий бошлаганди. Бироз ўйланиб тургач, чўчқалар чеълак келтиришни буюришди ва сигирларни жуда чиройли тарзда соғиб олишди. Маълум бўлишича, уларнинг иккига ажралган туёқлари айнан шу учун яратилгандай эди. Бешта чеълак тезда буғи чиқиб турган иссиқ сутга тўлди. Бошқа ҳайвонлар бунга қизиқсиниб қараб турадилар.

– Энди бу сутни нима қиласиз? – Кимdir савол берди.

– Жонс баъзан сутни бизнинг емишимига қўшиб берарди, – деди товуқлардан бири.

– Сут ҳакида ўйлаш керак эмас, ўртоқлар! – чеълакларни ҳайвонлардан тўсиб, ўдағайлари Наполеон. – Сут ҳакида ғамхўрлик бизнинг зиммамиизда. Ҳосил – бугун асосий иш шу. Ўртоқ Сноуболл сизларни бошлаб боради. Мен бир неча дақиқадан сўнг, орқаларингдан етиб бораман. Олға, ўртоқлар! Йиғим-терим кутиб турмайди.

Ҳайвонлар далаларга отландилар, йиғим-теримга киришдилар, кечкурун уйга қайтгач билиндики, сут гумдан бўлган.

III БОБ

Ох, улар йигим-теримда қанчалар тер тўқдилар! Уларнинг заҳматлари зое кетмади, ҳосил улар кутганидан ҳам кўп эди.

Гоҳида иш кўплаб қийинчиликлар туғдирап эди: техника ҳайвонлар учун эмас, одамларга мўлжаллаб ясалган эди. Асосий тўсиқ шунда эдики, жониворларнинг ҳеч бири орқа оёқларида тик турганча ишлай олмасди. Бироқ чўчқалар бу тўсиқни четлаб ўтишнинг иложини топишиди. Отларга келсак, улар даладаги ҳар бир ўнкир-чўнкирни билардилар, ўримни ва йигим-теримни Жонс ва унинг бадмаст батракларидан яхшироқ тушунардилар. Чўчқаларнинг ўзлари амалда ҳеч бир иш қилмасдилар, уларнинг вазифаси ташкиллаштириш ва бошқариш эди. Табиийки, бу раҳбарий мавқе уларнинг юксак чўчқалик тафаккури билан таъминланган эди. Тулпорлар – Боксёр ва Кловер ўрим машинаси ёки механик хаскашларга қўшилган эдилар (албатта, бу мустақиллик, эркинлик даврида жиловда бўлиш, қамчин билан бошқариш ҳақида гап бўлиши мумкин эмасди, мажбурий меҳнат тақиқланганди) ва саранжом-саришталик билан барча дала-ларни ўриб олдилар. Уларнинг ортидан бирор чўчқа юрар ва чинқириқ воситасида раҳбарлик қиласарди: «Олдинга, ўрток!» Ёки «Орга бос, биродар!» Ҳамма жон-жаҳди билан ишларди, ҳосилни йигиб, ўриб борарди. Ҳатто товуклар ва ўрдаклар ҳам у ён-бу ёнга ҳаракатланар, тумшукларида дон таширдилар. Алал-оқибат, ҳосил одатда мистер Жонс ўриб оладиганидан икки кун олдин йигиштирилди. Бундан ташқари, бу қадар кўп ҳосилни молхона ҳали кўрмаган эди. Чунки ҳеч бир дон йўқолмади, товуклар ва ўрдаклар ўткир нигоҳлари билан ҳар бир хасни териб олишиди. Йигим-терим даврида ҳеч бир жонивор бир ютумдан ортиқ донни ютиб юборишга жазм қилолмади.

Ёз бўйи барча ишлар соат механизмидай аниқ бажарилди. Ҳайвонободнинг жонивор аҳолиси шу пайтгача бу қадар роҳат қилиб ишлаш мумкинлигини билмаган эканлар. Хирмон юксалаётганини ҳар кўрганда, улар ҳаддан зиёд роҳатланар эдилар, чунки бу уларнинг ўзлари етиштирган ва

ўзларининг таомланиши учун йиғиштирган озуқалари эди. Энди бу озуқани шафқатсиз одамзод тортиб ололмас эди. Текинхўр ва фойдасиз одамзод ҳукмронлигидан озод бўлгач, бошқа ҳеч ким уларнинг йикқан заҳираларига дахл қила олмасди. Албатта, хордиқ пайтлари кўп нарсаларни ўйлашга тўғри келди. Етарли тажрибаларга эга бўлмаганликлари сабаб улар муайян қийинчиликларга дуч келаётган эдилар. Масалан, улар донли экинларни йиғиштиришда эски замондагидай донни эзғилашар ва ўз нафаслари орқали чорисидан ажратиш учун совуришарди. Чўчқаларнинг тафаккури ва Боксёрнинг қудратли мускуллари бу ишда қўл келарди. Тулпор Боксёр ҳаммани ҳайратга солди. У Жонс замонасида ҳам кўп ишларди. Энди, озодликдан сўнг эса, янада оғир ишларни қилар, уч ҳайвоннинг ишини бажараётган эди. Шундай қунлар бўлардики, молхонадаги барча ишлар унинг баҳайбат билакларига тушарди. У тонгдан кечгача чарчоқ билмай ишларди ва ҳамиша энг оғир ишларни бажарар эди. Хўрозлардан бири билан уни ҳаммадан олдин уйготишга келишиб қўйган эди, иш куни бошланишидан олдин аллақачон зарур жойда анча керакли ишни бажариб қўйган бўларди. Ҳар қандай оғирлик, муаммо билан юзма-юз келаркан, у факат бир нарсани мудом ўзига айттар эди: «Мен янада кўп ишлашим керак». Бу унинг шахсий шиори эди.

Қолганлар ҳам бутун вужудлари билан ишга берилишган эди. Шундай қилиб, ҳатто товуқлар ва ўрдаклар ҳам хирмонга беш пуд буғдойни дона-доналааб ташидилар. Талон-торожликлар, меъёр борасидаги можаролар, жанжал ва низолар, рашқ, яъни эски пайтда одатий бўлган барча нарса – ҳаммаси йўқ бўлди. Ҳеч ким, деярли ҳеч ким шикоят қилмади. Тўғри, Моллига эргалаб барвақт туриш ёқмасди, агар унинг шудгоридан тош чиқиб қолса, ишни ташлаб кетвориши мумкин эди. Мушукнинг хулқ-атвори ҳам анчайин ғалати эди. Тезда маълум бўлдики, ортга суриб бўлмайдиган бирор зарур юмуш чиқса, мушукни топиб бўлмай қоларди. У соатлаб йўқолиб қолар, аммо тушлик пайтида ва ишлар тугагач, кечки овқат пайти ҳеч нарса бўлмагандай ҳозир бўларди. Бироқ барча эътиrozларга шунақа ишонарли баҳоналар топар-

ди ва дилни ўртаб, миёвлардики, унга, унинг эзгу ниятлари-
га ишонмасликнинг иложи йўқ эди. Кекса эшак Бенжамин,
кўзғолон замонидан бери гўёки ҳеч ўзгармагандай эди. У
ҳеч қачон бирор ишга ўзича уринмаган ва буюрилган бирор
ишдан қочмаган эди. Аммо нима иш қилган бўлса, ҳамма-
си худди мистер Жонс замонасиники каби сокин қайсарлик
руҳига қоришган эди. Бенжамин исён ва у келтирган мус-
тақиллик ҳакида гапирмасликни афзал кўрарди. Ундан мис-
тер Жонсни ҳайдашганидан сўнг ҳаёт қанчалар яхшиланди,
деб сўрашганида, у фақат минғирлаб кўярди: «Эшаклар узоқ
яшайди. Сизларнинг ҳеч бирингиз ҳали ўлган эшакни кўрга-
нингиз йўқ», қолганларнинг бу сирли жавобдан қониқищдан
бошқа чоралари йўқ эди.

Якшанбада ҳамма дам оларди. Нонушта одатдаги кун-
лардан бир соатга кеч бўларди, кейин ҳамма ҳар ҳафта ал-
батта ўтказиладиган тантанага шошиларди. Энг аввало тан-
танали тарзда байроқ кўтарилади. Сноуболл кичик омборда
Жонс хонимнинг яшил дастурхонини топди ва унга туёқ
ҳамда шоҳ расмини чизди. Ҳар якшанба бу дастурхон-бай-
роқ молхона боғида ерга қадалган тик ёғочга ўрнатиларди.
Яшил ранг, тушунтириди Сноуболл, Англиянинг далалари
рамзидир, туёқ ва шоҳ бўлғуси Ҳайвонлар Республикасини
англатади, ҳайвонлар давлати бутун дунёда одамзод инсон-
лар насли тугатилгандан кейин барпо этилади. Бутун дунё
ҳайвонлари, бирлашингиз! Байроқ кўтарилгандан сўнг, ҳам-
ма катта омборда Ассамблея деб аталадиган умумий кенгаш-
ни ўтказиш учун йиғиларди. Бу ерда келгуси ҳафтада қили-
надиган ишлар режалаштириларди, турли ечимлар олдинга
сурилар ва муҳокама қилинарди. Қоида тариқасида чўчқа-
лар таклиф киритишарди. Қолган ҳамма қандай овоз бериш
лозимлигини билар, аммо уларнинг миясига ҳеч қачон ўз
таклифлари билан чиқиши фикри келмас эди. Сноуболл ва
Наполеон мунозараларда фаол қатнашар эди. Бироқ шу нар-
сани сезишибдики, улар ҳеч қачон бир битимга кела олмас эди-
лар: уларнинг биттаси нимани таклиф қиласин, иккинчиси
ҳамиша бунга қарши чиқарди. Ҳатто ҳамма нарса буткул ту-
шунарли бўлган ва яқдил муросага эришилган пайтда ҳам.

Масалан, боғ орқасида кичикроқ майсазорни ишни эрта туттаган ҳайвонлар учун дам олиш жойи қилиб қолдиришга қарор қилинганда ҳамда ҳайвонларнинг ҳар бир тоифаси учун нафақа ёшини белгилаш чегаралари ҳақида жўшқин баҳслар юзага келарди. Ассамблея ҳар доим ҳайвонободликларнинг маддияси бўлган «Англия жониворлари»ни кўйлаш билан якунланарди. Шундан сўнг ҳамма дам оларди.

Аввал абзаллар сақланган бинони чўчқалар ўзларининг штабхоналарига айлантиришди. Бу ерда улар молхонада то-пилган китоблар ёрдамида темирчилик, дурадгорлик ва бошқа ҳунарларни ўрганишарди. Сноуболл, бундан ташқари, ҳайвонлар қўмитаси деб аталадиган ташкилотларни тузиш билан шуғулланарди. Бу иш билан шуғулланиш унга чар-чоқ билмас бир кувват бахш этарди. У товуклар учун тухум ишлаб чиқариш Кўмитасини, сигирлар учун тоза думғозалар Лигасини, ёввойи ўртоқлар учун иккиламчи таълим Кўмитасини (унинг мақсади қаламушлар ва қуёнларни қўлга ўргатиш эди), ёш кўйлар орасида тоза жун етишириш Ҳаракатини, Ёш чўчқалар Иттифоқини ва бошқа кўплаб қўмиталарни ташкил этди. Ўқиш ва ёзиш курсларини айтмасак ҳам бўлади. Одатда барча бу тахлит лойиҳалар омадсизликка учарар эди. Масалан, ёввойиларни қўлга ўргатиш лойиҳаси дарҳол барбод бўлди. Барча ёввойи жониворлар барибир ўзларини ёввойиларча тутар, агар уларга атайин бағрикенглик билан ёндашилаётганини сезиб қолсалар, бу муносабатдан имкон қадар ўз манфаатлари учун фойдаланишга тушардилар. Мушук иккиламчи таълим қўмитасига кирди ва бир неча қун мобайннида катта фаоллик намоён қилди. Шу тариқа, уни бир қуни томда ўтирган ва ундан бироз масофа сақлаб турган чумчуқлар билан сухбатлашаётган ҳолда кўришди. Мушук чумчуқларга ҳамма ҳайвонлар биродарлар экани ва энди истаган чумчуқ унинг олдига келиб, тирноқли панжаларида ўтириши мумкинлигини сўзларди. Бироқ, чумчуқлар унинг бехосдан еб қўйишидан ҳайкиб, олисроқ туришда давом этардилар.

Шунга қарамасдан, саводсизликни тугатиш курслари са-

марали давом этар, катта ютуқларга эришганди. Кузга келиб, барча ҳайвонлар у ёки бу даражада саводли бўлдилар.

Чўчқаларга келганда, улар эркин ўқиб, ёза олар эдилар. Кучуклар ўқишдан яхши натижа кўрсатдилар, бироқ уларни ҳайвонизмнинг етти арконидан бошқа нарса қизиқтирмасди. Эчки Мюриэл итлардан кўра яхши ўқий олар ва гоҳида кечкурунлари бошқаларга ахлат тўдасидан чиқсан газета парчаларини ўқиб берарди. Бенжамин ҳам чўчқалар сингари ўқий олар, аммо қобилиятини ҳеч қачон намойиш қилмасди. Менга маълум бўлишича, дерди у, бизнинг асримизда ўқишига арзийдиган нарса ёзилгани йўқ. Кловер алифбони ўзлаштириди, аммо ҳарфлардан сўз ҳосил қилиш санъатини эгаллай олмади. Боксёр бор-йўғи Г ҳарфигача борди, холос. У ўзининг баҳайбат туёқлари билан тупроқ чангиди А, Б, В, Г ҳарфларини чизар, қулокларини сиқиб, вақт-вақти билан ёлини силкитиб, кейинги келадиган ҳарфни эслаб қолишга уринарди. Гоҳида у навбатдаги тўрт ҳарфни қатъий ўзлаштириб олар, аммо, одатда, олдинги тўрт ҳарфни эсдан чиқариб юборган бўларди. Охир-оқибат, у дастлабки тўрт ҳарф билан қаноатланишга қарор қилди ва бу ҳарфларни ҳар куни бир-икки марта ёзадиган бўлди. Бу унга хотирасини тозалашда ёрдам берди. Ўзининг исмини ташкил қилган тўртта ҳарфни ўзлаштирган Молли бошқа ҳарфларни ўрганишни рад этди. У ўз исмини шохчалар билан ясар, бир жуфт гул билан безатар ва ўз асарига шавқ билан термилганча, унинг атрофида айланиб юради.

Молхонанинг бошқа жониворлари А ҳарфидан нарига ўта олмадилар. Бундан ташқари, қўйлар, ўрдаклар ва то-вуклар сингари энг ақлсиз ҳайвонлар ҳатто ҳайвонизмнинг етти арконини ҳам ёдлай олмасликлари аён бўлди. Узок мунозаралардан сўнг, Сноуболл еттита тамойил битта ҳикматга жамланиши мумкинлигини эълон қилди, у шундай жаранглар эди: «Тўрт оёқ – аъло, икки оёқ – расво». Ҳайвонизмнинг асосий тамойили, деди у, шу фикрда жамланган. Уни чуқур ўзлаштирган ҳайвон инсоннинг таъсиридан холос бўлган хисобланади. Бир қараганда, бу тамойил қушларни

истисно қиларди, чунки уларнинг ҳам оёқлари иккита эди, аммо Сноуболл бунинг унақа эмаслигини исботлади.

– Күшларнинг қанотлари, ўртоқлар, – деди у, – бу ҳаракат аъзоси эмас, ҳаракатланиш аъзосидир. Демак, уларни оёқлар деб ҳисоблаш мумкин. Инсоннинг ўзига хос белгиси – унинг **қўуллари** дир, бу қўл ёрдамида у ўзининг барча ёвузликларини амалга оширади.

Күшлар Сноуболлнинг узундан-узоқ баландпарвоз гапларини барибир тушунганлари йўқ, бироқ унинг шарҳлари маъносини англадилар, барча саводда қолоқ ҳайвонлар янги афоризмни тиришқоқлик билан ёдлашга киришдилар. Катта-катта ҳарфлар билан катта омборнинг орқа деворидаги еттига тамойилнинг тепасига янада катта ҳарфлар билан «Тўрт оёқ – аъло, икки оёқ – расво» деб ёзиб қўйишиди. Нихоят, уни ўзлаштирган қўйлар янги ҳикматни олқишлиб қарши олдилар ва кўпинча, яйловда юрганда, ҳаммалари жўровоз бўлиб баърай бошладилар: «Тўрт оёқ – аъло, икки оёқ – расво! Тўрт оёқ – аъло, икки оёқ – расво!» Улар соатлаб, чарчоқ нималигини билмай, буни давом эттиришлари мумкин эди.

Наполеон Сноуболлнинг қўумиталарига ҳеч қанақа қизикиш билдирамди. Унинг айтишича, кексалик томон яқинлашган авлод учун ўсиб келаётган ёш авлодни ўқитиш ҳар қандай бошқа ишдан муҳимдир. У ўз нуқтаи назарини айнан ҳосил йигим-терими тугаб, Жесси ва Блюбелл тўлғокда тўққизта кучукча туққан пайтда айтди. Улар эмизишидан чиқкан куниёқ, Наполеон энди уларнинг таълим олишларига шахсан ўзи жавобгар эканини айтиб, кучукчаларни онасидан олиб қўйди. У кучук болаларини чордоққа жойлаштириди, бу ерга фақат чўчқаларнинг штабхонасидан зина орқали чиқиш мумкин эди. Кучукчаларни бошқалардан шу қадар қаттиқ иҳоталашдики, молхонанинг бошқа яшовчилари тез орада кучукчаларнинг мавжудлигини эсидан ҳам чиқариб юборди.

Сутнинг ғойиб бўлганлиги ҳақидаги сирли воеа ҳам тез орада ойдинлашди. Чўчқалар ҳар куни уни ўз овқатларига аралаштириар эдилар. Эртаки олмалар ҳам қизара бошлади. Энди ҳар гал шамол эсганда, олмалар тўкилиб, бօғдаги майсалар устини безай бошлашди. Ҳамманинг бу олмалар-

дан ейишга ҳаққи борлиги қоидаси қарор топган эди. Аммо бир куни ўрнатилган тартиб ўзгартирилди: ҳамма олмалар йиғиширилиб, чўчқалар учун ажратилган бинога олиб келиниши шарт қилинди. Кимдир норозилик билдиримоқчи бўлди, аммо бу натижা бермади. Бу ишда ҳатто иккита фикри доимо қарама-қарши бўлган чўчқалар: Наполеон ва Сноуболл ҳам ажиб яқдиллик намоён қилдилар. Бошқаларга вазиятни тушунтириш мажбурияти Қичқироққа юкланди.

– Ўртоқлар! – Қичқирди у. – Умид қиласманки, сизлар бизни – чўчқаларни майда худбинлик туфайли бу қарорни қабул қилган, деб ўйламасангиз керак. Аслида бизларнинг аксариятимиз сут ва олмаларни умуман ёмон кўрамиз. Мен ўзим уларга қарагим ҳам йўқ. Биз улардан фақат бир мақсадда – сизларнинг соғликларингизни асраш учун фойдаланамиз. Олмалар ва сутда (ўртоқлар, бу илм-фан томонидан исботланган) чўчқаларнинг ҳаётини сақлаш ва кайфиятини яхшилаш учун зарур бўлган унсурлар мавжуд. Биз чўчқалар, – интеллектуал меҳнат соҳаси ходимларимиз. Молхонамизниң фаровонлиги ва ишларни ташкил этиш вазифаси мутлақ бизнинг зиммамизга юклангандир. Биз кеча ва кундуз сизларнинг фаровонлигиниз ҳақида тинимсиз ғамхўрлик қиласмиз. Биз фақат **сиз** учун сут ичамиз ва бу олмаларни еймиз. Биз чўчқалар ўз мажбуриятларимизни бажара олмай қолсак, оқибатда нима бўлишини тасаввур қила оласизми? Жонс қайтиб келади! Ҳа, яна Жонснинг ҳукмронлиги бошланади! Мен ишонаманки, ўртоқлар, – думини ликиллатиб, у ёндан-бу ёнга жилланглаётган Қичқироқнинг овозида деярли ўкириб, йиғлашга ўхшаш оҳанг эшитилди, – шубҳасиз, Жонснинг қайтишини истаётган бирор ҳайвон йўқ!

Барча жониворлар бир нарсада, шубҳасиз, яқдил эдилар, бу айнан Қичқироқ айтиётган нарса эди: уларнинг ҳеч бири Жонснинг қайтишини истамас эди. Вазият уларнинг қаршисида шу тариқа кўндаланг турганида, улар эътиroz билдириш учун сўз топа олмай қолдилар. Жонснинг қайтишидан кўрқкан ҳайвонлар чўчқаларнинг соғлигини сақлашга – олма ва сутни уларга беришга қарор қилдилар. Чўчқаларнинг соғлиғи учун қайғуриш зарурлиги жуда ҳам яққол аён бўлди.

Бошқа муроҳазаларсиз ҳамма сут ва ерга тўкилган олмаларни (етилган олмаларнинг ҳам аксариятини) чўчқалар учун асраб кўйишга розилик билдири.

Ёзниң охирига келиб, Ҳайвонободда юз берган воқе-алар ҳақидаги хабарлар бутун ўлкага тарқалди. Ҳар куни Сноуболл ва Наполеон кабутарларни турли томонга учирышар, улар құшни молхоналарда яшовчи ҳайвонларға үзларининг құзғолонлари тарихини ҳикоя қилиб беришлари ва уларға «Англия жониворлари» мадхиясини үргатишилари лозим эди.

Мистер Жонс эса деярли барча вактими Уиллингтондағи «Қызыл йүлбарс» пивохонасида үтказар ва уни тинглашга рози бўлган ҳар бир одамга бошига тушган даҳшатли адодлатсизлик, уни мулкидан айирган қандайдир ношукур ҳайвонлар тўдаси ҳақида нола қиласиди. Қолган молхоналарнинг эгалари, умуман олганда, унга хайриҳоҳлик билдирад, аммо ёрдам беришга шошилмас эдилар. Уларнинг ҳар бири ичичидан мистер Жонснинг бошига тушган кулфатнинг бир чети уларга ҳам тегмасмикин, деган хавотирда эди. Чархи фалакнинг жафоси шу эдикни, Ҳайвонободга ҳудуди чегара дош икки молхонанинг эгалари ҳамиша мистер Жонс билан ёмон муносабатда эдилар. Уларнинг бири Фоксвуд деб аталадиган, кагтакон, путурдан кетган, ўт-алаф босган эски молхона эди, унинг яйловлари ҳам қуриб битаёзган, чегара тўсиқлари ҳам ағанаган молхона эди. Унинг эгаси мистер Пилкингтон анқов бир фермер бўлиб, бутун вактининг ҳаммасини мавсумига қараб ё тулки овида, ё балиқ овида қармоғига тикилиб үтказарди. Пинч菲尔д деб аталадиган иккинчи молхона кичикроқ бўлса-да, якши аҳволда эди. У қўпол ва жаҳлдор мистер Фредерикка тегишли эди. У доим қандайдир суд низолари билан машғул бўлар, бир чақа учун қариндошининг ҳам бўғзидан оладиган одам сифатида танилган эди. Бу иккалори бир-бирларини шу қадар ёмон қўрар эдиларки, ҳатто ўз манфаатлари ҳимояси учун ҳам бир битимга кела олмасдилар.

Шунга қарамасдан, уларнинг иккаласи ҳам Ҳайвонободдаги исён ҳақидаги хабардан саросимага тушган эди ва ўз қарамоғида бўлган жониворлар бу хабарни ўzlари учун дастуриламал сифатида қабул қиласайди, деган хавотирда

эдилар. Дастлаб улар молхонани мустақил бошқарадиган жониворлар ғояси устидан масхара қилишга қарор қилдилар. Икки ҳафтадан кейин ҳаммаси вайрон бўлади, дейишди улар. Уларнинг фикрича, «Қўрғонча» молхонасидаги (улар молхонани эски номи билан аташни афзал кўришарди, янги «Ҳайвонобод» номини эшишишни ҳам истамас эдилар) ҳайвонлар тез кунда бир-бири билан уриша бошлайди, очликдан адo бўлишини айтмаса ҳам бўлади. Бироқ, вақт ўтиб борар экан, мустақилликка эришган жониворлар ўлишдан йироқ экани аён бўлди, Фредерик ва Пилкингтон гап оҳанжамасини бошқа ёққа бурдилар ва «Ҳайвонобод»да шафқатсиз бошқарув усули мавжудлиги ҳақида гапира бошладилар. Уларнинг айтишича, у ерда ҳайвонхўрлик авжига чиқсан, ҳайвонлар бир-бирларини қиздирилган темир найзалар билан қийноққа солмоқдалар ва барча байталларни жамоавийлаштириб, ҳамма ҳайвонлар учун умумийга айлантирганлар. Табиат қонунларига қарши боришининг товони шудир, кўшиб кўйишиди Фредерик ва Пилкингтон.

Шунга қарамасдан, бу бичиб-тўқилган тахминларга нисбатан умумий ишонч йўқ эди. Одамларни ҳайдаб, ҳайвонлар мазза қилиб яшаётгани ҳақидаги миш-мишлар мажхул тарзда тарқалишда давом этар, ўлкадаги бошқа молхоналарда ҳам ҳайвонлар уйғона бошлаган, хавотирли бир тўлғонишида эди. Доимо итоатда бўлган хўқизлар тўсатдан ёввойилашдилар, қўйлар ёғоч тўсинларни бузар ва яйловларни топтаб ташлашар эди, сигирлар сут соғаётганда челакларни ағдаришарди, тулпорлар тўсиқлар олдида сакрашдан боштортиб турагар ва чавандозни иргитишарди. Бундан ташқари, «Англия жониворлари» мадхиясининг оҳангига ва ҳатто сўзлари бир ерларда тарқала бошлаганди. Унинг машҳурлиги мислсиз тезликда ўсиб бораарди. Бу қўшиқни эшигтан одамлар ғазабланар, аммо мадхиянинг шунчаки кулгили эканини таъкидлашарди. Ишониш қийин, дейишарди улар, бунақа расво қўшиқни ҳатто ҳайвонлар ҳам айтмаслиги керак. Агар бирор ҳайвонни гимнни маъраб турганида кўриб қолсалар, қамчин билан савалардилар. Барибир мадхия жониворлар орасида жаранглашда давом этарди. Сайроқи қораялоқ

қүшлари түсінларга құнғанча бу қүшикни чирқиллашар, қабутарлар қайрағоч шохларида гангир-гунгурлашишарди; бу оңанғ темирчиларнинг сандонидан ҳам, черковларнинг құнғирокларидан ҳам тараалаётгандай эди. Бу оңанғни эшитгандың одамлар ички титроққа тушардилар, чунки бу истиқболдаги қасос оңанғи эканини яхши билардилар.

Октябрь ойининг бошида, барча донли әкинлар ўрилган ва ғарам қилинган, бир қисми совурилиб, дондан ажратилған пайтда, айғоқчи қабутарлар түдаси ҳавода бир күриниш беріб, ёввойи бир ҳаяжон билан Ҳайвоноңбодга қўнишди. Уларнинг хабарига кўра, Жонс ўз одамлари ва бир тўда Фокс-вудлик ва Пинчфилдлик қўнгиллilar билан дарвозалардан ўтишган ва молхонага яқинлашиб келишмоқда. Уларнинг барчаси таёқлар билан қуролланган, факат олдиндаги Жонс қўлларига тўппонча ушлаб олган. Уларнинг молхонани тортиб олишга уринишларига шубҳа йўқ эди.

Бу ҳамла анчадан бери кутилар, унга барча тайёргарларликлар аввалдан кўрилиб қўйилған эди. Сноуболл фермада топилған эски китобдан Цезарнинг галларга қарши юриши ҳақида ўқиганди ва молхона мудофаасини ташкил этиб қўйганди. Буйруқлар чақмоқ тезлигида берилди ва бир-икки дақиқа ичida ҳамма ўз жойини эгаллади.

Одамлар иншоотларга яқинлашишлари билан, Сноуболл биринчи зарбани берди. Барча ўттиз бешта қабутарлар ҳужумчиларнинг бosh устида чарх урадилар ва уларнинг кўзи тушадиган кўриш майдонини тўсиб қўярдилар, одамлар уларни ҳайдаш билан овора бўлиб турганда, девор ортида писиб турган ғозлар ғлдинга чиқиши ва ҳамлакорларнинг думбаларини шафқатсиз чўқилай бошлашди. Бироқ бу одамларнинг сафига парокандалик солиши учун қилинган чалғитиш усули эди ва одамлар ғозларни осонгина таёқлар билан ҳайдаб юбордилар. Шунда Сноуболл ҳужумнинг иккинчи сафини жангга ташлади. Мюриэл, Бенжамин ва Сноуболл қўмондонлигидаги барча қўчкорлар олдинга интилишиди ва ҳамлакорларни ўраб олишиди, Бенжамин одамларни туёғи билан тепиши учун атрофда айланиб турган бир пайтда, ғанимни туртиб, шохлаб ташлашди. Баривир темир найзалар

ва тақаланган бошмоқлари бўлган одамларга кучлари етмасди. Тўсатдан Сноуболл чинқириб юборди, бу ортга чекинишга ишора эди, ҳамма ҳайвонлар ҳовлига қайтиб кирдилар.

Ҳамлакорлар ичида қувонч саслари эши билди. Уларнинг назарида, ҳайвонлар қоча бошладилар ва одамлар уларни тартибсиз таъкиб этишга тушдилар. Сноуболл айнан шуни кутиб турарди. Ҳамлакорлар ҳовлига кирган заҳоти, Сноуболл ҳужумга буйруқ берди ва молхона ортидаги буталар ичида пистирмада турган учта от, учта сигир ва чўчқалар тўсатдан душманнинг ортидан зарба бердилар. Сноуболлнинг ўзи Жонсга томон отилди. Уни кўрган Жонс тўппончасини шартта ўгириб, ўқ узди. Ўқ Сноуболлнинг елкасига тегиб ўтди, унинг баданида қонли из қолдириб, рўпарада турган қўйни ҳалок қилди. Бир лаҳза ҳам тўхтамасдан, Сноуболл ўзининг бутун оғирлиги билан Жонсни оёғидан чалиб ағдарди. Тўппончасини тушириб қўйган Жонс гўнг уюмiga йиқилди. Энг ваҳшатли томошани Боксёр кўрсатди, у кутурган тулпор каби икки оёғини кўтариб, тақаланган туёқлари билан тепди. Унинг биринчи зарбаси Фоксвуддан келган отбоқарнинг калласига тегди ва у нафас олмай, ахлатга қулади. Буни кўрган бошқалар найзаларини ташлаб, қочишига тушдилар. Бор-йўғи бир неча лаҳза ичида саросимага тушган одамлар ҳовлида бетартиб тентирай бошлишди. Ҳайвонлар уларни шохлашар, босишар, юлишар ва туртишарди. Барча жониворлар, ҳар бири ўзича, бу қасос байрамида иштирок этарди. Ҳатто мушук ҳам бехосдан томдан бир молбоқарнинг елкасига сакради ва унинг ёқаси ичига тирнокли панжаларини тиқди, молбоқар ҳайвондай ёввойи овозда инграб юборди. Чиқиши йўли очик турганини кўрган одамлар тўдалашиб ташқарига отилдилар ва катта йўл томон шошилдилар. Ҳамлаларидан беш дақиқа ҳам ўтмай – одамлар шармандаларча уларни молхонага олиб келган йўл билан қочиб борарадилар. Уларнинг ортидан товонларини чўқилаганча ғозлар тўдаси қувиб бораради.

Бир одамдан ташқари, ҳамма қувиб юборилди. Ҳовлининг олис томонида Боксёр юзи ерга қапишган отбоқарни

тепага ўгириш учун эҳтиёткорлик билан туртаётганди. У эса қимирламасди.

– У ўлиб қолибди, – Боксёр қайғу билан гапиради. – Мен буни истамаган эдим. Мен ўзимнинг темир тақаларим ҳақида унутган эканман. Мен буни истамаганимга ким ҳам ишонарди?

– Ўртоқлар, бўшашманглар, – бақирди ярасидан ҳали қон сизиб турган Сноуболл. – Уруш уруш-да. Одамзоднинг энг яхшиси ўлган одамдир.

– Мен ҳеч қачон ҳеч кимни, ҳатто одамни ҳам жонидан жудо қилмоқчи эмасдим, – Боксёр кўзлари тўла ёш билан такрорлади.

– Молли қаёқда? – кимдир эслаб қолди.

Молли ростдан ҳам ғойиб бўлганди. Бир дақиқадан сўнг молхонада шовқин кўтарилиди: одамлар уни қандайдир йўл билан ногирон қилган ёки асирга олган бўлишлари мумкин, деган хавотирлар пайдо бўлди. Охир-оқибат, Молли ўзининг отхонадаги катагига беркинган ҳолда топилди. У қулоғигача сомонга кўмилган ҳолда пусиб ётарди. Молли қурол ишга туширилган заҳоти жант майдонидан гум бўлганди. Уни кўргандан кейин, ҳамма ҳайвонлар ҳовлига шошиб чиқишганида, ўзини хушсиз ўликка солиб ётган отбоқар аллақачон ғойиб бўлганди.

Ана шундагина ҳамма ҳайвонлар ёввойи жунбишга келишди; ҳар бири бошқалардан баланд овозда қичқиришга уринганча, жангдаги ўз қаҳрамонликлари ҳақида сўзлашни бошлади. Буларнинг бари ғалаба муносабати билан байрамга айланди. Дарҳол байроқ юқорига кўтарилиди, «Англия жониворлари» кўп марта айтилди, ҳалок бўлган қўзичноқ тантанали дафн этилди. Унинг қабрига дўлана бутаси экилди. Янги қабр устида Сноуболл қисқача нутқ ирод қилди. Барча ҳайвонларни зарур бўлса, молхона учун, “Ҳайвонобод” учун ўз жонларини фидо қилишга давват этди.

Бир овоздан «Ҳайвон – биринчи даражали қаҳрамон» ҳарбий мукофотини таъсис этиш тўғрисида қарор қабул қилинди, бу мукофот Сноуболл ва Боксёрга берилди. У жездан ясалган бўлиб (аслида бу жез тақалар аввалдан

сочилиб ётганди) авваллари уларни ҳайвонларга бозор кунлари ва байрамларда тақиб қўйишарди. Бундан ташқари, «Ҳайвон – иккинчи даражали қаҳрамон» ҳарбий мукофоти ҳам таъсис этилиб, у билан ҳалок бўлган қўзичоқни ўлимидан сўнг тақдирлашди.

Бу тўқнашувни нима деб аташ борасида кўп тортишувлар бўлди. Ниҳоят, уни сигирхона олдидаги жанг деб аташга қарор қилинди, чунки пистирма айнан ўша ерда турганди. Мистер Жонснинг тушиб қолган тўппончаси лойқа ичидаги ётганди. Молхонада патронлар заҳираси ҳам борлиги маълум эди. Энди тўппонча байроқ илинадиган устун остига артиллерия тариқасида қўйиладиган бўлди. Ундан йилига икки марта – 12 октябрда, сигирхона олдидаги жангнинг йиллигига ва сигирхона жангини хотирлаш учун қуёш тикка келган кунда тантанали ўқ отишга қарор қилинди.

В БОБ

Қиши кириши билан Молли баттар бадқовоқ бўлиб қолди. У ишга кеч чиқарди ва ухлаб қолганини баҳона қиларди. Иштаҳаси карнай бўлганига қарамасдан, доим қаеридир оғриб, азоблаётганидан нолирди. Исталган баҳона билан ишни ташлаб кетар ва сувли қудуқнинг олдига бориб, ўзининг сувдаги аксига маҳлиё бўлиб ўтиради. Иш анча жиддий тус олганга ўхшарди. Бир куни, Молли бир тутам сомонни чайнаб, ҳовлида қувноқ, узун думини ликиллатганча дикирлаб юрганда, унинг олдига Кловер келди.

— Молли, — деди у, — мен сен билан жиддий гаплашишим керак. Бугун эрталаб мен сенинг Ҳайвонободни Фоксвуддан ажратиб турган девор ортига қараб турганингни кўрдим. Нариги томонда мистер Пилкингтоннинг одамларидан бири турган эди. Ва — мен сизлардан узоқроқ эдим, аммо кўзим мени алдамайди — у сен билан ниманидир гаплашди ва сен бурнингни қашлаб қўйишига ҳам индамадинг. Бу нима қилганинг, Молли?

— Бунақа бўлмаган! Мен у ерда йўқ эдим! Буларнинг бари ёлғон! — туёқлари билан ерни тепиб, кавлаганча Молли ғингшиб қўйди.

— Молли! Менга қара. Ўша одам сенинг бурнингни қашлаб қўймади, деб менга қасам ича оласанми?

— Бу тухмат! — деди Молли кўзларини олиб қочганча. Кейинги лаҳзада у кескин ўгирилди ва далага томон қочиб кетди.

Кловер чукур ўйланди. Бирорга бир нарса демай, Моллининг катагига борди ва туёқлари билан барча пичан уюмини титиб чиқди. Ғарам тагида ушатилган қанд бўлаги ва турфаранг тасмачалар боғлами беркитилган ҳолда турарди.

Уч кундан сўнг Молли ғойиб бўлди. Бир неча ҳафта унинг қаердалиги ҳақида хабар бўлмади, кейин айғоқчи кабутарлар уни Үиллингтоннинг нариги томонида кўрганларини айтишди. У қовоқхона ёнидаги иккифилдиракли қора-қизғиши араванинг шотисида турарди. Семиз, қизил юзли, тўқима қўнжли шим ва этик кийган, майхоначига ўхшаш эркак унинг бурнини қашлаб, лунжига қанд бўлагини солиб

күйарди. Унинг янги жабдуғи, пешонасида қизил тасмачаси бор эди. Кабутарларнинг айтишига қараганда, Молли баҳтли ва ҳәётидан мамнун күринарди. Моллини бошқа эсламай кўйдилар.

Январда қаттиқ совуқ тушди. Музлаган ернинг қаттиқлиги темирдай эди, далалар бўшаб қолди. Мажлисларнинг аксарияти омборда ўтарди, чўчқалар келгуси йил қилинадиган ишлар режасини ва молхона бюджетини тузиш билан машғул эдилар. Гарчанд барча масалалар умумий овоз бериш йўли билан ҳал этилишини ҳамма зътироф этган бўлса-да, тараққиётнинг бош йўналишини молхонанинг ақлли вакиллари – чўчқалар белгилаб беришарди. Бундай тартиб жуда яхши ишларди, аммо бу хотиржамлик Сноуболл ва Наполеон баҳслашишни бошлагунча давом этарди. Улар имкон туғилди дегунча, исталган сабаб билан мунозарага киришиб кетишарди. Агар уларнинг бири далаларга арпа экиш керак, деб айтса, иккинчиси далаларнинг аксарият қисмига шаксиз сули экишни тавсия қиласарди. Агар уларнинг бири қайсиdir далага лавлаги экишни олдинга сурса, иккинчиси бу далада мева берадиган илдизли ўсимликлардан бошқа исталган экинни экиш мумкинлигини исботлашга тушарди. Ҳар бирининг ўз издошлари бор эди, издошлар ҳам қайноқ баҳсга киришиб кетардилар. Агар Ассамблея мажлисларида ўзининг улуғ нотиклик маҳорати туфайли Сноуболлнинг кўли баланд келса, Наполеон орқаворотдан ҳал қилинадиган ишларга устаси фаранг эди. Уни, айниқса, кўйлар хурмат қилишарди. Гоҳида кўйлар, нима бўлаётганидан қатъи назар, жўровоз бўлиб ёки алоҳида «Тўрт туёқ – аъло, икки туёқ – расво»ни баърашни бошлашар ва шу билан Ассамблеянинг иши тугарди. Шу нарса сезилардики, бу қичқириқлар Сноуболл нутқининг энг баландпарвозд жойига келганда янгарди. Сноуболл молхонада сочилиб ётган «Фермер ва чорвадор» журналининг бир нечта эски сонларини чукур ўрганди, янги ташаббуслар ва қайта қуриш ғоясини бошлади. У ўз нутқида дренаж ариқларни тозалаш, пичан ғарамлаш, гўнглаш жараёнлари ҳакида билимдонлик билан гапиради. Унинг томонидан мураккаб схема ишлаб чиқилган бўлиб, унга кўра

ҳайвонлар бевосита даланинг ўзида ҳар куни ҳар ерга бўша-нишлари керак, бу далаларга гўнгни тенг тақсимлаш билан бирга, гўнг ташиш транспорти масаласини ҳам ҳал этади. Наполеон схемалар билан шугулланмас, аммо бамайлихотир тарзда Сноуболлнинг схемалари арзимас чўпчак дер эди. Афтидан, Наполеон ўзининг вақти-соатини кутаётганди. Шамол тегирмони гояси пайдо бўлганда, аввалги низолар ва қарама-қаршиликлар ҳеч нарса экани маълум бўлди.

Чўзинчоқ, ястанган яйловнинг ўртасида кичикроқ тепалик бўлиб, айни пайтда, бу молхона ҳудудидаги энг баланд жой эди. Унинг остидаги қумлоғини ўрганган Сноуболл бу ер шамол тегирмони қуриш учун энг мақбул жой эканини, шунда бу тегирмон динамомашинани айлантиришини ва молхонани электр қуввати билан таъминлашини эълон қилди. Кўтонлар ва оғилхоналарни ёритиш ва қишида иситиш мумкин бўлади, циркуляр аппа, пичанкестич ва ҳатто лавлагини аралаштиргич машина ва сут соғиши қурилмалари ишга тушади. Жониворлар бунақа нарсалар ҳақида эшитмаган эдилар (чунки путурдан кетган бу молхонада энг жўн меҳанизмлардан бошқаси бўлмаган), улар Сноуболлга ҳайрат билан қарашар, у эса ҳайвонлар олдида фантастик машиналарнинг ҳашаматли манзарасини тасвирлаб берарди. Бу машиналар уларнинг ўрнига ҳамма ишларни бажаришади, жониворлар эса ўтлокларда сайр қилиб, ўқиш ва суҳбатлашишни машқ қилиб, роҳатланадилар.

Бир неча ҳафта ўтгандан сўнг Сноуболлнинг ғоялари тугал кўриннишга келди. Барча тафсилотлар мистер Жонсга тегишли учта китобдан: «Хонадон учун мингта фойдали нарса», «Ҳар ким ўз пойдеворини яратади» ва «Бошловчилар учун электрга оид қўлланма»дан олинди. Сноуболл ўз фикрларини қачондир инкубатор бўлган бинонинг томи остида амалга оширади, унинг пастига силлиқ тахта тўшалган бўлиб, бу тахтага чизиш мумкин эди. У бу хонадан ташқарига чиқмай, соатлаб ишларди. Вақт-вақти билан зарур варагига тошча қўйиб қўйилган китобга қараганча, туёклари орасига совун парчасини қистириб, олдинга ва орқага юрар, чизик устидан чизик ўтказар ва ўзининг ижодидан завқланиб,

хур-хур қилиб қўярди. Унинг режаси бирин-кетин тирсакли валлар, тутқичлар ва олти қиррали айланмаларга айланди, бу тасвиirlар бутун таҳталарнинг барчасини тўлдирганди, бу тасвиirlар бошқалар учун тушунарсиз бўлса-да, жуда ҳайратли манзара ҳосил қилган эди. Молхонанинг барча аъзолари Сноуболлинг ижодига караш учун кунига ҳеч бўлмаса бир марта кирадилар. Ҳаттоқи ғозлар ва товуклар ҳам, оҳақдан чизилган ерларга зарар етказмаслик учун эҳтиёткорлик билан юриб, кўриб кетишарди. Фақат Наполеон четда турарди. У аввал бошдан тегирмонга қарши эди. Бироқ бир куни у ҳам кутилмагандаги чизмалар билан танишгани кириб қолди. У оғир қадамлар билан чизмани айланиб ўтди, ҳар бир чизикка синчиклаб қаради, бир-икки марта хур-хурлаб қўйди ва кўзини қия қилиб ёндан назар солиб турди-да, чизманинг устига сийиб юборди, кейин бир сўз демай, хонадан чиқиб кетди.

Тегирмон ҳақидаги масала молхонада жиддий қарма-қаршиликларни келтириб чиқарди. Сноуболлинг нуқтаи назарига кўра, тегирмонни куриш унчалик қийин бўлмайди. Тошларни тошмайдалагич томондан келтириш ва улардан девор тиклаш мумкин, кейин парраклар ўрнатилади, факат симлар ва динамомашина топилса бўлди (уларни қандай топиш ҳақида Сноуболл гапирмасди). Унинг таъкилашича, бир йил ичida барча ишларни якунлаш мумкин. Кейин, дерди у ҳайрат билан, тегирмон ўзига барча ишларни олади ва ҳайвонлар ҳафтада уч кун ишласалар етади. Иккинчи томондан, Наполеон айтардики, бугунги асосий вазифа маҳсулотни кўпайтиришдир, агар ҳайвонлар тегирмон куриш учун вақтни йўқотишса, қишида очликдан ўладилар. Молхона икки томонга ажralди, улар: «Сноуболл учун ва уч иш кунига эга ҳафталикка овоз беринг» ва «Наполеон учун ва тўқ қорин учун овоз беринг» шиорлари остида чиқиш килишарди. Бирор бир томонга кўшилмаган ягона жонивор Бенжамин эди. У фаровонлик бўлишига ҳам, тегирмон вақтни тежашига ҳам ишонмасди. Тегирмон билан ҳам, тегирмонсиз ҳам, дерди у, ҳаёт пешонада ёзилганидай давом этаверади, яъни яхшиланмайди.

Тегирмон ҳақидаги баҳслардан ташқари, молхона мудофааси билан ҳам шуғулланиш зарур эди. Шу нарса буткул аёнки, одамзод сигирхона олдидаги жангда мағлуб бўлди, аммо душманлар Ҳайвонободни эгаллаб олиш учун навбатдаги, аввалгидан кучлироқ хужумни амалга оширишлари ва мистер Жонс ҳокимиятини тиклашлари мумкин. Мудофаа билан яна шу учун шуғулланиш лозим эдики, ҳайвонлар ўзларини самарали ҳимоя қилганлари ҳақидаги миш-мишлар бутун ўлкага тарқалаётган, қўшни молхоналар аҳлида ҳам ҳаяжонланиш уйғотаётганди. Одатдагидай, Сноуболл ва Наполеон ўртасида низо чиқди. Наполеон ҳайвонлар ўқотар куроллар топиши ва улардан фойдаланишни ўрганишлари лозим, деб ҳисобларди. Сноуболлнинг нуқтаи назарига кўра эса, улар қўшни молхоналарга кўплаб айғоқчи кабутарларни жўнатиш ва оммавий қўзғолонлар оловини ёқиши керак. Уларнинг бири ҳайвонлар ҳимояланишни ўрганиши лозим деса, иккинчиси бутун дунё инқилоби бошланса, улар ўз мудофаалари ҳақида ўйламасалар ҳам бўлади, дерди. Ҳайвонлар аввал Наполеонни тинглар, кейин Сноуболлни эшитар ва уларнинг қай бири ҳақ эканини тушунолмас эдилар. Айтиш лозимки, ҳайвонлар ҳамиша айни пайтда гапириб турганларни қўллаб-қувватлаб кетаверардилар.

Сноуболлнинг режа-чизмалари батамом якунланган кун етиб келди. Кейинги якшанбада Ассамблея олдига тегирмон куриш ёки қурмаслик масаласида овоз бериш ўтказиладиган бўлди. Ҳамма катта омборда тўплангач, Сноуболл турди ва вақт-вақти билан баъраб, уни бўлиб турадиган қўйлар томонга қарамасдан, тегирмон барпо этишнинг фойдалари ҳақида ўз мулоҳазаларини баён қилди. Кейин Наполеон ўрнидан қўзгалди. У сокин ва хотиржамлик билан айтдики, тегирмон курилиши – аҳмоқлик, у ҳеч кимга бу учун овоз беришни тавсия этолмайди. Наполеон ўз жойига юмалади. У ўттиз секунддан кўп гапирмади, афтидан, чиқишининг натижаси уни умуман қизиқтирмасди. Сноуболл ўрнидан шартта туриб, яна баърай бошлаган қўйлар томонга хуриллаганча, оташин чакириқни ўртага ташлади – тегирмон курилсин! Бу пайт жониворларнинг мойиллиги икки нотиқ томонга деярли

тeng бўлинган эди, Сноуболлнинг чақириғи эса тарозунинг ўзи томондаги палласига оғир тош бўлиб тушди. У таҳқирловчи меҳнат юки ҳайвонлар елкасидан абадий тушгандан сўнг Ҳайвонобод қанчалар ўзгаришини тасвиirlаб берди. Унинг хаёлоти пичан қирқадиган ва лавлаги шарбатини сикадиган машиналардан ҳам узоққа кетди. Электр, деди у, дон совурадиган ва экин ўрадиган, пичан тўплайдиган ва ғарам боғлайдиган механизмларни ишга туширади, улар ери шудгор қилишади ва юмшатишади, ҳар бир ҳайвон катагида чироқ, иссиқ ва совуқ сув, ҳатто электрли иситгич бўлади... У нутқини тугатганда, овоз бериш қай тарзда тугашига шубҳа қолмади. Лекин айни лаҳзада Наполеон бехосдан турди ва Сноуболлга синовчан тикилиб, ғалати хуриллади, у аввал ҳеч қачон бунақа овоз чиқармаганди.

Ташқарида даҳшатли акиллаш эшитилди ва мис бўйин боғларини шакиллатган тўккизта баҳайбат кўпак омборга отилиб киришди. Улар тикка Сноуболлга ташландилар. У сакраб тушиб, итларнинг ўткир тишли жағларидан зўрга ўзини олиб қочди. Бир лаҳза ўтиб-ўтмай, у эшикка етди, итлар унинг ортидан ташланишди. Ҳайвонлар ҳаддан зиёд довдирашдан ва қўрқишдан эсанкираб, гапиролмай қолдилар. Эшик олдида жамланиб, ҳодисани кузатишга киришдилар. Сноуболл узун ялов томондан катта йўлга қараб қочиб борарди. У чўқалар югуриши мумкин бўлган энг катта тезликда югурап, аммо итлар унга қарийб етиб олаётгандилар. У тўсатдан қоқилиб тушди ва уни ушлаб олишлари аниқ бўлди. Лекин у ўзини тутиб олди ва янада тез югура бошлади. Итлар уни таъқиб қилишни давом эттиридилар. Уларнинг бири қарийб унинг думини ушлаб олаётганди, лекин Сноуболл сўнги лаҳзада думини тортиб олди. Сноуболл сўнгти силтанишни амалга оширди. Таъқиб қилаётгандардан бир неча бармоқ масофа уни ажратиб турарди, бироқ Сноуболл панжарадаги тешикни кўриб қолди ва жуфтакни ростлади.

Кўрқкан ва сукутга чўмган жониворлар яна омборга йиғилдилар. Қувиб кетган кўпраклар қайтиб келишди. Аввал ҳеч ким бу кўпраклар қайдан пайдо бўлганини тушуна олмади, бироқ сир тезда осонгина очилди: бу Наполеон бир

пайтлар онасидан тортиб олган ва шахсан тарбиялаган күчүкчүлөр эди. Улар ҳали ўсиб бораётган, шунга қарамасдан, аллақаңын улкан дарғазаб күппакларга айланиб улгурган, бўрилардай бакувват итлар бўлиб вояга етишганди. Улар Наполеоннинг атрофини ўраб туришарди. Шу нарсани сезиш мумкин эдики, Наполеон уларга мурожаат қилганда улар худди қачондир итлар мистер Жонснинг сўзларига думларини ликиллатган каби думларини силкитиб қўйишарди.

Энди Наполеон күппаклар куршовида қачондир кекса майор нутқ сўзлаган баландликка чиқди ва маъруза қила бошлади. У ҳар якшанба эрталаб йигиладиган Ассамблея шу ондан бошлаб бекор бўлишини эълон қилди. Мунозараларга бошқа зарурият йўқ, деди у, биз факат вакт йўқотяпмиз. Келгусида молхонадаги барча масалаларни унинг шахсан ўзи бошчилигидаги чўчқалардан иборат маҳсус фавқулодда қўмита ҳал қиласди. Улар барча муаммоларни муҳокама қилишади ва бошқаларга қабул қилинган қарорлар ҳақида хабар беришади. Молхонанинг барча аҳллари аввалгида якшанба эрталаб йигилишади, байроққа бош эгишади ва «Англия жониворлари»ни куйлашади ҳамда бир ҳафталик топшириқларни олишади. Ҳар қанақа мунозаралар ман қилинади.

Сноуболлнинг қувғин қилиниши уларни саросимага солган бўлса-да, ҳайвонлар сўнгги хабардан чукур афсусла-нишни ҳис қилдилар. Уларнинг айримларида ҳатто норозилик билдириш истаги пайдо бўлди – ишончли сабабларни топа олишга кобил бўлсалар эди. Ҳатто Боксёр ҳам бир қадар ҳаяжонда эди. У қулоқларини қисиб, бир неча бор ёлини силкитди ва фикрларини тартибга келтира бошлади, бироқ, у айтишга бирор сўз топа олмади. Қолган чўчқалар ундан дадилроқ чиқдилар. Биринчи қаторда ўтирган тўртта чўчқача, чинқириб хуриллаш орқали ўз норозиликларини билдириш учун оёққа турдилар ва ҳар бири ҳар хил нарсалар ҳақида хур-хур қила бошлашди. Аммо шу пайт Наполеонни ўраб турган кўппаклар тишлигини гижирлатиб, ғингший бошладилар, бу дағдаға чўчқачаларни жим бўлишга ва жойларига ўтиришга мажбур қилди. Кейин қўйлар баланд овозда баърай бошлашди: «Тўрт оёқ – аъло, икки оёқ – расво», бу

баъраш тахминан чорак соат давом этди ва барча гапларга якун ясади.

Шундан сүнг янги ҳокимиятга дархол мослашган миқти үйчікә Қичқироқ янги тартибни тушунтириш учун бутун молхонани айланиб чиқди.

— Ўртоқлар, — деди у, — мен ишонаманки, молхонамиизда яшаётган барча жониворлар ўртоқ Наполеон, бизни бошқаришни ўз зимимасига олар экан, катта масъулиятни ўзига юклаганини англаса керак. Раҳбарлик — катта роҳат, деб ўйламанглар асло, ўртоқлар! Аксинча — бу катта ва оғир масъулият. Ўртоқ Наполеон барча ҳайвонлар teng хуқуқлар ва имкониятларга эга эканига чукур ишонади. У сизларга қарор қабул қилиш юкини топширишдан баҳтли бўларди. Аммо сизлар гоҳида адашишларинг мумкин — унда бизни нима кутади? Тасаввур қилинглар, сиз бу Сноуболлнинг ҳавойи хаёлотига ишонсанглар нима бўларди — бу абллаҳ, бугун бизга аён бўлдики, жиноятчи ва муҳолифатчи экан...

— У сигирхона жангида жасорат кўрсатганди, — деди кимдир.

— Жасорат — бу ҳамма нарса дегани эмас, — хуриллади Қичқироқ. — Содиклик ва итоат — энг муҳими мана шу. Сигирхона олдидағи жангга келсак, ҳали вақт келади, бу жангда Сноуболлнинг ўрни анча ошириб кўрсатилгани исботланади. Интизом, ўртоқлар, темир интизом зарур! Бугуннинг шиори шу! Бирор ножӯя қадам қўйсангиз бўлди, шу заҳоти душманларнинг сиртмоғига тушасиз! Ахир, ўртоқлар, сиз Жонснинг қайтишини истамасангиз керак?

Ҳар доимгидай, бу далилни рад этиб бўлмас эди. Албатта, бирорта жонивор Жонснинг қайтишини истамасди, агар якшанба тонгини қандай ўтказиш борасидаги баҳслар Жонсни қайтаришга олиб келса, бу баҳслар, шубҳасиз, тўхтатилиши лозим. Энди мулоҳаза юритишга етарли вақти бўлган Боксёр ўзини ўртаётган ҳисларини шундай сўзларда ифода қилди: «Агар ўртоқ Наполеон шундай деган экан, демак, бу ҳақиқат». У ўзининг «Мен янада кўп меҳнат қиласман» деган шиорига кўшимча тарзда яна бир ҳикматни айтди: «Наполеон ҳамиша ҳақ».

Шу кунларда ҳаво айний бошлади; шудгорлашни бошлаш керак эди. Сноуболл ўз тегирмонини чизган сарой ёпиқ эди, ҳаммага бу чизмалар ўчириб ташланганлиги эълон қилинганди. Энди ҳар якшанба тонгида ҳамма омборда йиғилар ва бир ҳафталик топшириқларни оларди. Кекса майорнинг факат суюклари қолган бош чаноғи қабрдан қазиб олинди ва байроқ тикланган тўсин тагидаги тўппонча ёнида турган тўнкага ўрнатилди. Энди барча ҳайвонлар байроқ кўтарилигандан сўнг саф бўлиб бош суюги ёнидан ўтишлари, унга эҳтиромларини билдиришлари лозим эди. Энди омборга кирар экан, улар аввалгида бирга ўтирмас эдилар. Наполеон, Кичқироқ ва Мўлтонус номли шеър ва қўшиқлар ёзадиган яна бир чўчқа тепаликнинг олди қисмини эгаллашар, тўққизта қўриқчи кўпрак уларнинг атрофини ярим ой шаклида ўраб туришарди, бошқа чўчқалар уларнинг кетидан жой олишарди. Қолган жойга барча бошқа ҳайвонлар жойлашардилар. Ҳафталик топшириқларни Наполеон кескин ва дона-дона қилиб тушунтириарди. Бир марта «Англия жони-ворлари» мадхияси жаранглар ва ҳамма тарқаларди.

Сноуболл қувғин қилинганининг учинчи якшанбасида ҳайвонлар Наполеоннинг хабаридан бироз ҳайратга тушдилар – ҳаммасига қарамасдан, тегирмон қурилади. У ўз нуқтаи назарини нега ўзгартиргани борасида бирор тушунтириш бермади, факат бу ўта мураккаб тадбир жуда қаттиқ ишлашни талаб қилишидан огоҳлантириди. Эҳтимол, кундالик овқат меъёрини ҳам камайтиришга тўғри келиши мумкин. Режалар, албатта, энг сўнгги унсурларигача чукур ўйланган эди. Охирги уч ҳафта мобайнида чўчқалардан иборат маҳсус қўмита бунинг устида иш олиб борди. Тегирмонни қуриш ва бошқа аслаҳаларни ўрнатиш, тахмин қилинишича, икки йил вақтни олади.

Кечкурун Кичқироқ дўстона сухбат давомида қолган ҳайвонларга тушунтириш бердики, аслида Наполеон ҳеч қачон тегирмон қурилишига қарши бўлмаган. Аксинча, айнан у аввал бошиданоқ тегирмон қурилиши ғоясининг бошида турган, Сноуболл инкубатор таҳтасига чизган чизмалар аслида Наполеоннинг қоғозлари орасидан ўмарилган бўлган.

Яъни тегирмон ёлғиз Наполеон томонидан ихтиро этилган. Айримлар савол беришарди, хўш, ундаи бўлса, нега у тегирмон қуриш ғоясига бу қадар кескин қаршилик қилган? Қичқироқ чўчқа мугомбирона жилмайди. Бу, деди у, ўртоқ Наполеоннинг устомонлигидир. Фақат тегиромонга қарши экандай **ўзини кўрсатиб**, у хавфли хулқ-атвори билан ҳаммага ёмон таъсир ўтказаётган Сноуболдан халос бўлган. Энди, Сноуболл батамом четга сурилгач, режа ҳеч бир тўсиқсиз ҳаётга татбиқ этилиши мумкин. Буларнинг бари, деди Қичқироқ, сиёсатда «тактика» деб аталади. У бир неча марта тақрорлади: «Тактика, ўртоқлар, тактика!» У қувончдан сакрап ва думини ликиллатарди. Ҳайвонлар бу янги сўзни у қадар тушунмадилар, аммо Қичқироқ ўз ишончли сўзини уни муҳофаза қилиб юрган учта қўппакнинг тиш ғижирлатиб, ғингшуви билан тасдиқлагач, унинг тушунтиришлари сўзсиз қабул қилинди.

Бутун йил қулларча меҳнат қилинди. Аммо ҳайвонлар баҳтли эдилар: на бир шикоят, на-да бир ўзларини ҳосилга қурбон қиляпман, деган эътиroz бўлмади. Ҳаммага аён эдики, мустақилликдан сўнг энди улар бир тўда дангаса ва ўғри одамларнинг чўнтағи учун эмас, ҳайвонларнинг ўзлари ва авлодларининг фаровонлиги ҳамда буюк келажаги учун меҳнат қиласидар.

Бутун баҳор ва ёзда улар ўн соатлаб меҳнат қилдилар, августда ўртоқ Наполеон якшанба куни тушликдан сўнг ҳам ишлашга тўғри келишини эълон қилди. Бу расмий иш кунларидан ташқари меҳнат қилишлар қатъий кўнгилли тарзда амалга оширилиши, фақат истаган ҳайвонлар чикиши эълон қилинди. Аммо бундан бош тортган ҳар бир жонивор бундан кейин одатдаги озуқанинг ярминигина олиши белгилаб қўйилди. Шунга қарамай, ишнинг бир қисми тугалланмай қолди. Ҳосил ўтган йилдагидан бир қадар кам бўлди, чунки илдизига мева тугадиган экинларни экиш мўлжалланган икки дала экилмай қолди, чунки уларда шудгорлаш ишлари охирига етмаган эди. Яқинлашиб келаётган қиш оғир бўлишини тахмин қилиш мумкин эди.

Курилишда кутилмаган қийинчиликлар юзага келди. Яқин-атрофда жуда яхши оҳактош кони бор эди, саройларнинг бирида эса етарлича кум ва цемент турганди, яъни барча курилиш материаллари туёқ остида эди. Дарҳол ечиш имконсиз бўлган илк муаммо девор тиклаш лозим бўлган тошларни бўлакладиган аслаҳа йўқ эди. Афтидан, мисранг ва чўқморларни ишга ғолиши керак эди. Аммо бирорта жонивор бу учун зарур қобилиятга – икки оёқда туриб ишлаш кўникмасига эга бўлолмасди. Бир неча ҳафта бехуда уринишлардан сўнг, кимнингдир миясига ажойиб бир ғоя келди – оғирлик кучидан фойдаланиш лозим. Тошкесарнинг бир чеккасида ўта катта, бу ҳолида фойдаланиб бўлмайдиган ҳарсангтошлар ётарди. Уларни арқонлар билан боғлашди, кейин ҳамма, сигирлар, отлар, кўйлар, кучи бор ҳамма жониворлар, ўта оғир пайтларда раҳбар ҳисобланган чўчқалар ҳам ёрдам беришди. Қияликдан ҳарсангларни жар тепасига

олиб келишар ва итариб юборишарди, пастга келиб урилган тошлар майда бўлакларга бўлинарди. Шундан кейин уларни ташиб кетиш анчайин осон иш эди. Отлар уларни аравада таширдилар, қўйлар кичикроқ бўлақларни олиб боришар, ҳатто Мюриэл ва Бенжамин, бир-бирларини масхаралаганча, эски икки ғилдиракли аравага кўшилишарди ва ишга ўз ҳиссаларини қўшардилар. Ёз охирига келиб етарлича тошлар тўпланди ва чўчқаларнинг назорати остида қурилиш ишлари бошланди.

Қурилиш секин ва қийин кечაётганди. Баъзан бирор ерга ҳаддан зиёд катта тошни ўрнатиш учун кун бўйи ҳаракат қилинар эди, кейин у тош пастга қулар ва майдаланиб кетарди. Бирор ишни Боксёrsиз амалга ошириб бўлмасди. Гоҳида унинг бир ўзи қолган ҳаммани ўрнини боса оладигандай эди. Тош пастга қулай бошласа, ҳайвонлар чинқириб, уни тўхтатишга беҳуда уринар эдилар. Айнан Боксёр арқонни таранг ушлаб, тошни тўхтатиб қоларди. Боксёр секин, қадам-бакадам тепаликка чиқиб боришини, оғир ҳансираб, туёқлари билан қисирлаган ерга ботишини, ҳамма томонидан тер қуилаётганини – буларнинг барчасини кўрган жониворлар ҳайрат билан, нафасларини ичга ютганча қараб турардилар. Кловер гоҳида уни ўзини зўриқтирмасликка ундарди, аммо Боксёр унга қулоқ солишни истамасди. Қанақа муаммога дуч келмасин, унинг барча саволларга жавоб бўладиган иккита шиори бор эди: «Мен янада кўп меҳнат қиласман» ва «Наполеон ҳамиша ҳақ». Энди у хўроздан эрталаб ҳаммадан ярим соат олдин эмас, 45 дақиқа олдин уйғотишни сўради. Ўша вакт тифиз пайлардаги бундай иқтисод қилинган дақиқаларда у бир ўзи тошкесар жойига борар, тошларни тўплар ва яна ўзи шамол тегирмони қуриладиган жойга олиб борарди.

Иш мустақилликдан олдинги пайтдагидан оғир бўлса-да, ҳайвонлар ёмон яшамаётган эдилар. Дарвоке, улар золим Жонс давридагидан кўп озуқа емаётган бўлсалар-да, ўша пайтдагидан кам деб ҳам бўлмасди. Улар фақат ўзларини боқишлиари керак эди, бешта исрофгар инсон деган маҳлуқни боқищдан халос бўлгандилар. Бу афзаллик шу қа-

дар сезилар эдики, улар бу учун айрим нарсалардан маҳрум бўлишларига чидай олардилар. Улар ишда қўллаган усувлар аввалгидан бир неча бор самарали бўлиб, қувватни ҳам тежарди. Масалан, одамлар ҳеч қачон ерни бу қадар ёввойи ўтлардан тоза ўтоқ қила олмасдилар, жониворлар эса уларни битта қўймай ямлаб юборардилар. Яна ҳайвонлар ўғрилик нималигини билмасликлари туфайли ҳамма ерда шудгорни яйловдан ажратадиган девору тўсиқлар қўйиш ва уларни тинмисиз тузатишга эҳтиёж қолмади. Шунга қарамай, ёзда олдиндан кўзда тутилмаган қийинчиликлар пайдо бўлди. Парафин, михлар, симлар, итлар учун бисквитлар ва тақаларга эҳтиёж пайдо бўлди – буларнинг ҳеч бири Ҳайвонободда ишлаб чиқарилмас эди. Бундан ташқари, кейинчалик маълум бўлдики, уруғлик ва кимёвий ўғитлар зарур, асбоблар ва ниҳоят, шамол тегирмони учун ускуналарни айтмаса ҳам бўлади. Буларни қандай қилиб топиш мумкинлигини ҳеч ким тасаввур ҳам қилолмас эди.

Ҳамма кейинги ҳафталик топшириқларини оладиган якшанба мажлислидан бирида Наполеон янгича сиёsat юритишни бошлишини эълон қилди. Энди Ҳайвонобод кўшни молхоналар билан савдо-сотиқни йўлга қўяди: албатта, бу ишдан мақсад тижорат эмас, ҳаёт учун зарур ашёларни қўлга киритишдир. Тегирмон ҳақида ғамхўрлик қилиш қолган барча нарсаларни ўзига бўйсундириши лозим, деди у. Шунинг учун у бир неча буғдой гарамларини ва йиғиштирилган арпа ҳосилининг бир қисмини сотиш ҳақида қарор чиқарди. Агар бу пуллар етмаса, кейинчалик тухумлар ҳам савдо айланмасига жалб этилади, Уиллингтонда тухум учун бозорда эҳтиёж ҳамиша бор. Товуқлар, деди Наполеон, бу йўқотишларини тегирмон курилишита қўшилган ҳиссалари деб қабул қилишлари керак.

Барча тўпланганларни дастлабки дақиқаларда бироз саросима босди. Одамлар билан ҳеч қачон алоқа қилмаслик, ҳеч қачон савдо билан шуғулланмаслик, ҳеч қачон пулни ишлатмаслик – ахир Жонсни ҳайдагандан кейинги тантанали мажлисда шу тамойиллар эълон қилинмаганми? Бу қарорлар қандай қабул қилинганлигини ҳамма жониворлар

эслар эдилар ёки эслай оламиз, деган фикрда эдилар. Наполеон Ассамблеяни йўқ қилганда норозилик билдиримоқчи бўлган тўртта чўчқача тортинчоқлик билан қарши овоз чиқаришга лаб жуфтлагандилар, кўриқчи кўппаклар дарҳол тишғижирлата бошлишди. Чўчқалар тинчид қолиши. Кейин, одатдагидай, кўйлар кўшик бошлишди: «Тўрт оёқ – аъло, икки оёқ – расво!» Орадан ноқулайлик дарҳол кўтарилди. Нихоят, Наполеон тинчликни сақлашни сўраб, оёғини кўтарди (“Ўртоқ Наполенон туфайли осмонимиз тинч!” деган гап урфда эди), у аллақачон зарур топширикларни бериб бўлганигини эълон қилди. Бирорта ҳайвон инсон зоти билан алоқа қилмаслиги керак, чунки одамлар аввалгидай нафратга лойикдирлар. Бу оғир ишни фақат Наполеон ўз елкасига олади. Уиллингтонлик хуқуқшунос мистер Уимпер Ҳайвонобод молхонаси ва қолган дунё ўртасида воситачиликни ўз зиммасига олади. Ҳар душанба куни у дастуриламалларни олиш учун молхонага ташриф буюради. Наполеон ўз нутқини одатдаги олқишилов билан якунлади: «Яшасин Ҳайвонобод!» «Англия жониворлари» мадҳияси куйлаб бўлингач, ҳамма жониворлар тарқалишди.

Бир оз вақт ўтгач, миқти чўчқача бўлган Қичқироқ молхонани айлануб, ўз маърузалари билан норизо ақлларни тинчлантириб чиқди. Унинг ишонтириб айтишича, тижкорат билан шугулланмаслик ва пул билан ишламаслик қарори ҳеч қачон қабул қилинмаган ва ҳатто муҳокамага тавсия ҳам этилмаган. Буларнинг бари сароб, Сноуболл ёлғончилик мавсуми олдидан синаш учун ўртага ташлаган фитнадир. Қимлардир ҳали ҳам шубҳаланаётганини сезган Қичқироқ улардан бевосита сўради: «Буларнинг барини тушингизда кўрмаганингизга ишончининг комилми, ўртоқлар? Бу қарорлар қаерда акс этган? Қани ўша ёзувлар?» Ростдан ҳам, улар ҳеч ерда ёзилмаганлиги учун ҳамма ўзини алдаганликларини тан олди.

Эълон қилинганидай, ҳар душанба куни эрталабдан мистер Уимпер молхонага ташриф буюради. Бу катта бақенбардли кичкина одамча, амалиёти кўп бўлмаса ҳам, Ҳайвонобод молхонаси барibir бирор кун ташки дунё билан

алоқа қилишга мажбур бўлишини, бунинг учун воситачи кераклигини олдиндан сезишга ақли етган ва бундан анча фойда кўриш мумкинлигини тушунган муғомбир одам эди. У келган пайтда, ҳайвонлар унга бироз ҳадиксираб қарап, имкон қадар унинг кўзига тушмасликка ҳаракат қиласидилар. Шунга қарамасдан, тўрт оёқда туриб икки оёқли мистер Уимперга буйруқ бераётган Наполеоннинг келбати жони-ворларнинг қонуний ғуурларини жўшдирав, янгича тартиб билан муроса қилишга ундарди. Уларнинг одамлар жамияти билан муносабатлари аввалгисига қараганда бир қадар ўзгарди. Энди, Ҳайвонобод янги шиддат билан тараққиёт сари бораётганда, маҳлук одамлар уни янада кучли нафрат билан ёмон кўра бошладилар. Ҳар бир одам бу молхона эртами-кечми хонавайрон бўлади ва бундан ташқари, тегирмон қурилиши муваффақиятсизликка учрайди, деган фикрга шубҳа қиласди. Пивохоналарда учрашаркан, одамлар турили схема ва диаграммаларни пеш қилган ҳолда бир-бирларига тегирмон албатта вайрон бўлишини ва мабодо бузилиб кетмагандан ҳам, барибир ишламаслигини исботлашарди. Шунга қарамасдан, уларда ҳайвонлар ўз ғояларини нақадар тиришқоқлик билан амалга оширишларига нисбатан муайян хурмат пайдо бўлди. Ўзгараётган муносабатнинг белгиларидан бири шу эдики, одамлар молхонани янги ҳаққоний номи билан Ҳайвонобод деб атай бошладилар, аста-секин унинг эски номини унутдилар. Улар Жонснинг даъволарини қўллаб-куватлашни тўхтатдилар, Жонснинг ўзи ҳам молхонани қайтариб олиш фикридан кечди ва қаёққадир жўнаб кетди. Мистер Уимпер ҳақида айтмасак ҳам бўлади, у Ҳайвонободнинг қолган бошқа дунё билан алоқаларини қўллаб-куватлади, миш-мишларга қараганда, ўртоқ Наполеон Фоксвудлик мистер Пилкингтон биланми, Пинч菲尔длик мистер Фредерик биланми жиiddий тижорий алоқалар ўрнатган, алоҳида таъкидланишича, асло бир вақтнинг ўзида иккаласи билан алоқа ўрнатмаган.

Бу ҳодисалар чўчқалар Жонс яшаган уйга кўчиб ўтиб, уни ўз қароргоҳи деб эълон этган пайтда юз берган эди. Яна ҳайвонлар эслашга тушдилар, ёдларида турибди, одамлар

яшаган жойда яшаш мумкинмаслиги, бу жойни золим замонини эслатадиган музейга айлантирилгани борасида қарор килинганди. Яна Қичқироқ уларни ишонтиришига тұғри келди, унинг айтишича, аслида ҳеч бунақа нарса ҳаётда бўлмаган. Бутун молхонанинг мияси бўлган чўчқалар соқин жойда ишлаши батамом зарур нарсадир. Бундан ташқари, доҳийнинг (энди Наполеоннинг исмини тилга олганда “доҳий” унвони қўшилиб айта бошлаганди) шаъну шавкатаига шундай ҳашаматли уйда яшаш мос келади, ахир, доҳий оғилда яшасинми?! Шунга қарамасдан, айрим ҳайвонлар чўчқалар қароргоҳда нафақат меҳмонхонада дам олишади ва ошхонада ишлашади, балки ётоқда майшат ҳам қилишади, деган миш-мишлардан эҳтиросга тушардилар. Боксёр ҳамма шубҳаларни ўзининг одатдаги «Наполеон ҳамиша ҳақ!» деган шиори билан йўққа чиқаради. Бироқ Кловер, афтидан, ётоқда ётишга қарши ҳайвонизм арконини эсида сақлаганди, омборнинг орқасидаги деворга келди ва шу ерда ёзилган стти тамойилни ўқий бошлади. Алоҳида ҳарфлардан бошқа нарсани ўқий олмаслигига ишонч ҳосил қилганидан сўнг, Кловер ёрдам сўраб, Мюриэлга мурожаат қилди.

– Мюриэл, – деди у, – менга тўртинчи тамойилни ўқиб бергин. Наҳотки унда тўшакда ётишнинг ман этилгани ҳақида ёзилмаган бўлса?

Айрим қийинчиликларга қарамасдан, Мюриэл тамойилни бўғин-бўғинлаб ўқиди.

– Бу ерда шундай ёзилган: «Бирорта ҳайвон чойшабли тўшакда ётиши мумкин эмас», – эълон қилди у ниҳоят.

Етарлича синчков бўлган байтал Кловер тўртинчи тамойилда чойшаб тилга олинганини эслай олмасди. Ростдан ҳам деворга шундай ёзилган бўлса, демак, шундай бўлиши керак. Шу пайт шу атрофдан иккита ёки учта кўпрак ҳимоясида ўтиб бораётган Қичқироқ баҳсга оид тўғри талқинни ҳавола этди.

– Ўртоқлар, албатта, эшитгандирсиз, – деди у, – биз, чўчқалар, бинодаги тўшакларда ухламоқдамиз. Нега ухламаслигимиз керак? Сиз, албатта, бу қоида тўшакларга қарши қаратилган деб ўйламасангиз керак. Тўшак ухлаш

учун жой демақдир. Очиғини айтганда, оғилхонадаги со-
мон тұдаси ҳам түшакдир. Ҳайвонизмнинг бу тамойи-
ли чойшабларга қарши каратилған, чунки чойшаб одам-
нинг ихтиросидир. Биз барча ётоқлардаги чойшабларни олиб
ташладык, энди факат юмшоқ күрпалар ичіда ухламоқдамыз.
Бу жуда мазза-да. Бирок буларнинг бари биз сингари аклий
меңнат ҳайвонларига зарур бўлган энг минимал қулайлик-
дир. Сизлар бизни оғир меңнатимиздан кейин лозим бўлган
хордиқдан маҳрум қилмоқчимасдирсиз? Шундай эмасми,
ўртоқлар? Бизнинг мажбуриятларимизни бажаришда ҳаддан
зиёд чарчаб қолишга мажбур этмасанғиз керак? Ахир, амин-
манки, сизларнинг ҳеч бирингиз мистер Жонснинг қайтиши-
ни истамассиз?

Ҳайвонлар дарҳол унинг гапига ишондилар, ўша кундан
кейин чўчқалар учун тўшак масаласи бошқа кўтарилемади.
Бир неча кун ўтгандан сўнг чўчқалар энди бошқалардан
кўра бир соат кеч уйкудан уйғониши эълон қилингандা, ҳеч
бир ҳайвон бирор эътиrozли сўз айта олмади.

Кузга келиб жониворлар хушбаҳт бир чарчоқни ҳис-
қилдилар. Улар ўз елкаларида оғир йилни олиб чиқдилар,
доннинг бир қисми сотилганидан кейин, захирадар қишлоғ-
га етмаслиги мумкин, аммо қад тиклай бошлаган тегирмон
уларга таскин берарди. Унинг қурилиши деярли ярмига етиб
қолганди. Йигим-теримдан сўнг очиқ ва қуруқ ҳаво ўрнаш-
ди, жониворлар одатдагидан қийинроқ шароитда ишладилар.
— Айни пайтда, оғир ҳарсангларни ташир экан, улар ўзлари-
ни омадли ҳисоблар эдилар, чунки деворни яна бир футга
кўтарадилар, ахир. Терим мавсумида Боксёр қурилишга ҳат-
то тунлари ҳам келар ва ой ёргуғида бир-икки соат ишлар-
ди. Дам олиш лаҳзаларида жониворлар тегирмон қурилиши
атрофида сайд қилас, текис деворларнинг салобатига қараб,
бу муҳташам бинони ўзлари тиклаганликларидан фахрла-
нардилар. Фақат кекса Бенжамин тегирмондан мағрур бўл-
мас, лекин у ҳам айтгани гап топмаганидан, эшаклар узоқ
яшайдилар, бу тегирмондан кўра узоқ, деганга ўхшаган қо-
чирилмлардан нари ўтмасди.

Изиллатадиган жанубий-шарқий шамоллари билан но-

ябрь кириб келди. Қурилиш тұхтаб қолди: бунақа намгарчилиқда бетон аралаштириш қийин эди. Нихоят, бир оқшом шунақа бүрон авжга чиқдиди, молхона биносининг таги ларзага келди, томдаги бир неча сопол қопқа ўпирилиб тушди. Үйғониб кетган товуқлар құрқұвдан қақағлаб юборишиди, чунки уларнинг тушига тұплар отишмаси кирганди.

Эрталаб жониворлар күрдиларки, байроқ осиладиган түсін синган, ҳовлидаги арча шолғом каби таги билан қўпорилиб тушган. Аммо улар бунга эътибор қилмадилар, ҳамманинг кўксидан надомат охи отилиб чиқди... Тегирмон вайрон бўлган эди.

Яккаш бир шиддат билан ҳамма тегирмон томон чопди. Эрталаблари сайр қилишни хушламайдиган Наполеон ҳам ҳаммадан олдин югурап эди. Ҳа, тегирмон тамом бўлганди – уларнинг узоқ қилган меҳнатлари маҳсули энди йўқ эди: тегирмон таг-туғи билан қулаган, тошлар сочилиб кетганди. Улар бир сўз дея олмасдан, девор вайроналарига термилиб турардилар. Наполеон жимгина у ён-бу ёнга юрар, гоҳи-гоҳида тупроқни ҳидлаб кўради. Унинг анча қотган думи у ён-бу ёнга қимирлаб турарди – Наполеон чукур ўйлаётганди. Кейин у бирдан тұхтади, гўё унинг миясига муҳим фикр келгандай эди.

– Ўртоқлар, – деди у хотиржамлик билан, – бу разолат учун ким жавоб бериши кераклигини биласизларми? Тунда яширин бостириб кириб, тегирмонни вайрон қилган душманнинг исмини биласизларми ўзи? Бу – **Сноуболл!** – У дафъатан овозини баландлатди. – Бу Сноуболлнинг қилмиши! Ичи қоралигидан у бизнинг режаларимизни бузишга қарор қилган ва ўзининг шармандали қувғин бўлгани учун ўч олмоқчи бўлган. Бу хоин бизнинг еримизга тун қоронғисида кирган ва бир йиллик меҳнатимизнинг натижасини йўқ қилган. Ўртоқлар, шу ерда туриб, мен Сноуболлга ўлим хукмини чиқараман! Ким Сноуболлдан қасос олса, «Ҳайвон – иккинчи тоифа қаҳрамон» унвонига ва ярим челак олма билан мукофотланади! Уни тириклайн келтирганга бир челак олма берилади!

Ҳали оқшомги бўронни ёдидан чиқармаган жониворлар,

бу ишдан Сноуболл айбланганидан чексиз саросимага тушдилар. Бу даъвога ишонганлар ҳам дарғазабликларини намоён қилишди, кўплари, агар Сноуболл яна пайдо бўлса, ушлаб олишни режалаштирилар. Шу пайтда тепалик яқинидаги ўт-ўлан ичидаги туёклар изи топилди. Тўғри, улар бор-йўғи бир неча метргагина чўзилганди, холос, аммо излар тўсин деворнинг тешик еригача борганди. Наполеон туёқ изларини ҳидлади ва улар Сноуболлининг излари эканини эълон қилди. Унинг тахминича, Сноуболл Фоксвуд томондан келган.

– Бир дақиқа ҳам тўхтаб қолмаймиз, ўртоқлар! – деди Наполеон, изларни обдон ўрганиб бўлгач. – Бизни иш қутиб турибди. Бугун эрталабдан тегирмонни тиклаш ишларини қайта бошлаймиз, уни ёмғирда ҳам, қорда ҳам ишлаб, бутун қиши мобайнида тиклаймиз. Бу нафратга лойик хоинга бизни тўхтатиб бўлмаслигини кўрсатиб қўямиз. Ёдда тутинглар, ўртоқлар, биз ҳар бир куннинг қадрига етишимиз керак! Олға, ўртоқлар! Яшасин тегирмон! Яшасин Ҳайвонобод!

Қаҳратон қиши шафқатсиз эди. Түфөну шамоллар ёмғир ва қорнинг изидан юрарди, кейин изғириналар бошланди ва февралгача тўхтамади. Тегирмонни тиклар эканлар, жони-вирлар энг сўнгги куч-кувватларигача сарфлардилар. Яхши билардиларки, уларни атрофдаги бутун дунё кузатиб турибди, агар улар тегирмонни муддатида битирмасалар, инсон зоти ўзида йўқ хурсанд бўлади.

Соғлом фикрларга қарамасдан, аҳоли Сноуболлининг айбдорлигига ишонмасди ва тегирмон деворларининг юпқалигидан бўронда кулади, деб ҳисоблардилар. Ҳайвонлар сабаб бунда эмаслигини билардилар. Ҳар ҳолда, деворни аввалгидай ўн саккиз дюйм эмас, уч фут қалинликда тиклашга қарор қилдилар. Бу янада кўпроқ ҳарсангтошни талаб қиласди. Бироқ анча пайтгача ишга кириша олмадилар, чунки тошкесардаги тошхонани эриган қор сувлари тўлдирганди. Куруқ совуқ тушгандан кейингина вазият бироз ўнгланди. Иш жуда машақкатли эди, кўпчилик аввалги кўтаринкилик ва умидларсиз ишлаётганди. Улар совуқ ва очлиқдан азоб чекардилар. Фақат Боксёр ва Кловернинг руҳи тушмаганди. Қичқироқ фидокорона меҳнатнинг меҳнаткашларини улуғлайдиган қувончлари ва шавкати ҳақида гўзал нутқлар ирод қиласди, аммо ҳайвонларга кўпроқ Боксёрнинг ғайрати ва: «Мен янада кўпроқ ишлайман!» деган шиори далда бўларди.

Январда овқат захиралари охирлаб қолгани маълум бўлди. Донни бериш меъёрлари кескин қисқартирилди. Доң ўрнига картошка бериш меъёрлари оширилиши ҳақида эълон қилинди. Кейин маълум бўлдики, эшиги жипс ёпилмаган оғилхонада картошканинг каттагина қисми музлаб қолган. Картошка ириб, оқиб ётар, амалда озуқаликка ярамас эди. Фақат пичан ва лавлаги қолганди. Жониворларнинг қўзига очлик даҳшати қўзини лўқ килиб қараётганди.

Бу фактларни қолган дунёдан яшириш жудаям муҳим эди. Тегирмон вайрон бўлганидан севинган одамлар Ҳайвонобод ҳақида янги миш-мишларни тарқатдилар. Яна тарқала бошлаган миш-мишларга кўра, ҳайвонлар очлиқдан ва

касалликлардан ҳалок бўлмоқдалар, улар орасида шафқатсиз низолар келиб чиқкан ва молхонада бир-бирини ейиш ва мурғак ҳайвончаларни ўлдириш авжиди эмиш. Наполеон бу фитналарнинг юз бериши мумкин бўлган оқибатларидан жиддий хавотирга тушди ва ҳаққоний аҳволдан ҳеч ким ҳабар топмаслиги учун, миш-мишларни рад этишда мистер Уимпердан фойдаланишга қарор қилди. Одатда ҳайвонлар душанба тонгидаги ташриф пайтида мистер Уимпер билан деярли қўришмасдилар, бироқ энди айрим жониворларга, асосан қўйларга мистер Уимперга қўриниш, унга эшиттириб берилаётган озуқа меъёрлари тинимсиз ортиб бораётганидан мамнунликларини изҳор қилиш топширилди. Бундан ташқари, Наполеон омбордаги бўш хумларни кум билан тўлдириб, устига қолган-қутган дон ва унларни сепиб қўйишни буюрди. Қандайдир баҳона билан мистер Уимпер омборга олиб борилганда, унинг назари “ун ва дон тўла хумлар”га тушди. Томоша уни ишонтири ва у Ҳайвонободдан кетганидан кейин у ердаги одамларга ҳайвонларнинг озуқаси керагидан ҳам ортиқлиги ҳақида гапириб юрди.

Шунга қарамасдан, январ охирида нима қилиб бўлса ҳам бироз дон топиш зарурлиги аён бўлди. Оғир кунларда Наполеон ташқарига кам чиқарди, деярли барча вақтини қароргоҳи ичидаги ўтказар, унинг эшикларини тиш қайраган қўппаклар қўриқлаб туради. У пайдо бўлганда, унинг сайри салобатли тус оларди – у олтита қўриқчи қўппак ўртасида борар, кимдир яқинлашмоқчи бўлса, қўппаклар вовуллаб ғингшириди. Гоҳида у якшанба эртасидаги топшириқлар бे-риладиган мажлисда ҳам қўринмас, топшириқларини бошқа бирор чўчқа орқали, одатда, Қичқироқ орқали эълон қилдидарди.

Якшанба кунларининг бирида Қичқироқ, одатдагидай, ҳамиша уни ўраб турган товуқларга бугундан бошлаб то-вуклар тухумларини омборга топширишлари лозимлигини эълон қилди. Уимпер орқали Наполеон ҳар ҳафта тўрт юзтадан тухум етказиб бериш бўйича шартнома тузибди. Тухумдан тушган пулларга дон ва маҳсулотлар сотиб олинади, бу

Ҳайвоноң жониворларига шароитлар яхшиланадиган ёз ойларигача етиб олиш имконини беради.

Бу хабарни эшитган товуклар даҳшатли қа-қағлаб юбордилар. Ҳа, улар, эҳтимол, шундай қурбон беришлари ҳақида огоҳлантирилгандилар, аммо ростакамига ишонмаган, бу ишлардан Наполеон бехабар, у билиб қолса, бунга йўл кўймайди, доҳиймиз одил ҳайвон, деб ўйлардилар. Улар бу тухумлардан баҳоргача жўжачалар очиб чиқишларини, атрофларини момик товукчалар ўраб туришини тасаввур қилиб тамшанардилар. Уларнинг тухумларини тортиб олиш ҳақиқий қотилликдир. Жонс ҳайдалгандан бери илк бор кўзғолишга ўхшаган бир ҳаракат бошланди. Тўртта ёш қора чўчқача бошчилигида товуклар, исталган йўл билан бўлса-да, Наполеоннинг ҳаракатларига қаршилик қилмоқчи бўлишди. Улар баланд тўсинга чиқиб, тухум туғишга, тухумлар пастга кулаб сотишга яроқсиз ҳолда парчаланиб кетишига қарор қилишди. Наполеон бунга тайёргарлик кўрганди, бир марта орқага чекинса, бошқалар ҳам бош кўтаришини билиб, тез ва шафқатсиз чора кўрди. У товукларга овқат бермасликни буюрди ва улар ҳаттоқи бир дона дон берган ҳар қандай жониворга ўлим жазоси берилишини эълон қилди. Буйруқнинг ижроси кўппакларга юклатилсан, деб буюрди у. Товуклар очликка беш кун чидадилар, кейин товукҳоналарига қайтдилар. Бу пайт мобайнида тўққизта товук жон берди. Уларнинг ўлиги боқقا кўмиб юборилди ва улар юкумли бруцелёз касалидан ўлди, деб эълон қилинди. Бу билан ҳам уларнинг жасорати йўққа чиқарилди, ҳам касаллик юқиши хавфидан кўмилган жойларини зиёрат қилинишининг олди олинди. Уимпер исён ҳақида ҳеч нарса билолмади. Тухумлар омборга топшириб турилди ва ҳафтада бир марта баққол келиб, уларни ўзининг усти ёпиқ машинасида олиб кетарди.

Молхонадан қочиб кетганидан буён мухолифатчи Сноуболлнинг ҳеч қандай изи топилмади. Фақат у билан ҳайвонларни кўрқитиш давом этарди. Миш-мишларга кўра, у қўшини молхоналардан бирида – Фоксвуддами, Пинчфилддами – сиёсий бошпана олган ва беркиниб ётибди. Бу пайтга келиб Наполеон қўшнилар билан муносабатни бир қадар яхшилаб

олганди. Бунга сабаб бўлган нарса шуки, молхона ҳовлисида камида ўн йилдан бери, қора қайнилар кесилгандан буён ётган ёғочлар тахлами бор эди. Улар мистер Жонс томонидан жуда чиройли тахланган ва лозим даражада сақланган эди ва Уимпер Наполеонга уларни сотишни маслаҳат берди. Мистер Пилкингтон ҳам, мистер Фредерик ҳам уларни жон деб сотиб олишларини айтди. Наполеон кимга сотиш масаласида иккиланиб турарди ва кимга сотиш тўғрисида қарор қабул қилолмаётганди. Шу нарса кўзга ташландикি, Наполеон энди мистер Фредерик билан шартнома тузишга киришса, Сноуболл Фоксвудда деган хабар тарқаларди, у энди мистер Пилкингтон билан келишишга қарор берса, Сноуболл Пинч菲尔дда яширинган, деган гап чиқарди.

Баҳорга яқин хавотирли хабарлар чиқди. Кечалари Сноуболл молхонага бир неча марта келган! Бу хабар ҳаммани шу қадар хавотирга солдики, ўз катаклари ва оғилхоналарида яхши ухлай олмай тунни ўтказдилар. Маълум бўлишича, тун қоронғиси тушгач, у молхонага киради ва зааркунандалик қиласи. У дон ўғирлайди, сут тўла челякларни ағдаради, тухумларни топтайди, экин-тикинларни поймол қиласи, мевали дараҳтларнинг шохларини ғажайди. Шу тариқа молхонанинг барча камчиликлари Сноуболлнинг зааркунандаликлари сифатида ёпиб юборилди. Энди ҳар бир ҳайвон тушунтира олардики, синган дераза ёки тикилиб қолган қувур мухолифатчи Сноуболлнинг тунги фаолияти туфайли юз берган, омборхонанинг калити йўқолиб, ялпи ички маҳсулотларнинг бир қисми ўмарилганда, уни ҳамма айнан Сноуболл олганлигини таъкидлади. Энг ажабланарлиси, кейинчалик калит ун солинган қоп тагидан топилганда ҳам, ҳайвонларнинг нуқтаи назари ўзгармади. Сигирлар бир овоздан эълон қилишдики, улар тунда ухлаб ётганларида, Сноуболл уларнинг катакларига киради ва уйкуларида соғиб олиб кетади. Сут ишлаб чиқаришдаги етишмовчиликлар шу билан изоҳланди. Шундай шубҳа бор эдики, бу йилги қишида фаоллашиб қолган каламушлар Сноуболл билан ўзаро битим тузиб олган бўлишлари эҳтимоли бор.

Наполеон Сноуболлнинг фаолиятини тўла тафтиш қи-

лишга буйруқ берди. Тансоқчи кўппаклар қуршовида – қолган жониворлар ундан бир қадар узоқроқда, алоҳида эргашиб келишарди – у молхона иншоотларини синчковлик билан кўздан кечирди. Ҳар бир неча қадамдан сўнг, Наполеон тўхтаб, ерни хидлар ва Сноуболлинг изларини ахтарарди, унинг айтишича, ватан хоинини хидидан билар эмиш. У омбордаги, сигирхонадаги, товуқхонадаги, томорқадаги ҳар бир бурчакни хидлаб чиқди – ҳамма ерда Сноуболлинг излари бор эди. Тумшуғини ерга ишқалаб ва пишиллаганча хидлаб, Наполеон даҳшатли овозда хурилларди: «Сноуболл! У бу ерда бўлган! Мен уни сезяпман!» Ҳар гал «Сноуболл» сўзини эшитган тансоқчи кўппаклар ўткир тишларини ғижирлатиб, ғингшиб қўярдилар.

Ҳайвонлар ҳаддан зиёд қўркиб қолдилар. Уларга туюлдики, мухолифатчи Сноуболл рух-арвоҳга айланиб қолган, кўзга кўринмаса-да, молхонанинг ҳамма ерида юради ва уларнинг бошига тушаётган дунёнинг ҳамма балоларига жавобгардир. Кечқурун нотиқ чўчқа Қичқироқ жониворларни йиғди ва башарасидаги хавотирли ифодани яширмасдан, ҳайвонлар учун жиддий хабарлар борлигини айтди.

– Ўртоқлар! – асабий қалтираганча, хур-хурлай бошлиди у. – Даҳшатли тафсилотлар ошкор бўлди. Сноуболл пинч-филдлик Фредерикка сотилган, улар фитна ўюштириб, бизга ҳужум қилишга ва молхонамизни тортиб олишга қарор қилганлар! Ҳужум пайтида Сноуболл душманга йўлбошчилик қиласиди. Бу ҳали ҳаммаси эмас. Бундан ҳам даҳшатли ишлар фош қилинди. Биз худбинилиги ва амалпастлиги Сноуболлининг қувғин қилинишига сабаб бўлган деган фикрда эдик. Лекин биз адашган эканмиз, ўртоқлар. Гап нимада эканини биласизми? Энг аввалдан Сноуболл Жонс томонида бўлган! У ҳамиша яширин жосус бўлган. Буларнинг барчаси у яширишга улгурмаган ва бутун биз топиб олган ҳужожатлар билан исботланган. Мен энди кўп нарса тушунарли бўлди, деб ҳисоблайман, ўртоқлар. Ахир, у бизнинг сигирхона олдидаги жангда ғалаба қилишимизга – баҳтимизга, самарасиз – халяқит қилишга уринганини ёдимизда сақлаймиз-ку?

Жониворлар донг қотиб қолдилар. Тегирмоннинг вай-

рон этилишини, балким, Сноуболлинг ҳаддан зиёд ғазаблангани билан изоҳлаш мумкиндири. Факат бир неча дақика ўтгандан сўнг, улар ўзларига келдилар ва айтилган гапларни мулоҳаза қилдилар. Уларнинг барчаси эсларди ёки эслайман деб ўйлардики, айнан Сноуболл уларни сигирхона олдида жангга бошлаган, уларга бошлилик қилган ва курашда далда бўлган, Жонснинг тўппончасидан отилган ва яралаган ўқ ҳам уни тўхтата олмаганди. Дастлаб жониворлар ёдларида турган бу воқеаларнинг барчаси Сноуболл Жонс томонида бўлган деган гапга қай тарзда қовуша олишини англай олмай турдилар. Ҳатто деярли савол бермайдиган, хокисор Боксёр ҳам ҳайрон эди. У олдинги оёқларини буклаганча, ётиб олди, кўзларини юмди ва ўз фикрларини тартибга солишга уринди.

– Мен бунга ишонмайман, – деди у. – Сноуболл сигирхона олдидаги жангда мардларча урушди. Ўзим ўз кўзим билан кўрганман. Ахир биз яқдиллик билан унга «Ҳайвон – биринчи тоифа қаҳрамон» унвонини дарҳол жангдан сўнг топширмаганмидик?

– Бу бизнинг хатомиз бўлган, ўртоқлар. Чунки биз бугун биламиз – буларнинг барчаси биз топган яширин ҳужжатларда оқقا қора билан ёзиб кўйилган – аслида у бизларни пистирмага туширмоқчи бўлган.

– Ахир у ярадор эди, – деди Боксёр. – Ҳаммамиз ундан қон оқиб турганини кўрганмиз.

– Буларнинг бари атайлаб қилинган! – Қичқирди миқти чўчқа Қичқироқ. – Жонс унга атайин отган. Агар сизлар ўқиши билганингда, бугун ўртоқ Наполеон бу ҳужжатларга “махфийлик” муҳрини босмаганида, мен сизларга бу воқеа ҳақида нималар ёзилганини кўрсатган бўлардим. Фитна шундан иборат эдики, мушқул вазиятда Сноуболл орқага чекинишга ишора бериши ва жанг майдонини душманларга колдириши керак бўлган. У зафар қозониши мумкин эди, мен яна шуни айтишим мумкинки, ўртоқлар, у ғалаба қила оларди, агар бизнинг қаҳрамон доҳиймиз ўртоқ Наполеон бўлмаганида. Ахир, ёдингиздадир, Жонс ва унинг одамлари ҳовлига босиб кирган қалтис вазиятда, Сноуболл бехосдан

қочишига тушди ва бошқаларни ҳам эргаштиримоқчи бўлди? Ёдингизда эмасми, ҳамма саросимага тушган ва ҳамма нарса барбод бўлаётган бир пайтда, ўртоқ Наполеон олдинга чиқди ва «Одамзодга ўлим!» қичқириги билан Жонснинг оёғига ўткир тишларини қадади? Албатта, сиз эслашингиз шарт, ўртоқлар! – у ён-бу ёнга юрганча хуриллади Қичқирок.

Ҳайвонлар буни эслай олмасдилар, аммо бу саҳнани жуда жонли тасвирлаб бергач, кўплаб ҳайвонлар у воқеани бўлгандай, эсларида қолгандай ҳис қилдилар. Ҳар ҳолда жангнинг қалтис пайтида ҳайвонларни ортидан эргаштириб пистирмага олиб боргани эсларида эди. Бироқ Боксёр ҳали ҳам бироз шубҳаланаради.

– Мен Сноуболл аввалдан бизни сотганига ишонмайман, – деди у ниҳоят. – У кейин ўзгарган бўлса, бу бошқа масала. Аммо сигирхона олдидаги жанг пайтида у ишонса бўладиган биродаримиз эди.

– Доҳиймиз, ўртоқ Наполеон, – Қичқирок ҳар бир сўзни алоҳида ва салобатли қилиб, эълон қилди, – қатъий таъкидлайдики, қатъий, ўртоқлар, Сноуболл аввалдан Жонснинг жосуси эди, ха, айнан шундай, исён фикри туғилганидан ҳам олдин.

– Эҳ-ҳа, бу бошқа гап! – чўчиб тушди Боксёр. – Агар ўртоқ Наполеон айтган бўлса, демак, шундай бўлган.

– Бу қип-қизил ҳақиқат, ўртоқлар! – кичкина, пирпираған кўзчаларини Боксёрга хўмрайиб қадаганча, яна бақирди Қичқирок. Ўзини жамлаб олиб, у ҳайбат билан деди: «Мен молхонанинг барча аҳолисини огоҳликка чақираман, кўзингиз ва қулоғингизни кенг очинг. Чунки айни пайтда орамизда ҳам Сноуболлнинг жосуслари бор дейишга барча асослар мавжуд!» Ҳайвонлар бир-бирларига хавфсираб қарадилар.

Тўрт кун ўтгач, Наполеон барча ҳайвонларга тушлиқдан сўнг ҳовлида тўпланишни буюрди. Ҳамма жамлангач, уй эшигидан иккита медал тақиб олган (у яқиндагина ўзининг фармойиши билан ўзини «Ҳайвон – биринчи тоифа қаҳрамон» ва «Ҳайвон – иккинчи тоифа қаҳрамон» медаллари билан тақдирлаганди) ҳамда тўққизта атрофга ғингшиб турган, тишларининг ғижирлаши ҳайвонларнинг этини сескан-

тирадиган бир-биридан улкан күппаклар қуршовида ўртоқ Наполеон кўринди. Ҳайвонлар бир-бирларига суяниб турар, уларни ваҳшатли нимадир кутаётганини сезардилар.

Наполеон тўхтади ва ҳаммага бир-бир назар солди; кейин у буйруқ оҳангидга чийиллади. Кўппаклар ўша заҳоти олдинга отилдилар ва исёнкор тўртта қора чўчқачани кулокларидан тишлаб, оғриқдан чирқиллатган ҳолда судраб, Наполеоннинг туёклари тагига ташладилар. Чўчқаларнинг кулокларидан қон сизиб оқар, уларнинг конларини ялаб, ғингшиётган итлар ақлдан озаётган эди. Ҳамма донг қотиб турган пайтда кўппакларнинг учтаси Боксёрга ташланди. Уларни кўриб қолган тулпор ўзининг улкан туёғини шарт кўтарди ва яқинлашган кўппакни сакраб турган ерида тепди, ит инграпиб, ерга қулади, қолган итлар думларини сиқиб, ўзларини четга тортидилар. Боксёр Наполеонга қаради, у кўрсатма кутарди – итни тепсинми ёки қочиб кетишига имкон берсинми. Афтидан, Наполеоннинг сокинлиги йўқолди ва Боксёрга кўппакни тинч қўйишни буюрди; Боксёр туёғини пастга туширди ва кўппаклар ғингшиганча четга ўтдилар.

Оғир сукунат чўқди. Тўрттала чўчқа қалтираб воқеаларнинг ривожини кутарди, улар юзларидаги ҳар бир чизиқ кўрсатиб турган айбларини яширмас эди. Наполеон уларга ўз жиноятларига иқорор бўлиш талаби билан мурожаат қилди. Бу ўша Наполеон Ассамблеяни бекор қилганда исён қилган тўртта қора чўчқалар эди. Улар дарҳол Сноуболл қувғин қилинганидан бўён у билан яширин алоқа қилганларига, унга тегирмонни вайрон қилишда ёрдам берганликларига ва у билан тил бириктирган ҳолда Ҳайвонободни мистер Фредерика бериш мақсадида битим тузганликларига иқрор бўлдилар. Улар яна шуни қўшиб қўйдиларки, Сноуболл уларга ўз сирини ошкор қилган: узоқ йиллар мобайнида мистер Жонснинг яширин жосуси бўлганлигини айтган. Улар тавба қилиб бўлганларидан кейин, кўппаклар уларнинг томоқларини ғажиб ташладилар ва Наполеон даҳшатли овоз билан яна кимдир қилган жиноятларига иқрор бўладими, деб сўради.

Тухумлар туфайли исён кўтарган учта товуқ олдинга чиқди ва уларнинг тушларига қайсиdir йўл билан Сноу-

болжириб, Наполеоннинг буйруқларига бўйсунмасликни ўргатганига икрор бўлдилар. Улар ҳам парча-парча қилиб қиймалаб ташланди. Кейин ўртага ғоз чиқди ва ўтган йилги ҳосилни йифишириш мавсумида олтита донни беркитиб кўйиб, оқшом еганини тан олди. Қўйлардан бири ҳовузга сийиб қўйганини тан олди, табиийки, унинг сўзларига кўра, буни ҳам Сноуболл талаб қилган. Яна иккита қўчкор Наполеоннинг энг содик муҳлиси бўлган кекса қўйни, ҳансира бўйталишига қарамасдан, гулхан атрофида чопишга мажбур қилиб, ўлимгача олиб борганликларини тан олдилар. Уларни ҳам бошқа айборлар каби ажал кутиб турарди. Барчаси ўлдирилди. Икрорлар ва жазолар жараёни Наполеоннинг туёклари остида мурдалар тоғдай уюлгунича, ҳавода оғир қон иси анқигунча давом этди. Жониворлар бу қон ҳидини Жонс қувғин қилинганидан бери унуга бошлагандилар.

Ҳамма нарса тугаганида, чўчқалар ва кўпраклардан бошқа, барча ҳайвонлар бир тўда бўлиб даврадан узоқлашдилар. Улар хўрланган ва таҳқирланган ҳолда эдилар. Улар ўзларини нима – Сноуболл билан ҳамкорлик қилганларнинг хоинлигими ёки ўзлари гувоҳ бўлган қонли жазо сахнасими – кўпроқ ҳайратга соганини англай олмасдилар. Эски замонларда ҳам анчайин қонли воқеалар бўлиб турарди, аммо бугунги воқеани улар оғир қабул қилдилар, чунки бу хунрезлик уларнинг орасида юз берган эди. Жонс молхонани тарк этган кундан то бугунгача бирорта жонивор бошқа жониворнинг жонига қасд қилмаган эди. Ҳатто каламушларни ҳам ўлдиришмаганди... Ҳамма жониворлар қурилиши битмаган тегирмон томонга судралиб бордилар, ерга чўзилиб ётдилар ва яқдил бир истак билан бир-бирларидан илиқлик истагандай, тўдага жам бўлдилар. Кловер, Мюриэл, Бенжамин, сингирлар, қўйлар, бир тўда ғозлар, товуқлар, Наполеон йифишишга чорлаган заҳоти йўқ бўлиб қолган мушукдан бошқа барча жамланди. Кловер узун қора думини тебратар ва вақтвақти билан қисқа-қисқа инграниб қўярди. Ниҳоят, у деди:

– Мен ҳеч нарсани тушунмай қолдим. Бизнинг адолатли ҳайвонизм жамияти кураётган молхонамиизда шунаقا даҳшат содир бўлганига ишонгим келмайди. Биз бирор ерда хатога

йўл кўйган бўлсак керак. Ва, менингча, инқироздан чиқишнинг йўли янада кўпроқ меҳнат қилишдадир. Менга келсак, бундан буён эрталаб яна бир соат олдин уйқудан тураман.

У ортига ўгирилди ва оғир қадамлар билан тошкесар ер томонга йўл олди. Жойга етиб келгач, иккита катта ҳарсангни белгилаб олди, тун қоронғиси батамом осмонни қоплагунча уларни тегирмон деворлари ёнига етказиб боришни мўлжаллади.

Ҳайвонлар Кловернинг атрофида тўпландилар. Улар ястаниб ётган тепаликдан олис-олисларгача кенг манзара кўриниб турарди. Деярли бутун Ҳайвонобод уларнинг кўз ўнгидаги турарди – чети деярли катта йўлгача чўзилган яйловлар, буғдойзорлар, қарағайзорлар, ҳовуз, яшил кўчатлар уна бошлиган, шудгорланган ерлар, молхонанинг қизил сопол томлари ва каминдан кўтарилаётган тутун. Ойдин баҳор кечаси эди. Ўтлар ҳам, яшил деворлар ҳам ботаётган қуёш шафагига чулғанганди. Молхона жониворлари авваллари ҳеч қачон бундай туйғуни ҳис қилмагандилар. Енгил бир ҳайро налик билан улар англардиларки, бу уларнинг молхоналари, ҳар бир парчасигача уларга тегишли макон энди нимагадир уларга тегишли масдай, жонажон ватан эмасдай эди. Кловер ёшга лиммо-лим тўлган кўzlари билан олдинга қараб турарди. Агар у ҳозирги ҳисларини сўзлар билан ифода қила олганида, шундай деган бўларди: биз ўша олис йилларда инсонлар зулмини ағдариб, озодликка, мустақилликка чиқишига қарор қиласар эканмиз, бундай бўлишини орзу қилмагандик. Кекса майор молхона ахлини кўзғалонга ундаланда, кўз ўнгимизда бу даҳшат ва қон тўла саҳналар турмаган, одил жамият қуриш орзуси турганди. Агар у ўшанда, кекса майор нутқ сўзлаганда, келажакни аниқ кўра олганда, истиқболни шундай тасаввур қила оларди – бу барча умрбод очлик ва калтакланишлардан қутулган, ҳамма қобилиятига кўра меҳнат киладиган ва худди у ўша кеча адашган ўрдакларни ҳимоя қилгани каби, кучлилар заифларни ҳимоя этадиган ҳайвонлар ҳамжамияти бўлади деб орзу қилганди... Бунинг ўрнига эса, у нега бундай бўлганини билмасди, ҳеч ким миясига келган эркин фикрини айта олмайдиган, фикр айтган-

лар ёнига дарров күппак кучуклар ғингшиб, пайдо бўладиган, сенинг эркни талаб қиласиган жонивор биродарингни қандай қон тўкиб, парча-парча қилишларини қўзинг билан кўриб ўтиришга мажбур бўлган, айбиз жониворлар даҳшатли жиноятларга икрор бўладиган жамият қурилди. Аммо ҳайвоннинг миясига ҳеч қанақа исёнкор фикр – на қўзғолон қилиш, на зулмга қаршилик кўрсатиш фикри келмади. У билардики, нима бўлса ҳам, улар Жонс замонасидан, инқи-лобдан олдингига қараганда яхши яшамоқдалар. Энг аввало олдинги золим замон қайтиб келмаслиги учун ҳаракат қилиш керак. Зулм қайтиб келганини ҳайвонот аҳли англамасди. Нима бўлса ҳам, омон қолиш учун молхонага садоқатли ва меҳнатсевар бўлиш керак, Наполеоннинг мавқенини тан олиш шарт. Лекин барибир, бу у орзу қилган нарса эмасди ва қолган ҳамма нарса ҳам улар амалга ошириш учун меҳнат қилаётган нарсалар эмасди. Улар бу учун тегирмон қурмаётган, бу учун мистер Жонснинг ўқига кўкракларини тутиб чиқмаган эдилар. От айнан шулар ҳақида йилар эди, аммо фикрларини айтиш учун сўзларни топа олмасди.

Ниҳоят, у ўзини тўлдирган ҳис-ҳаяжонни нимадир қилиб ифодалаш учун барча жониворлар озод ва тенг бўлиши орзуси ҳакидаги «Англия жониворлари»ни айтиб, кишинай бошлади. Атрофига жамланган бошқа жониворлар қўшикка қўшилиб кетдилар ва озодлик мадҳини уч марта куйладилар, бу гал қўшиқ авваллари ҳеч қачон бўлмаган бир тарзда якдил, сокин ва қайгули чиқди.

Улар учинчи марта айттаётганда, қўшиқ Наполеон қароргоҳигача етдими ёки жосус қушлар етказдими, иккита кўпак соқчилигига Қичқироқ пайдо бўлди ва муҳим қарор келтирганини айтди. Унинг эълон қилишича, ўртоқ Наполеоннинг маҳсус фармойиши билан бугундан эътиборан «Англия жониворлари» қўшиғи бекор қилинган, мадҳияни куйлаш буткул ман қилинади.

Ҳайвонлар батамом саросимага тушдилар. Уларнинг яхши кунга бўлган орзулари ҳам тақиқланганди.

– Нима учун? – Ҳайратланди Мюриэл.

– Ўртоқлар, бу қўшиқка бошқа эҳтиёж йўқ, – қатъий ху-

риллади Қичқироқ. – «Англия жониворлари» – бу исён даври қүшиғи эди. Қўзғолон самарали амалга оширилди. Бунга бу гун бўлиб ўтган хоинларни жазолаш ҳодисаси сўнгги нуқта ни кўйди. Ташқи ва ички душманлар батамом маҳв этилди. «Англия жониворлари»да биз истиқболдаги эзгу жамиятни куриш орзусини ифодалагандик. Ахир, биз бу одил жамиятни курдик-ку. Демак, энди бу қўшиқ долзарблигини йўқотди.

Кўркувни енгтан айрим жониворлар қаршилик қилиб, нимадир дейишга чоғланган заҳоти, қўйлар одатдаги «Тўрт оёқ – аъло, икки оёқ – расво!» деган шиорларини баърай бошладилар. Бир неча дақиқа баърашдан сўнг барча баҳслар тўхтатилди.

Шу кундан эътиборан «Англия жониворлари» йўқ бўлди. Унинг ўрнига шоир Мўлтонус бошқа қўшиқни тўқиди, қўшиқ шундай бошланар эди:

*Ҳайвонобод, Ҳайвонобод,
ҳамма бўлди фаровон, шод,
молхонада биз баҳтиёр,
баҳтни куйлар ҳар жонивор!*

Энди ҳар якшанба байроқ қўтарилигданда, шу қўшиқни ижро эта бошладилар. Аммо бу қўшиқнинг сўзлари ҳам, оҳанги ҳам жониворларга уларнинг аввалги қўшиғи «Англия жониворлари»ни эслатмас эди.

Бир неча кун ўтиб, даҳшатли қон тўкишдан юзага келган кўркув босилгач, ҳайвонлар ичидан кимдир эслади ёки эслайман, деб ўйлади. Ҳайвонизм таълимотининг олтинчи аркони шундай эди: «Ҳеч бир ҳайвон бошқа ҳайвонни ўлдириши мумкин эмас». Ҳеч ким кўппаклар олдида бу тамойилни тилга олишга жасорат тополмаса-да, ҳамма бу қотилликлар ҳайвонизм арконларига мос келмаслигини ҳис этарди. Кловер Бенжаминдан олтинчи арконни ўқиб беришни сўради, бироқ Бенжамин, одатдагидай, бу ишларга аралашмайман, деб бош тортганида, Кловер Мюриэлга мурожаат қилди. У арконни ўқиб берди. У шундай ўқиди: «Ҳеч бир ҳайвон бошқа бир ҳайвонни **сабабсиз** ўлдириши мумкин эмас». Нима юз берган бўлса ҳам, “сабабсиз” деган сўз арконни эслайдиган ҳайвонларнинг ёдида эмасди. Энди улар кўрдиларки, ҳайвонизм тамойили бузилмаган: аниқ бўлдики, энди Сноуболлга сотилган барча хоинларни йўқ қилиш мумкин.

Бу йил ўтган йилдагидан ҳам янада қаттиқ ишлашга тўғри келди. Деворлари икки марта қалинлашган тегирмонни тиклаш ва белгиланган муддатда ишга тушириш, айни пайтда молхонадаги доимий ишларини ҳам бажариш ўта машаққатли эди. Шундай пайтлар бўлардики, ҳайвонларга мустакилликдан олдинги, ўша золим Жонс давридагидан ҳам кўпроқ ишлаётгандай, лекин камроқ озуқа олаётгандай туюла бошларди.

Бироқ бир якшанба тонгига уларнинг қаршисида Қичқироқ пайдо бўлди. У туёқлари орасига узун қоғоз ўрамини қисиб олганди. Унинг ўқиб беришича, барча турдаги маҳсулотларни ишлаб чиқариш олдинги даврга қараганда 200, 300 ва ҳатто 500 фоизга ўсган. Ҳайвонларнинг унга ишонмасликка асослари йўқ эди, бунинг устига, улар инқилобдан олдинги даврдаги шарт-шароитларни элас-элас эслар эдилар. Бунинг устига, шуни қўшиб қўйиш керакки, юқорининг ваъдаларига қараганда, “яқинда ишлар янада камаяди, озиқ-овқат янада кўпаяди”.

Энди ҳайвонлар ҳамма буйруқларни Қичқироқ ёки бошқа чўчқа орқали эшишишарди. Наполеон икки ҳафтада бир

маргадан күп күринмасди. У халққа чиққанида энди уни нағақат одатда күппаклардан иборат қўриқчилари олиб юрарди, балки Наполеон ҳайвонларга мурожаат қилиши олдидан саф олдидаги қора ҳўroz борар, у тинимсиз “Қу-Қуқу-Қу” деб сиренадай қичқириб юборарди. Ҳатто молхона соҳиби қароргоҳида ҳам, айтишларича, Наполеон алоҳида бинони эгаллаган. У овқатни бир ўзи тановул қилас, икки күппак икки томонида қараб турар, Наполеон эса одатда меҳмонхонадаги шиша буфетда сақланадиган «Кроун Дерби» фирмасининг идиш-товоқларида овқат ерди. Тантанали хабар берилдики, энди, анъанавий байрамлардан ташқари, Наполеоннинг туғилган кунида ҳам тўппончадан ўқ отилиб, олқишлианди.

Энди унинг тўғрисида ҳеч ким шунчаки «Наполеон» деб гапира олмасди. Унга мурожаат қилганда расмий унвонини: «Бизнинг доҳиймиз ўртоқ Наполеон», деб айтиш шарт қилинди ва чўчқалар бу унвонга яна бошқаларини қўшишни талаб қилишди – «Ҳамма ҳайвонларнинг отаси, одамзоднинг шўриши, қўйларнинг ҳимоячиси, ўрдаклар ҳомийси» ва ҳоказо. Ўз нутқларида Қичқироқ, қўзларидан оқиб тушаётган қувонч ёшларини ҳам артмасдан, тинмай бидирлаб, ўртоқ Наполеоннинг донишмандлиги ҳакида, у барча жониворларга, айниқса, бошқа молхоналарда қулликда ва ҳўрликда яшаётган жониворларга чукур меҳру муҳаббати ҳакида сўзларди. Ҳайвонлар оғир меҳнатда эришган ва эришмаган ҳар бир ютуқ учун, ҳар бир мувафақият учун Наполеонга миннатдорчилик билдириш одатга айланди. Бир товуқ иккинчи товуққа шундай деганини эшитиш мумкин эди: «Доҳиймиз ўртоқ Наполеоннинг доно раҳбарлиги остида мен беш кунда олтита тухум туғдим» ёки иккита сигир сувлокда туриб, доҳийни шундай олқишлиарди: «Ўртоқ Наполеонга раҳмат, унинг раҳбарлиги остида сувлар шунаقا мазали бўлиб кетди!» Барчанинг қалбida жўш урган хис-туйғулар Мўлтонус яратган қўшиқда акс этди. Қўшиқ «Ўртоқ Наполеон» деб аталар ва қуйидагича жарангларди:

Барча ийүқсилларнинг отаси!

Бахт-иқбол манбаи!

*Ювинди балчиқлари ҳукмрони! О, менинг қалбим
нақадар ловуллар сенинг
сокин ва ҳокум күзларингга қарасам,
қарогинг кўкда қуёшдай,
ўртоқ Наполеон!*

*Сен ҳамма нарсани болаларга бериш
санъатини эгалладинг –
кунига икки бор тўқ қорин,
аганашга тоза пичан бор;
ҳар бир ҳайвон, катта ва кичик,
ўзининг катагида сокин ухлайди,
токум сен ҳамманинг устида уйгоқ,
ўртоқ Наполеон!*

*Мен эмизикли бўлсам ҳам,
ё каттакон ҳайвон бўлсам ҳам,
бўш шиша бўлсам ҳам ёки унинг қопқоги –
ҳаммамиз сенга содиқлик
ва фидокорликни ва дунёни қичқириқ билан
тўлдиришни ўрганамиз:
ўртоқ Наполеон!*

Наполеон кўшиқни маъқуллади ва уни катта-катта ҳарфлар билан омборнинг нариги деворига, ҳайвонизмнинг етти аркони қархисига ёзиб қўйишни буюрди. Унинг ёнига Наполеоннинг Қичқироқ оқ ранг билан ёнбошдан тасвирлаган суратини қўшиб қўйиши.

Айни пайтда Уимпер кўмагида Наполеон Фредерик ва Пилкингтон билан мураккаб савдо муносабатлари ўрнатишга киришди. Бир боғлам ёғочлар ҳали ҳам сотилмаган эди. Фредерик уни сотиб олишни истарди, аммо зарур маблағни ҳавола этолмасди. Айнан шу пайтда Фредерик ўз маслақдошлари билан Ҳайвонободга ҳамла қилмоқчи ва унинг аччиқ ҳасадини қўзғаган тегирмонни бузиб ташламоқчи, деган миш-мишлар тарқалди. Сноуболл Пинч菲尔дда яширинган, деган гўёки ҳақиқат бир гап ҳам пайдо бўлди. Ёзниг ўрта-

сида учта товуқ Наполеонга келиб, Сноуболл уларни Наполеонни ўлдириш учун бирлашишга ундағанлигини айтгани ҳақидаги гаплар тарқалиб, ҳайвонларни саросимага солди. Товуқлар дархол ўлдирилди. Наполеоннинг ҳаётини асраш учун янги чоралар күриш лозим бўлди. Тунлари у ётадиган сўрининг ҳар бир оёғи остида тўрттадан тансоқчи кўпак уйғоқ турарди, у овқат тановул қилишидан олдин Пинки исмли чўчқача ҳар бир овқатни еб кўриши керак эди. Бу гўё доҳийни заҳарлаб қўйишларининг олдини оларди.

Айни шу вақтда маълум бўлдики, Наполеон ёғочлар ўрамини мистер Пилкингтонга сотишга қарор қилган. Бундан ташқари, у Ҳайвонобод ва Фоксвуд ўртасида мунтазам маҳсулот алмашиш борасида шартнома тузган. Наполеон ва Пилкингтон ўртасидаги муносабатлар, мутлақо фақат Уимпер орқали амалга оширилса-да, деярли дўстона тус олди. Ҳайвонлар Пилкингтонга ишонмасдилар, чунки одамлар наслидан эди. Бироқ уни ўзлари ёмон кўрадиган ва нафратланадиган Фредерикдан афзал кўрдилар. Ёз охирлаб, тегирмон биноси битиб бораётганда, яқинлашаётган хоинона ҳамла ҳақидаги миш-мишлар кучайди. Айтилишича, Фредерик йигирмадан кам бўлмаган ўқотар қуролли одамларни ёллаган, полиция ва магистратни сотиб олган ва агар Ҳайвонободни босиб олса ва уни ўзининг мулки деб эълон қилса, бунга эътиroz қилмасликларига кўндирган. Бундан ташқари, Пинчфилддан Фредерик кўл остидаги жониворларга нисбатан кўллаётган даҳшатли ёвузликлар ҳақида ҳам хабарлар келарди. У кекса отни ўлиб қолгунича қамчинлаган, сигирларни очлиқдан ўлдирмоқда, итни эса печкага, олов ичига ташлаган, кечқурунлари эса оёқларига аввалдан устара пискаси боғланган хўроздарни уриштириб лаззатланади. Ҳайвонларнинг ўз биродарлари бўлган ҳайвонларга нисбатан қилинган бу ёвузликлар ҳақидаги хабарлардан қони қайнаб кетарди. Баъзида ҳайвонларни тўплаб, Пинчфилдга ҳамла қилиш ва у ердан ҳам одамларни ҳайдаш ҳамда жониворларни озод қилиш ҳақида гаплар ҳам айтиларди. Бироқ Қичқироқ уларга ўйланмаган қадамлардан тийилишни ва ўртоқ На-

полеоннинг доно стратегиясига батамом таянишни маслаҳат берарди.

Шунга қарамасдан, жониворлар орасидаги ғайри Фредерикона ҳис-туйғулар жўшиб бораарди. Якшанба тонгларидан бирида Наполеон омборда пайдо бўлди ва ҳеч қачон Фредерикка ёғоч сотиш борасида музокаралар ўтказмаганини эълон қилди. Унинг баёнотига кўра, бунақа абллаҳ билан муносабат қилишни ўз шаъни-шавкатига муносиб деб билмайди. Ҳали ҳам турли молхоналарга учиб бориб, ҳайвонлар исёни ҳақида хабар тарқатишда давом этаётган кабутарларга бу ишни Фоксвудда олиб бориш ман қилинди. Бундан ташқари, уларга аввалги «Инсониятга ўлим» шиорини «Фредерикка ўлим» шиорига алмаштириш буюрилди. Ёз охирида Сноуболлнинг яна бир қабиҳлиги ошкор бўлди. Далаларни ёввойи ўтлар босди. Аниқланишича, бу Сноуболлнинг иши – ўзининг тунги ҳамлаларидан бирида у экиладиган уруғларни ёввойи ўтлар уруғлари билан аралаштириб кетган. Фитнада айланган эркак ғоз Қичқироқ чўчқанинг олдидаги ўз айбига иқрор бўлди ва заҳарли итузум меваларини еб, ўз жонига қасд қилди. Энди ҳайвонлар мутлақо ишондилар, Сноуболл, гарчанд аксарият ҳайвонлар бугунгача бу гапга ишонсалар-да, ҳеч қачон «Ҳайвон – иккинчи тоифа қаҳрамон» унвонини олмаган. Бу сигирхона олдидаги жангдан сўнг Сноуболлнинг ўзи тарқатган бир афсона эди. У нафақат мукофотланмаган, балки жанг пайтидаги қўрқоклиги учун оммавий нафратга дучор қилинган. Гоҳида қайсиdir бирор ҳайвон бу гапга шубҳа килар, бироқ Қичқироқ ундайларни тезда хотиралари сустлашганига ишонтиарди.

Заҳматли меҳнат билан ёдда қоладиган – бир вақтнинг ўзида ҳам қурилиш, ҳам ҳосил йиғим-терими олиб борилган кузга келиб, тегирмон, ниҳоят, қуриб битказилди. Яна тегирмонга аслаҳа ва ускуналарни сотиб олиш лозим эди ва Уимпер бу борада музокаралар олиб бораарди, бинонинг ўзи эса битган эди. Барча қийинчиликларга, тажрибанинг етиш-маслигига, Сноуболлнинг хоинлигига, барча хатоларга қарамасдан, тегирмон аниқ белгиланган кунда қуриб, битказилганди! Магрурликдан жўшиб, жониворлар ўзлари тиклаган

бинолари атрофида сайр қилар, тегирмон уларнинг кўзларига қурилиш бошлангандагидан ҳам гўзал кўринарди. Бунинг устига, деворлар аввалгидагидан икки бора қалин эди. Энди уларни портловчи моддадан бошқа ҳеч нарса қулата олмасди! Бу ишга қанча куч сарфлаганликларини, қандай қийинчиликларни енгиб ўтганликларини ва у ишга тушгач, ҳаётлари қандай ўзгаришини, тегирмон парраклари – қанотлари айлануб, симлардан электр оқа бошлашини ўйлаганларида – буларни кўз олдига келтирганларида, уларни чарчоқ тарк этар ва улар тегирфида атрофида қичқириб, баъраб-маъраб айланар эдилар. Итлар ва хўроз қуршовида Наполеоннинг ўзи ишни кўргани келди. У ҳайвонларни эришилган ютуқ билан табриклиди ва бу бино энди Наполеон номидаги тегирмон деб аталишини тантанали эълон қилди.

Икки кун ўтгандан кейин ҳайвонлар махсус мажлис ўтказиш учун омборга таклиф этилди. Наполеон ёғочларни Фредерикка сотганлигини эълон қилганида улар ҳайратдан донг қотиб қолдилар. Эртага Фредерик жўнатган юк машинаси келади ва ёғочларни олиб кетади. Бу шуни англатадики, Наполеон гўёки Пилкингтон билан дўстона муносабатларни юритган бутун вакт мобайнида у Фредерик билан яширин битим тузиб юрган.

Фоксвуд билан барча алоқалар узилди, Пилкингтонга ҳақоратли мактуб юборилди. Кабутарларга Пинч菲尔дни четлаб ўтиш ва ўзларининг «Фредерикка ўлим» шиорлари ни «Пилкингтонга ўлим» шиорига алмаштириш буюрилди. Кейин Наполеон ҳайвонларни Ҳайвонободга ҳамла уюштирилаётгани ҳақидаги барча миш-мишлар ҳеч қандай асосга эга эмаслигига ҳамда Фредерик ҳайвонларга шафқатсиз муносабатда бўлиши борасидаги гаплар жуда бўрттирилганлигига ишонтириди. Бу миш-мишлар Сноуболл ва унинг жосуслари томонидан тарқатилган бўлиши керак. Бундан ташқари, аён бўлишича, Сноуболл нафақат ҳеч қачон Пинч菲尔дда яширинмаган, балким у ҳеч қачон ҳаётда бу ерда бўлмаган. У, айтишларича, ўта ҳашаматли шароитда – Фоксвудда яшаган ва яшамоқда, ҳамда узок йиллар мобайнида Пилкингтондан совгалар олиб турган.

Наполеоннинг маккорлиги ҳайвонларнинг завқ-шавқларга ошно қилди. Пилкингтон билан дўстликни кўз-кўз қилиб, у Фредерикни ёғочлар нархини ўн икки фунтга кўтаришга мажбур қилган. Наполеоннинг чуқур донишмандлиги шундан иборатки, деди Қичкироқ, аслида у ҳеч кимга, ҳатто Фредерикка ҳам ишонмайди. Фредерик ёғочлар учун қанақадир чек деб аталадиган қоғозча билан ҳақ тўламоқчи бўлган, кейин гўёки уни пулга алмаштириш мумкин экан. Бироқ Наполеонни алдаб бўлмайди. У ҳаққоний беш фунтли пул қоғозларини талаб қилган, Фредерик ёғочларни олиб кетишни ҳал этгани олдидан улар Наполеонга шахсан топширилган. Фредерик аллақачон ҳақ тўлади ва энди тегирмон учун ускуналар сотиб олишга пул етарлидир.

Ёғочлар шамол тезлигига олиб кетилди. Ёғочлар ортиб юборилганидан сўнг, омборда умумий йиғилиш чақирилди, Фредерикдан олинган пуллар ҳаммага намойиш қилиниши керак эди. Ўзининг барча мукофотлари, орден ва медаллари билан безанган Наполеон, фароғатли жилмайиб, пичандан ясалган тахтида ўтиради. Унинг ёнида ошхонадан олинган хитой чойиннинг қутисига пуллар чиройли терилган эди. Жониворлар турнақатор бўлиб, ҳар бири бойликка бирин-кетин термилганча ўтди. Боксёр қутига бурнини тутди, нозик қоғоз пуллар титраб тетди ва унинг нафасидан тебраниб қўйди.

Бироқ уч кундан кейин молхонада даҳшатли қий-чув кўтарилди. Мотоциклга минганса ранги оқарган Уимпер кириб келди, уловини ҳовлига ташлаганча, шошиб қароргоҳга кирди. Кейинги дақиқада Наполеоннинг хонасида ваҳшатли чинқириш эшитилди. Янгилик молхонага ёнғин сингари тез тарқалди. Пуллар сохта экан! Фредерик ёғочлар учун бир шиллинг ҳам тўламаган!

Наполеон дарҳол барча ҳайвонларни чакирди ва маҳобатли овозда Фредерикка ўлим ҳукмини эълон қилди. Уни кўлга олганимиздан кейин, деди у, Фредерик тириклайн қозонда қайнатилади. Кейин у огохлантирди, бундай хоинликдан сўнг ҳамма нарсани кутиш мумкин. Фредерик ва унинг ёлланма шериклари исталган дақиқада молхонага ҳужум қилишлари мумкин, улар ҳамлага аллақачонлардан бери тайёр-

ланиб келишган. Соқчилар ўз жойларида хүшёр туришлари шарт. Фоксвудга түрттә почтачи кабутарлар дўстлик номаси билан юборилди. Номада Пилкингтон билан эзгу муносабатларни тиклашга умид билдирилди.

Кейинги кун эрталаб ҳужум бошланди. Ҳайвонлар эрталабки овқатни чайнаб, ютаётганды, хабарчи Фредерик аллақачон қўшинларини бошлаб, дарвозалардан ўтганини айтди. Ҳайвонлар жасорат билан уларни қарши олишиди, аммо бу галаба сигирхона олдидаги жангда бўлганидай осон келмади. Уларни камида ярмиси тўппонча ушлаган ўн бештacha одам қарши олди, улар ўн беш метрданоқ ўт очдилар. Ҳайвонлар даҳшатли гумбурлаш ва жонни чақадиган ўқларга чидай олмадилар; Наполеон ва Боксёргинг илҳомлантирувчи ҳаракатларига қарамасдан, улар қоча бошлашди. Ҳайвонларнинг бир қисми яраланганди. Оғилхонага кириб олгач, улар деворлардаги ёғочларнинг тушиб қолган кўзидан саросимада қарай бошладилар. Барча яйловлар ва тегирмон душманлар кўлида эди. Шу дақиқаларда ҳатто ўртоқ Наполеон ҳам ўзини йўқотгандай саросимага тушди. У бир сўз демай, у ён-бу ёнга юрар, узаниб турган думи ликиллаб турарди. Ҳамма нигоҳлар Фоксвуд томонга боқарди. Агар Пилкингтон ёрдамга келишга қарор қилса, ҳали мағлубият яна ғалабага айланиши мумкин эди. Шу он кеча юборилган түрттә кабутар қайтиб келди; уларнинг бири Пилкингтондан хат келтирганди. Унда қуйидаги сўзлар қиртишлаб ёзилган эди: “Сизларга бу ҳам кам!”

Айни пайтда Фредерик ва унинг одамлари тегирмон олдида тўхтадилар. Ҳайвонлар уларни кузатиб туришар, хавотирларини яшира олмасдилар. Иккита эркак, қўлларида мисранг ва босқонни тутганча, тегирмон деворларини вайрон қила бошлашди.

– Бефойда! – Бақирди Наполеон. – Биз шунақа йўғон девор тиклаганмизки, улар зарбага бардош беради. Улар бир ҳафтада ҳам уни бузиша олмайди. Руҳларингни чўктирамнглар, ўртоқлар!

Аммо Бенжамин кўзини узмасдан, тегирмон атрофида бўлаётган ишларни кузатарди. Ўша иккита одам мисранг ва

босқон билан бинонинг асосида тешик ўйиши. Бенжамин узун тумшуғини секин ва ҳайрона тарзда силкитди.

– Мен ўзи шундай бўлади, деб ўйлагандим, – деди у. – Сиз улар нима қилаётганини кўрмаяпсизми? Энди улар бу тешикка милтиқдори тўкишади.

Даҳшатга тушган жониворлар кутиш асносида котиб колдилар. Яширган ерларидан чиқишлари ўта хавфли эди. Кейин ваҳимали гумбур-гумбур эштилди. Кабутарлар ҳавога кўтарилиши. Наполеондан бошқа барча жониворлар ерга чалқанча ётиб олишди. Улар ўринларидан турганларида, аввал тегирмон турган ерда улкан қора тутун ўраларди. Шамол тутунни секин олиб кетди. Тегирмон ғойиб бўлди!

Бу даҳшатли манзара ҳайвонлардаги жасоратни уйғотиб юборди. Бу қадар паст ҳаракатларни ўз кўзлари билан кўрган ҳайвонларда пайдо бўлган дарғазабликнинг кучидан улар бир дақиқа олдин ҳис этган кўрқув ва чорасизлик тарқалиб кетди. Оммавий қасос қичқириғи самони титратди ва пусиб ўтирган Наполеоннинг бўйруғини кутмасдан, ҳамма душман устига ёпирилди. Улар қайноқ ўқлар олдида бош эгмадилар, ўқлар мих каби уларнинг баданига шувиллаб кирди. Бу жуда ашаддий ва бешафқат жанг бўлди. Одамлар тинмай ўқ отар, ҳайвонлар яқин келганда эса, найзалар ва этикларнинг оғир қўндокларини ишга солардилар. Сигирлар, учта ғоз ва иккита қўчкор ботирлар каби ҳалок бўлдилар, қолган барча яраланди. Ҳатто жангни орқадан туриб кузатиб турган Наполеоннинг думини учини ҳам бир дайди ўқ яралади. Бироқ хужум қилганлар жиддий талофот кўрдилар. Уларнинг учтасининг бошларини Боксёр туёқлари билан ёрди; бошқа бирининг қорнига ҳайвоннинг шохи қадалди; кимнингдир иштонларини Жесси ва Блюбелл тишлиари билан йиртиб ташладилар. Наполеоннинг шахсий қўриқчилари бўлган, қонни яхши кўрадиган тўққизта ит девор буталари ортидан ўтиб, даҳшатли вовуллаш билан душман ортидан хужум қилганларида, одамларни ваҳима босди. Улар қуршовда қолишлари мумкинлигини билдилар. Фредерик уларга кеч бўлмасидан қочиш кераклигини айтиб бақирди, кейинги лаҳзаларда қўрқоқ одамлар, ширин жонларини қутқариш

учун, шармандаларча қоча бошлаши. Ҳайвонлар уларни далининг четигача қувиб боришди, девор тешигидан чиқишига уринаётганларни думбаларига бир неча тепки уришга улгуринди.

Улар ғалаба қилинди, лекин бу жуда қимматга тушганди! Ҳамманинг тинкаси қуриган ва бадани қонга ботганди. Улар аста-секин судралиб молхонага қайтдилар. Ўтларнинг устида ўлиб ётган дўстларининг ўликларини кўриб кўп жониворлар кўз ёшларини тия олмадилар. Кейин улар яқиндагина тегирмон қад ростлаб турган вайронга олдида қайгули сукут сақладилар. Ҳа, у тамом вайрон бўлганди; уларнинг чеккан заҳматлари мевасидан асар ҳам қолмаганди! Ҳатто бино асосининг ҳам бир қисми бузилган эди. Энди тегирмонни тиклаш учун улар йиқилган тошлардан ҳам фойдалана олмасдилар. Тошлар йўқ эди. Тошлар портлаш оқибатига майдаланиб кетган ва юзлаб метрларга сочилганди. Тегирмон гўё ҳеч қачон бўлмаган эди.

Улар молхонага қайтганларида, уларнинг қаршисидан жанг пайти қаёқладир ғойиб бўлиб қолган мафкурачи чўчқа Қичқироқ пайдо бўлди, унинг юзи чараклар ва ўзи шодумон эди. Ҳайвонлар молхонанинг асосий биноси томонидан келаётган тантанали тўппонча ўқи овозини эшилдилар.

– Нега тўппончадан ўқ отилди? – сўради Боксёр.

– Ғалабамиз шарафига! – хўр-хўрлади Қичқироқ.

– Қанақа ғалаба? – деди Боксёр. Унинг байталлари қонга ботган, у тақасини йўқотган ва туёқлари мажакланган эди. Камида ўн иккитадан қўпроқ ўқлар орка оёгининг сонларига ботганди.

– Қанақа ғалаба, дейсизми, ўртоқлар! Биз ўз мафкурамизнинг, Ҳайвоnobodning муқаддас ғояси душманларини кувмадикми?

– Ахир улар бизнинг тегирмонимизни вайрон қилдилар! Биз уни икки йилда қургандик!

– Нима қилибди? Биз янги тегирмон қурамиз. Биз ўнлаб тегирмонлар қурамиз, агар лозим бўлса. Сизлар, ўртоқлар биз зришган ғалабанинг буюклигини англай олмаяпсизлар. Душман деярли еримизнинг ҳаммасини босиб олаёзди. Энди

эса – ўртоқ Наполеоннинг доно раҳбарлиги остида биз ҳар бир қарич еримизни қайтариб олдик!

– Биз аввалдан ўзимизники бўлган еримизни қайтариб олдик, – деди Боксёр.

– Лекин биз ғалаба қилдик, – деди жангда кўринмаган Қичқироқ, яна бир марта жангда хандақдан бирор марта чикмаган Наполеонни яна бир бор улуғлаб.

Улар ҳовли томонга судралдилар. Боксёрнинг териси остига кирган ўқлар танини аччиқ оғритарди. У кўриб турардики, яна тегирмонни, асосидан бошлаб тиклаш учун оғир ишлар уни кутиб турибди. У бу ишни қандай қилишни мўлжаллай бошлади. Бироқ у илк бора ўйлаб қолди: у ўн бир ёшга кирди ва унинг илгари бақувват бўлган мушаклари энди аввалгидай эмас.

Аммо ҳайвонлар шамолда тебранаётган яшил дастурхондан қилинган байроқларини кўрганларида ва тўппончадан отилган зарбларни эшитганда – у етти марта отди – ва уларга миннатдорчилик билдириб, Наполеон сўзлаган нутқни тинглагач, ниҳоят, буюк ғалабага эришилганига ишондилар. Жангда ҳалок бўлган жониворларга тантанали дағнি маросими уюштирилди. Боксёр ва Кловер ҳалок бўлганларни танлари ортилган аравани судраб боришарди ва дағнি маросими олдида Наполеон шахсан сафни бошқаарди. Байрам қилишга икки кун тўла ажратилди. Қўшиқлар, нутқлар, тўппончадан отишлар бўлди ва омон қолган ҳар бир ҳайвонга мукофот – биттадан олма берилди. Бундан ташқари, кушлар икки унция дон олдилар, итлар – учтадан бисквитга эга бўлдилар. Эълон қилиндики, бу жанг тегирмон олдидаги жанг деб аталади ва Наполеон ўз буйруғи билан ўзини янги унвон – яшил байроқ белгиси билан тақдирлади. Бу тантаналар соясида соxта пуллар билан бўлган қайғули сахна ҳамманинг ёдидан кўтарилди.

Бир неча кун ўтгандан сўнг, ертўлада сақланаётган виски ҳодисаси юз берди. Ичкиликни ҳайвонлар ўша молхонани эгаллаб олган пайтларида топган эдилар. Биз айтмоқчи бўлаётган ўша тунда молхона томондан баланд овозда куйланган қўшиқ эшитилди ва унда жониворлар «Англия жониворла-

ри»нинг оҳангини туйдилар. Тахминан, саккиз яримларда Наполеон мистер Жонс крикет ўйнаганды киядиган шляпани бошига қўндириб, орқа эшиқдан шошилиб ҳовлига чиқди, хуриллаб ҳовлида чопди ва яна эшикка ўзини урди. Эрталаб молхона устида оғир сукунат ҳукмронлик қиласарди. Чўчқалар қароргоҳдан чикишмади. Соат тўққизларда Қичқироқ пайдо бўлди. У сокин ва пажмурда ҳолда судралиб юрар, тунги вискихўрлиқдан кўзлари шишиб кетган, думи шалвираб қолганди. Унинг тоби қочганди. Қичқироқ ҳаммани чақириди ва қайгули хабарни айтди: Ўртоқ Наполеон ўлмоқда!

Молхона узра ҳайвонларнинг аламли йиғиси эшитилди. Эшик олдига сомон тўшалди. Ҳамма туёқ учидаги юрарди. Ҳайвонлар кўзларида ёш билан, доҳиймиз бизни тарк этса, қандоқ яшаймиз, деб бўзлашарди. Гап виски ичимлигига эмас, ҳамма эҳтиёткорликларга қарамасдан, Сноуболл ўртоқ Наполеоннинг овқатига заҳар солиб қўйишга эришган кўринади, деган миш-мишлар тарқатилди. Соат ўн бирда Қичқироқ яна бир хабар билан чиқди. Бизни тарк этар экан, ўртоқ Наполеон ўзининг сўнгги фармойиши билан эълон қилишни буюрди: бундан кейин алкоголли ичимликларни истеъмол қилиш ўлим билан жазоланади.

Бироқ, шунга қарамасдан, кечга яқин Наполеоннинг соғлиғи бироз яхшиланди, кейинги тонгда Қичқироқ, имкон топиб, ўртоқ Наполеон соғайиш йўлида эканлигини хабар қилди. Ўша куни кечкурун у шароб тайёрлашга оид китобларни келтиришни буюрган. Бир хафта ўтгач эса, у ҳовлидаги нафақага чиқадиганлар учун ажратилади деган яйловнинг бир қисмини шудғорлашни буюрди. Хабар қилиндики, яйлов ишдан чиқкан ва уни алмашлаб экиш тузатади. Бироқ тез орада маълум бўлишича, Наполеон бу ерга ичкилик учун хом ашё бўладиган арпа экишни буюрган.

Тахминан, шу вақтларда бир ғалати воқеа юз берди. Уни молхона аҳлининг кўпчилиги тушунга олмади. Бир куни кечаси, соат ўн бирлар атрофида, ҳовлида кучли гумбурлаш эшитилди ва ҳамма жониворлар катак ва оғилларидан ташқарига чиқишиди. Ойдин тун эди. Катта омборнинг ҳайвонизмнинг етти аркони ёзилган девори остида синиб кетган

нарвон турарди. Унинг ёнида қулоғи батанг Қичқироқ кайфи ошган ҳолда талмовсираб ўтиради. Унинг яқинида ағанаган фонус, бўёқ чўткаси ва оқ бўёқли тўнкарилган челак бор эди. Уни дарҳол кўпраклар ўраб олишди ва у ўзига келгач, оёқда туриб олган заҳоти, сархушигини бирор билмасин дея, молхона биносигача кузатиб боришди. Ҳеч ким, албатта, бошини пурмаъно силкитаётган ва ҳаммаси тушунарли, дегандай бокиб турган кекса Бенжаминдан бошқа ҳеч ким бунинг нимани англатишини тушунмади, бирор сўз ҳам демади.

Аммо бир неча кун ўтгач, Мюриэл, ўзи учун етти арконни қайта ўқир экан, бир нарсани сезиб қолди, бир тамойилни ҳайвонлар нотўғри ўрганишган экан. Улар ўйлардиларки, бешинчи аркон шундай жаранглайди: «Ҳайвонлар алкоголли ичимликларни ичмайдилар». Бироқ бу ердаги икки сўзни “керагидан ортиқча” сўзларини назардан қочирганлар: «Ҳайвонлар алкоголли ичимликларни **керагидан ортиқ ичмайдилар**».

IX БОБ

Боксёрнинг яраланган туёғи жуда секин тузалаётганди. Галабадан сўнг ҳамма дарҳол тегирмонни тиклашга киришиди. Боксёр бир кунни ҳам йўқотишни истамади ва унинг қандай оғриётганини ҳеч кимга билдирмасликни номус иши деб билди. Кечқурун у Кловерга ҳеч кимга айтмаслик шарти билан туёғи уни қаттиқ безовта қилаётганини айтди. Кловер унинг туёғига чайналган доривор ўтлардан дори қўйди ва улар Бенжамин билан бирга Боксёрни ўзини ишда қийнамасликка даъват қилдилар. «Сенинг ўпканг темирдан эмас», – дедилар унга. Бироқ Боксёр уларни эшитишни истамади. Менинг факат битта мақсадим қолди, – деди у – То мангу дам олишга кетишдан олдин тегирмонни битган ҳолда кўрмоқ.

Энг аввалида, Ҳайвонободнинг қонунлари энди шакланаётганда, нафақага чиқиши ёши отлар ва чўчқалар учун ўн икки йил, сигирлар учун ўн тўрт йил, итлар учун тўқиз йил, қўйлар учун етти йил, товуқлар ва ғозлар учун беш йил қилиб белгиланган эди. Нафақа миқдори кейинчалик белгиланиши керак эди. Гарчанд ҳали ҳеч бир ҳайвон нафақага талабгор бўлмаган бўлса-да, бу борада тез-тез гап айланажётганди. Боғ ёнидаги кичик яйловга энди арпа экилганидан сўнг, катта яйловнинг бир бурчагидан жой ажратилиб, молхонанинг нафақага чиқадиган жониворлари шу ерда дам оладилар, деган гап юра бошлади. Айтишларича, отлар учун нафақа кунига беш фут дон бўлади, қишида эса ўн беш фут пичан ва яна битта сабзи ёки, эҳтимол, байрам кунларида олма берилса керак. Боксёр келгуси йилда, ёз охирида ўн икки ёшга тўлади.

Дарвоқе, ҳаёт оғирлашаётганди. Қиши худди аввалги йилдагидай жуда қаттиқ совуқ эди, овқат эса кундан-кунга камайиб бораради. Озуқа тарқатиш меъёри чўчқалар ва кўп-паклардан бошқа барча учун яна қисқартирилди. Ҳаммага тенг бўлиш, тушунтириди Қичқироқ, ҳайвонизм тамойилларига мос келмайди. Ҳар ҳолда, у осонгина бошқаларга буни тушунтириди, гарчанд ҳайвонларга бошқача туюлса-да, **аслида** ҳаммага овқат етарлидир. Вақт-вақти билан, албаттат,

озуқа меъёрларини мослаштириб туриш (Қичқироқ ҳамиша «мослаштириш» ҳақида гапирад, озиқ-овқат камайишини “қисқартириш” демасди) зарурияти пайдо бўлади. Бироқ Жонс замонидагига қиёслаганда, озуқа ҳаддан зиёд кўп. Турли маълумотномаларни ўқиб берар экан, Қичқироқ титраган овози билан исботлаб берардики, энди уларда, Жонс замонасиникига қараганда, дон ҳам кўп, пичан ҳам кўп, лавлаги ҳам кўп, улар кам ишламоқдалар, узоқ яшамоқдалар, ичимлик сувининг сифати ошган, болалар ўлими кескин камайган ва энди катакларда пичан аввалгидан кўра кўп ва уларни пашша ва сўналар олдинги даражада безовта қилмаяпти. Ҳайвонлар унинг ҳар бир сўзига ишонардилар. Очиғини айтганда, Жонс ҳам, унга боғлиқ тафсилотлар ҳам жониворларнинг хотирасидан деярли ўчиб кетаётганди. Улар билардиларки, оғир ҳаёт кечирмоқдалар, тез-тез очлик ва совуқ исканжасида қолмоқдалар, уйқудан бошқа қолган барча вактларда меҳнат қилмоқдалар. Бироқ, ҳеч бир шубҳасиз, аввал бундан ҳам ёмон эди. Улар бунга шаксиз ишонар эдилар. Бунинг устига, улар аввал қуллар эдилар, энди эса озод ва мустақилдирлар, масаланинг моҳияти айнан шундайлигини маънавиятчи чўчқа Қичқироқ тинмай таъкидларди.

Боқиши лозим бўлган янги оғизлар пайдо бўлди. Кузда деярли бир вактда тўртга она чўчқани тўлғоқ тутди, улар ўттиз битта чўчқачани дунёга келтирдилар. Бу навқирон авлоднинг ҳаммасининг териси чавкар, ола-була эди, молхонада фақат битта эркак чўчқа, яъни Наполеон борлигини хисобга олганда, барчасининг отаси кимлиги маълум эди. Эълон қилиндики, кейинроқ, ғишт ва қурилиш ёғочи олинганидан сўнг, боғда Наполеоннинг ворислари – ёш чўчқачалар учун мактаб қурилиши бошланади. Ҳозирча улар ошхонанинг ўзида бевосита Наполеоннинг ўзидан топшириқ олишарди. Улар боғда шуғулланишар, бошқа ёшлар билан аралаш юрмасдилар. Вақт ўтиши билан шундай қоида ўрнатилди: агар йўлакда чўчқалар учраб қолса, бошқа ҳайвонлар чўчқаларга йўл бўшатиши керак. Бундан ташқари, барча чўчқалар, ёшидан қатъи назар, якшанба кунлари думларини яшил тасмачалар билан безатиш имтиёзига эга бўлдилар.

Йил омадли келди, аммо молхонада барибир пул етарли бўлмасди. Мактаб қурилиши учун гишт, шағал ва оҳак сотиб олинди, лекин ҳали тегирмон учун ускуналарга маблағ иқтисод қилиниши керак эди. Кейин уйни ёритиш учун керосин ва шамлар, Наполеоннинг шахсий столи учун шакар (у бошқа чўчқаларга ҳам шакарни бермасди, улар семириб кетиб, ишга ярамай қоладилар, дерди), яна қолган барча нарсалар, масалан, асбоб-ускуналар, михлар, ипу арқонлар, тошкўмир, симлар, том қопланадиган тунукалар ва итларга бисквитлар сотиб олиниши лозим. Бир неча ўрам пичан ва етиштирилган картошканинг бир қисми четга сотилди – экспорт қилинди, тухум етказиб бериш шартномасида тухумлар сони олти юзтага етказилди, товуқларнинг атрофимиизда жўжачалар чуғурлаб юради, деган орзулари бехуда кетди. Декабрь қисқартиришларидан сўнг, февралда ҳам озука меъёри яна қисқартирилди, керосинни тежаш мақсадида катакларни ёритиш бекор қилинди. Бироқ, кўриниб турардики, чўчқаларга бу қисқартиришлар тегишли эмасди, нима бўлса ҳам, улар семириб борардилар. Февралнинг бир куни, тушлиқдан сўнг, ошхона ортидаги Жонс самогон ускунасини сақладиган кичкина хонадан иссиқ ва тўйимли бир ҳид чиқиб, ҳовлига таралди. Кимdir бу қовурилган арпа ҳиди эканини айтди. Ҳайвонлар бу ҳидни ютоқиб ҳидлар, арпа уларнинг овқатига кўшиб бериш учун қовуриляпти, деб тахмин қиласидилар ва севинардилар. Аммо иссиқ озуқага улар ҳеч қачон етиша олмадилар, кейинги якшанбада эса ҳамма арпа фақат ва мутлақо чўчқаларга мўлжаллангани борасида фармон эълон қилинди. Бог ортидаги яйловга аллақачон арпа экилган эди. Кейин яна бир янгилик чиқди: энди ҳар бир чўчқа ҳар куни бир пункт пиво олади. Шахсан Наполеонга эса ярим галлон пиво, одатдагидай, «Кроун Дерби» сервизидаги шўрва соладиган чинни идишда берилади.

Оддий жонивор ҳалқقا бу ичклиликдан ҳеч нарса тегмади, аммо бу алоҳида мушкулотлар уларни буқолмасди, улар мустақилликка чиққан, энди кимнингдир олдида бўйинларини қисиб юрмайдилар, бу уларга сезиларли миқдорда таскин берар эди. Улар қўшиқ айтиш, гапириш ва намо-

йишиларга чиқиши ҳуқуқига эга әдилар. Наполеон фармойиш берди, энди ҳафтада бир марта эркин митинглар ўтказилиши ва уларда Ҳайвонобод эришган ютуклар ва ғалабалар мадҳ этилиши керак. Белгиланган пайтда ҳайвонлар ишни түхтатишлари ва ҳовлида түпланиб, пода-пода бўлиб, саф тортишлари керак эди: аввал чўчқалар, кейин отлар, сўнг сигирлар, қўйлар ва уй паррандалари. Итлар намойишни ўнг ва сўлдан кузатиб борар, олдинда Наполеоннинг қора хўрози қичқириб борарди. Боксёр ва Кловер, одатдагидай, шоҳ ва туёқ билан безалган, ҳамда “Яшасин ўртоқ Наполеон” деб ёзилган яшил байроқни кўтариб боришарди. Кейин Наполеон шарафига битилган шеърлар ўқиларди, Қичқироқ, одатдагидай, аввалги золимлар замонидаги қийинчиликлар ҳақида нутқ ўқирди. Кейин тўппончадан ўқ отилади. Кўнгилли намойишларга ҳаммадан ҳам аввал қўйлар шошилишарди, агар кимдир намойишда бекорга вақт кетказиб, совукда қотаётгандарини айтиб, шикоят қилса (ҳа, агар яқин атрофда чўчқалар ва итлар бўлмаса, кимдир оғзи ботирлик қилиши мумкин эди), қўйлар унинг овозини баланд овозда баъраб ўчирадилар: «Тўрт оёқ – аъло, икки оёқ – расво!» Бироқ аксарият ҳайвонларга бу байрамлар ёқарди. Улар ўйлардиларки, бу саф-саф юриб байрам қилишлар, нима бўлганда ҳам, уларнинг тепаларида одамлар йўклиги ва улар ўз фаровонликлари учун меҳнат қилаётгандарини эслатиб туради. Шунинг учун, қўшиқлар айтилаётганда, намойиш бораётганда, Қичқироқ ютуклар рўйхатини ўқир, салют берилар, байроқлар ҳилпирав ва хўroz қичқирарди, ҳалқ қорнининг очлигини бироз унтарди.

Апрелда Ҳайвонобод Республика деб эълон қилинди, энди унинг Президенти сайланди. Бу лавозимга фақат битта номзод – Наполеон даъвогар эди, у бир овоздан сайланди. Айни шу сайлов кунларида, Наполеоннинг ғалабасини таъминлаш учун, мухолифатчи Сноуболл ва золим Жонснинг алоқалари тафсилотларини ойдинлаштирувчи янгі ҳужжатлар топилгани эълон қилинди. Махфийлаштирилган ва аслини ҳеч ким кўрмаган бу ҳужжатлардан аниқланишича, Сноуболл, нафақат, аввал биз ўйлаганимиздек, сигирхона ол-

дидаги жангда стратегия ниқоби остида муваффақиятсизлик-ка учрашимизга бошлаган, балки очиқдан-очиқ Жонс томонда жанг қылган. Аслида одамларни жангга айнан у бошлаган, жангга «Яшасин инсоният!» чақириғи остида чиққан. Сноуболлнинг елкасидаги ҳали ҳам кимdir гира-шира эслайдиган яра аслида Наполеоннинг тишлари изидир.

Ёз ўртасида түсатдан бир неча йилга йўқ бўлиб қолган кўлбола қарға Мозус пайдо бўлди. У ҳеч ҳам ўзгармаган, аввалгидай ишдан қочар ва Муз тоғи ҳақидағи афсоналарни айтишни давом эттиради. Ходанинг тепасига чиқиб олиб, у тинглашни истаган ҳар бир жониворга соатлаб ривоятлар айтиб берарди. «У ерда – самовотда, ўртоқлар, – ўзининг улкан тумшуғини осмонга кўтариб, тантана билан эълон қиласади у, – бош устимизда осилиб турган қора булутлардан ҳам нарида Муз тоғи юксалиб турибди, ўша баҳтли ўлкада, жаннатда биз жониворлар барча чеккан заҳматларимиздан кутулагиз ва роҳат қиласади!» У ҳатто самога кўтарилганини, ўша ерни шахсан кўрганини, у ерда чексиз йўнғичка ва буталар ҳамиша яшил ва мурғак ҳолда ўсиб ётган далалар борлигини, буталарда ширинкулчалар ва қанд бўллаклари ўсиб ётишини айтиради. Унга кўплар ишонарди. Ишонгандар шундай ҳисоблардилар, бизнинг ҳаётимиз тинкақуритар заҳматда ва доимий очликда, қашшоқликда ўтади, демак, адолат бўлиши керак ва шунинг учун қайдадир бизга ҳам аталган адолатли ва фаровон дунё ҳам бўлса керак. Тушунтириш қийин бўлган ҳодиса ҳайвонларнинг Мозусга бўлган муносабати эди. Ҳамма унинг Муз тоғи ҳақидағи ривоятлари – ёлғон ва асоссиз эканини яқдилиқ билан айтишар, аммо шунга қарамасдан, Мозусга молхонага ташриф буюришга рухсат беришар ва ҳатто кунига чорак пинт пиво ичишга ҳам имтиёзи бор эди.

Туёғидаги яраси яхши бўлганидан сўнг, Боксёр янада катта бир сурур билан ишга киришди. Рости гап, энди ҳаммалари худди қуллардек энг сўнгги кучлари билан меҳнат қиласадилар. Одатдаги молхона ишлари ва тегирмон қурилишидан ташқари, март ойида мактаб қурилиши ҳам бошланди. Гоҳида заҳматли оғир меҳнат ва арзимас озуқага чидаб

бўлмай қоларди, лекин Боксёр ҳеч қаҷон руҳан чўймасди. У на бир сўз билан, на бир ҳаракат билан кучлари тугаётганини кўрсатмасди. Фақат унинг ташки кўриниши бироз ўзгарган эди: жунлари аввалгидай ялтирамас, бўртиб турадиган мускуллари бироз сўлқиллаб, бўшашган эди. Кимдир айтдики, биринчи ўт-ўланларгача етиб олса, Боксёр яна кучга тўлади, жонланади. Баҳор келди, аммо Боксёр аввалги ҳоли-ча қолган эди. Гоҳида у тошкесарга олиб борадиган қияликда барча мушакларини таранг қилиб, улкан ҳарсангтошнинг вазнини ушлаб қолишга уринар экан, уни фақатгина улкан ирода кучи оёқда тутиб тургандай туюларди. Ва айнан шу дақиқаларда унинг лаблари пирпираб, шу сўзларни айтишга жуфтланарди: «Мен янада кўпроқ ишлайман». Бироқ сўзларни талаффуз қилишга кучи етмасди. Бенжамин ва Кловер уни кўп марта огоҳлантиридилар, ўз соғлифингни ўйлашинг керак, дедилар, бироқ Боксёр бу сўзларга эътибор бермади. У ўн икки ёшга ҳам кирди. Бироқ у токи тегирмон қурилишига етарли тошни тўпламагунича, нафақага кетмаслигини айтди.

Ёз оқшомларининг бирида молхонада Боксёр билан бир фалокат юз бергани ҳақида хабар тарқалди. Бир ўзи тегирмонга тош ташиб келаётганида, йиқилиб тушган эмиш. Афусски, миш-миш рост бўлиб чиқди. Икки дақиқа ўтгач, иккита кабутар учиб келиб, дарак бердилар: «Боксёр йиқилди! У ёнбошлаб ётибди, тура олмаяпти!»

Молхонанинг қарийб ярми ҳайвонлари тегирмон жойлашган тепалик томонга югурдилар. Бу ерда, бўйинни чўзганча, ҳатто бошини кўтаролмай, арава шотисига ўралиб Боксёр ётарди. Унинг кўзлари нурсиз бўлиб қолган, ёнбошлари тердан намланган эди. Унинг оғзидан ингичка из бўлиб қон сизарди. Кловер унинг ёнига чўкка тушди.

– Боксёр! – Бақирди у. – Сенга нима бўлди?

– Ўпкам, – деди заиф овозда Боксёр. – Ҳечқиси йўқ. Ўйлайманки, сизлар тегирмонни менсиз ҳам барпо этасизлар. Мен бир катта тўда ҳарсангларни тўплаб қўйдим. Менга бир ой етмади. Ростини айтганда, мен дам олишни кутаётган

эдим. Эхтимол, Бенжамин ҳам анча ёшга етган, мен билан бирга дам олишга чиқар.

– Бизга ёрдам керак, – деди Кловер. – Кимдир Қичқирокқа югурсин ва бўлган воқеани айтсин.

Ҳамма юргилаб Қичқироққа хабар қилиш учун молхона томон йўналди. Фақат Кловер ва ўзининг узун думи билан пашшаю сўналарни ҳайдаш учун унинг ёнига секин ётган эшак Бенжамин қолди. Ўн беш дақиқадан сўнг ўзини ташвишланган кўрсатиб, Қичқироқ пайдо бўлди ва ҳамдардлик изҳор қилди. Унинг айтишича, ўртоқ Наполеон молхона-нинг энг меҳнаткаш аъзоларидан бирининг бошига тушган баҳтсиз воқеа ҳақидаги хабарни чукур қайғу билан қабул қилган ва аллақачон Боксёрни Уэллингтоннинг энг яхши шифохоналаридан бирига жойлаштириш ҳақида фармойиш берган. Бу хабар ҳайвонларни бироз саросимага солди. Молли ва Сноуболлдан бошқа бирор ҳайвон шу пайтгача молхонадан ташқарига чиқмаганди, улар касал биродарлари тақдири ёвуз одамлар кўлида қолишини ўйлашни ҳам истамас эдилар. Бироқ Қичқироқ ветеринар Уиллингтонда Боксёрни биздан ҳам тезроқ тузатади ва туёққа тикка кўяди, деб осонгина ҳаммани ишонтириди. Тахминан, ярим соатдан сўнг, Боксёр бироз ўзига келгач, у қийналиб туёққа турди ва ўзининг оғилигача борди, у ерда Кловер ва Бенжамин аллақачон унинг ётиши учун тоза сомондан жой тайёрлаб кўйишишганди.

Кейинги икки кун Боксёр ўз ўрнида ётди. Чўчқалар ваннада топилган, гулоб рангли дори солинглан катта шишани юборишиди ва Кловер уни кунига икки марта овқатдан кейин Боксёрга ичирди. Бу доридан унинг аҳволи бадтар ёмонлашарди. Оқшомлари, ўз оғилхонасида ётган ҳолда, у Кловер билан сұхбатлашар, Бенжамин эса пашшаларни ҳайдаб турарди. Боксёр уни бўлиб ўтган воқеани юракка яқин олмасликка ундарди. У ҳали дам олади, уни олдинда уч йил хордик кутмоқда, бу йилларни у катта яйловнинг нафақахўрларга ажратилган қисмида хотиржамлик ва тўклиқида ўтказади. Илк бор унинг ўқиши ва қобилияtlарини ривожлантириш учун бўш вақти кўп бўлади. Мен, деди Боксёр, умримнинг

қолган қисмини алифбонинг қолган йигирма иккита ҳарфи-
ни ўрганишга сарфлайман.

Лекин Бенжамин ва Кловер фақат ишдан кейинги вақт-
ларини Боксёр билан ўтказар эдилар, куннинг ўртасида уни
олиб кетиш учун фургон келганида, ҳамма далада, чўчқалар
назорати остида лавлагини ўтоқ қилиш билан банд эди. Улар
молхона томондан Бенжамин, бошқача бир ташвишли овоз
билан ҳанграб, югуриб келаётганини кўриб, хайрон бўлди-
лар. Улар шунча йиллар бўйи хотиржам бўлган Бенжамин-
нинг ҳаяжонланганини, шошилганини биринчи марта кўриб
турадилар. «Тезроқ, тезроқ! – Ҳангради у. – Ҳамма келсин!
Улар Боксёрги олиб кетишаётпти!» Чўчқаларнинг рухсатини
кутмасдан, ҳамма ишни ташлаб, молхона томон югарди.
Ростдан ҳам, ҳовлида иккита от қўшилган усти ёпиқ фургон
туради. Фургоннинг четига нимадир деб ёзилган, извошчи
ўриндиғида пешонаси пастга эндирилган шляпада муғомби-
рона башарали майда одамча ўтиради. Боксёргининг оғили
бўй-бўш эди.

Ҳайвонлар фургонни ўраб олишди. «Учрашгунча, Бок-
сёр! – Жўровозлиқда бақиришди улар. – Ҳали согаясан,
кўришамиз!»

– Аҳмоқлар! Тентаклар! – Бақирди Бенжамин, уларни
туртиб ва ғазабдан ерни тепиб. – Овсарлар! Фургонда нима
деб ёзилганини кўрмаяпсанларми?

Ҳайвонлар унга қулоқ солдилар, кейин сукунат чўқди.
Мюриэл ҳарфларни ўқиб, сўзларга айлантира бошлади. Би-
роқ Бенжамин уни туртиб юборди ва оғир сукунат ичидা
равон ўқиди: «Алфред Симмонс. Қассобхона ва совунхо-
на. Ҳайвон териси, суклари ва гўшти савдоси. Итлар учун
овқат». Бунинг нималигини тушумаяпсанларми? Улар Бок-
сёрги пул учун қассобхонага топширишибди!

Ҳамма ҳайвонлар ич-ичидан ваҳшатли бир қичқириқ
отилди. Шу дақиқа извошчи одамча отларни қамчилади ва
фургон секин ҳовли томон йўлга тушди. Йифи-сифи билан
ҳайвонлар уни кузатиб бордилар. Кловер бутун кучи билан
югарди ва унга етиб олди. «Боксёр! – Қичқирди у. – Боксёр!
Боксёр! Боксёр!» Шу дақиқада атрофдаги шовқинда нимани-

дир эшитгандай, фургоннинг орқа деразасида тумшуғига оқ латта боғланган Боксёрнинг афти кўринди.

– Боксёр! – Қичқирди даҳшатли овоз билан Кловер. – Боксёр! Сакра! Тезроқ! Улар сени сўйишга олиб кетишлини!

Ҳамма жониворлар баравар чинқириши: «Сакра, Боксёр, сакра!» Аммо фургон тезликни ошириб, улардан олислади. Боксёр Кловер унга нима демоқчилигини англадими-йўқми, бу номаълум эди. Лекин у орқа деразачадан ғойиб бўлди, фургон ичидаги туёқларнинг тақиллагани эшитилди. Боксёр озодликка чиқишига уринди. Шундай лаҳзалар бўлдики, гўё – яна бир неча зарба бўлса, фургон Боксёрнинг туёқлари зарбидан парчаланиб кетарди. Бироқ, афсус! – Унинг дармони қолмаганди, туёқ овозлари ҳар лаҳзада заифлашиб, охири тинди. Иложисиз дарғазаблик билан жониворлар фургонни тортаётган иккита отга мурожаат қилишга уриндилар. «Ўртоказлар! Ўртоказлар! – Қичқириши улар. – Сизлар ўз биродарингизни қассобга олиб боряпсиз!» Аммо онгиз, лоқайд жониворлар нима бўлаётганини англашга қодир эмасдилар, кулоқларини қисганча, қадамларини бадтар тезлатдилар. Боксёр деразадан бошқа кўринмади. Ҳайвонлар чопиб бориб, дарвозани беркитиш мумкинлигини англағанларида, жуда кеч бўлганди. Фургон аллақачон дарвозадан ўтиб бўлган, энди муюлишдан бурилиб, кўздан ғойиб бўлаётганди. Ҳеч ким Боксёрни қайта бошқа кўрмади.

Уч кун ўтгандан сўнг, уни кутқариш учун қилинган барча ҳаракатларга қарамасдан, Уиллингтоннинг энг яхши шифохонасида вафот этгани хабар қилинди. Қичқироқ ҳаммага шу гапни айтди. Унинг сўзларига қараганда, у сўнгги лаҳзагача Боксёрнинг ёнида бўлган.

– Бу мен ҳаётимда кўрган энг ҳайратли лаҳзалардан бири эди, – деди Қичқироқ, думини тик қилганча, кўз ёшларини артиб. – Мен унинг тўшаги ёнида ҳаётининг сўнгти лаҳзаларигача бирга бўлдим. Охирида, гапиришга кучи деярли қолмаганда, у менинг қулогимга шивирлади, унинг ягона қайғуси туталланмаган тегирмон экан. «Олға, ўртоказлар! – Шивирлади у. – Инқилоб номи билан олға. Яшасин Ҳай-

вонобод! Яшасин Наполеон! Наполеон ҳамиша ҳақ». Унинг сўнги сўзлари шу бўлди, ўртоқлар.

Шундан сўнг Қичқироқнинг кайфияти кескин ўзгарди. У сукут сақлаб турди, атрофга шубҳали назар солди ва яна сўз бошлади.

Боксёрни шифохонага олиб кетаётганда тарқалган айрим мишишлар унга етиб борибди. Кимдир Боксёрни олиб кетаётган фургоннинг деворига «Қассобхона» деб ёзилганига эътибор қаратиб, шошқалоқлик билан Боксёрни сўйишга олиб кетишияпти, деган хулоса чиқарган экан. Бунга ишонишни ҳам, ишонмасликни ҳам билмайсан, деди Қичқироқ, наҳотки орамизда енгилтаклар, ваҳимачилар бўлса, – қичқирди у, думини ликиллатиб ва у ён-бу ёнга йўргалаганча, – Наҳотки улар бу ишларни уларнинг ҳурматли доҳийси Наполеондан яхши тушунсалар? Аслида буни осон тушунтириш мумкин. Фургон қачонлардир қассобхонага тегишли бўлган, кейин яқинда уни ветеринар шифохона сотиб олган, лекин ҳали эски ёзувларни бўяшга улгурмаган. Ҳамма тушунмовчилик шундан келиб чиқсан.

Уни тинглаган жониворлар, эҳ гўл, содда жониворлар, улкан бир енгиллик ҳис қилдилар. Қичқироқ Боксёр ўлим тўшагида сўнги кунларини қандай ўтказганини батафсил ҳикоя қила бошлагач, у қандай улкан ҳурмат ва эътиборга эга бўлганини, Наполеон ҳеч бир иккиланишсиз ажратган пулларга сотиб олинган қимматбаҳо дори-дармонлар ҳақида эшитгач, жониворларнинг охирги шубҳалари ҳам йўқ бўлди. Уларни ўз биродарларидан айрилгани учун тушган улканғам ўрнини у жуда баҳтлилигича ўлганидан қониқиши ҳисси эгаллади. Фақат кекса эшак Бенжамин оқни қора, қорани оқ қила оладиган маънавиятчи чўчқа Қичқироққа хўмрайиб термиларди.

Кейинги якшанбадаги учрашувга Наполеон шахсан қатнашди ва Боксёр шарафига қисқача нутқ ҳам сўзлади. Афусски, деди у, биродаримизнинг мурдасини молхонамизга кўмишнинг имкони йўқ, аммо мен аллақачон дафна баргларидан каттакон гулчамбар буюргта бердим, уни Боксёрнинг қабрига қўйишади. Бир неча кундан кейин чўчқалар Боксёр

шарафига катта зиёфат уюштиришни мүлжалламоқда. Наполеон ўз чиқишини Боксёр севадиган иккита даъват: «Мен янада кўпроқ ишлайман» ва «Ўртоқ Наполеон ҳамиша ҳак» деган шиор билан тугатди. Бу сўзларни, деди у, ҳар бир ҳайвон ўз қалбига ўрнаштириб, ўзиники қилиб олиши керак.

Зиёфат учун ажратилган кунда Уиллингтондан дўкончининг фургони келди ва молхонага кичкина яшикда ичкилик тўла шишаларни ташлаб кетди. Тунда молхона ичкарисидан пала-партиш хиргойилар, жанжални эслатадиган қичқириқлар эшитилди ва ҳаммаси соат ўн бир атрофида деразанинг синиши билан якунланди. Кейинги куни тушлик пайтигача молхона ҳовлисида ҳеч ким кўринмади. Миш-мишларга қараганда, чўчқалар Боксёр топширилган қассобхонаданми, қайдандир пул топишган ва виски сотиб олиб, ичишган.

Х БОБ

Йиллар ўтди. Баҳорлар ва қузги хазонрезгилар келдилар ва ўтдилар. Ердаги қисқа умри тугаб, ажал муддати келгандар бирин-кетин кетдилар. Инқиlob кунларини эслайдиган ҳайвонлардан Кловер, Бенжамин, қарға Мозус ва бир-икки чўчқадан бошқа деярли ҳеч ким қолмади.

Мюриэл вафот этди; Блюбелл, Жесси ва Пинчер ҳам ўтиб кетишиди. Жонс ҳам ўлди – у қандайдир олис бир ергаги ичкиликбозлар даволанадиган шифохонада жон берди. Мухолифатчи Сноуболл ҳам унутилди. Боксёрни ҳам унтишиди – уни шахсан билган бир-икки жонивор эсларди, холос. Кловер оёқлари буқланмайдиган ва кўзларидан йириng оқиб ётадиган кекса бир байталга айланди. У икки йил аввал нафақа ёшига етганди, аммо ҳали бу молхонада ҳеч ким нафақага чиқмаганди. Яйловнинг бир чети нафақага чиқадиган жониворларга ажратилиши ҳақидаги гап-сўзлар ҳам аллақачон унтилиб кетганди. Наполеон бир ярим центнерли ашаддий баҳайбат чўчқага айланди. Қичқироқ семизлигидан кўзи зўрға очиларди. Фақат кекса эшак Бенжамин ўзгармади; фақат тумшуғидаги туклари оқарганди, Боксёрнинг ўлимидан кейин у буткул ғамгин ва таркидунёчи бўлиб қолганди.

Молхонада, гарчанд ўсиш ўз вақтида тахмин қилинганидай юксак бўлмаса-да, энди кўплаб ҳайвонлар яшарди. Янги дунёга келганлар учун қачонлардир одамларга қарши қилинган қўзғалон олис бир афсона бўлиб қолган, бу ҳақдаги ривоятлар оғиздан-оғизга ўтиб юради. Сотиб олинган жониворлар эса, улар келгунларича молхонада нималар юз берганидан буткул бехабар эдилар. Кловердан ташқари, молхонада яна учта от яшарди. Булар ҳалол жониворлар, виждонли ишчи отлар ва яхши ўртоқлар эди, бироқ ҳаммаси ҳам тўл ва овсар эди. Уларнинг ҳеч бири алифбони «В» ҳарфидан бошқасини ўрганолмади. Уларга инқиlob ва ҳайвонизм та-мойиллари ҳақида нима айтишса, барини қабул қиласдилар. Айниқса, буни улар фарзандлик мухаббати билан севадиган Кловер айтса, улар учун ҳақиқат ҳисобланарди; улар гапни маъқуллаб, бош силкитсалар-да, аслида бирор нарсани тушунганлари гумон эди.

Молхона ривожланиб борар, унда қатъий тартиб ҳукмрон эди, ҳудуди ҳатто мистер Пилкингтондан сотиб олинган икита ялов ҳисобига кенгайган ҳам эди. Ниҳоят тегирмон қурилиши самарали яқунланди ва энди молхонанинг элеватори ва дон совурадиган машинаси бор эди. Бир неча янги бино ҳам тикланганди. Уимпер икки ғилдиракли арава сотиб олди. Ростини айтганда, молхонада электр токи барибир ҳам йўқ эди. Тегирмонда ун элашарди ва у молхонага сезиларли даромад келтиради, Ҳайвонлар тегирмон қуриш учун кўп заҳмат чекдилар; айтилгандини, ҳали унга динамомашина ўрнатилиди. Сноуболл орзу қилган фаровонлик: катаклар ва оғилхоналарда электр чироқлари, иссиқ ва совуқ сув, уч кунлиқ иш ҳафтаси, – буларни бошқа эслашмасди. Наполеон бу ғояларни ҳайвонизм арконларига зид деб эълон қилди. Ҳаёт ҳақиқати, деди у, роҳат-фароғат қилишда эмас, тинимсиз меҳнат қилиш ва ҳаётда борига қаноат қилишдадир.

Гоҳида молхона бойиб бораётгандай туюларди, ҳолбуки, бу фаровонликнинг чўчқалар ва кўппаклардан бошқа ҳайвонларга алоқаси йўқдай эди. Эҳтимол, шундай тасаввур ҳам мавжуд эдики, молхонада чўчқалар ва итлар кўпайиб кетган. Албатта, улар ҳам меҳнат қиласди. Улар жуда банд, тинмай тушунтиради Қичқироқ, уларда молхона ишларини назорат қилиш ва ташкиллаштириш соҳасида чексиз мажбуриятларга эга эди. Улар қилаётган жуда кўп ишларни ҳайвонлар тушуниб етолмас эдилар. Масалан, Қичқироқ тушунтирадики, чўчқалар ҳар куни «статистика», «ҳисобот», «қайднома» ва «эслатма» сингари сирли хужжатлар устида тер тўқадилар. Бу жуда қатта, зич ёзилган ва ёзиб тугалланганидан сўнг, оловда ёқиб юбориладиган қофоз вараклари эди. Молхонанинг ривожланиши шунга боғлик, деб тушунтиради Қичқироқ. Бироқ на чўчқалар, на кўппаклар ўз меҳнатлари билан бирор озуқа ёки маҳсулот яратмасдилар; лекин бу улкан жамоанинг иштаҳаси юҳодай эди.

Қолганларнинг ҳаёт тарзига келсак, уларга маълум эдики, улар ҳамиша айнан шу тахлит яшаганлар. Улар доимо оч эдилар, пичан устида ётардилар, қудук сувини ичардилар ва даладан бери келмасдилар. Қишида совуқдан азоб чекар-

дилар, ёзда паашшалар жонларига тегар эди. Кекса ҳайвонлар гохида, хотираларининг чуқур-чуқурларини ковлаб, инқилобнинг дастлабки йилларида, золим одам бўлган Жонс ҳайдалганидан сўнг ҳозиргидан яхши яшаганмидилар ёки ёмонми, деб эслашга уринардилар. Эслай олмасдилар. Улар ҳозирги ҳаётларини нима билан таққослашни билмасдилар: уларнинг Қичкироқнинг маърузаларидан бошқа нарсадан хабарлари йўқ эди, Қичкироқ, рақамлар билан қуролланган ҳолда, уларга ишлар кундан-кунга яхшиланаётганини ишончли тушунтиради. Ҳайвонлар сездиларки, муаммонинг ечими йўқ, ҳар ҳолда, уларнинг бундай мавзуларни мулоҳаза қилишга вактлари деярли йўқ. Фақат кекса Бенжамин ўзининг узун умридаги ҳар бир чизиқни эсларди, у билардики, бу дунёда ишлар ҳамиша шундай давом этган, яхши ҳам, ёмон ҳам бўлмаган. Қуйидагилар ишлаган, юқоридағилар еб-ичган, ҳайвонлар учун ҳамиша очлик, қашшоқлик ва ҳайроналик ҳасрати. Бу фоний дунё ҳаётининг рад қилиб бўлмас тартиботи шундоқdir.

Бу гўл жониворларни барибир умид тарк этмасди. Бундан ташқари, уларга ҳамиша ўzlарига берилган имконият – Ҳайвонобод молхонаси аъзолигидан фаҳрланиш туйғуси ёр эди. Улар ҳали ҳам мамлакатда – бутун Англияда – ҳайвонларга тегишли бўлган ва ҳайвонларнинг ўzlари бошқарадиган ягона молхонада эдилар. Уларнинг ҳеч бири, ҳатто энг навқиронлари, ҳатто ўн ёки йигирма мил наридаги молхоналардан янги сотиб олингандарни ўzlари тегишли бўлган бу мўъжизага дахлдорликни ҳис этардилар. Улар тўппонча ўқидан отиладиган салютни эшитганларида ва таёққа осилган яшил байроқни кўрганларида, юраклари боқий бир ғууррга чулғанарди, албатта, Жонс ҳайдалган, ҳайвонизмнинг етти аркони қарор топган, мислсиз жангда инсоният устидан ҳайвоният ғалаба қилган инқилоб кунларини ёд этардилар. Ҳеч ким ва ҳеч нарса унутилмайди. Кекса майор чўчка томонидан башорат қилинган Англиянинг яшил яйловларида ястиганиб ётадиган, инсон қадами тегмайдиган Ҳайвонлар Республикасига бўлган ишонч яшашда давом этарди. Қачондир бу замон келади: эҳтимол, тезда келмас, балки, ҳозир яшашёт-

ганлар у кунни кўра олмас, лекин ўшал кун келур. Гоҳида унда-бунда «Англия жониворлари» оҳанглари эшитилиб қоларди, ҳар ҳолда, гарчанд овоз чиқариб айтишга кўркса-да, молхонанинг барча аҳолиси уни биларди. Ҳа, ҳаёт оғир эди ва уларнинг ҳамма орзулари ҳам рўёбга чиқавермасди; аммо улар англардиларки, уларнинг эркин ва мустақил молхоналари бошқалардан фарқ қиласди. Улар оч қолмоқдалар, аммо энди золим ҳукмдор одамларни бοқаётгандари йўқ, тепаларида ўзларининг ҳайвонлари бошқармоқда. Агар оғир меҳнат қилаётган бўлсалар, алал-оқибат, ўзлари учун меҳнат қилмоқдалар. Уларнинг ҳеч бири икки оёқда юрмаяпти. Уларнинг ҳеч бири “Хўжайн” деган сўз нималигини билмайди! Ҳамма ҳайвонлар тенгдирлар.

Ёз бошланиши эди, кунларнинг бирида Қичқироқ кўйларга ўзининг ортидан эргашишни буюрди ва уларни молхонанинг охирига, ёш қайнизорлар томон олиб кетди. Қичқироқнинг назорати остида улар кун бўйи ёш баргларни еб кун ўтказдилар. Кечкурун улар молхонага қайтмоқчи бўлишганди, уларга ўша жойда қолиш буюрилди, чунки ҳаво иссиқ эди. Алал-оқибат, улар бу ерда бир ҳафта мобайнида қолишиди, шунча вақт уларни бирорта жонивор кўрмади. Қичқироқ улар билан куннинг аксарият қисмини ўтказарди. У қўйларга янги қўшиқни ўргатар эди, алоҳида яшаш шунинг учун зарур эди.

Ажойиб кунларнинг бирида, айнан қўйлар молхонага қайтган пайтда, ҳайвонлар ишларини тутатиб, шошилмасдан молхонага келаётгандарида, улар ҳовлида кўрқинчли кишини эшитдилар. Ҳайвонлар ҳайратдан қотиб қолдилар. Бу Кловернинг овози эди. У яна кишинади ва ҳайвонлар молхона томон югурдилар. Ҳовлига киргач, улар Кловерни кўрқитган манзарани кўрдилар.

Бу иккита орқа оёғида одамдай тик юраётган чўчқа эди.

Ҳа, бу чўчқа Қичқироқ эди. У бироз саросималаниб юрар, чунки ҳали ўз қорнини бу ҳолатда кўтариб юришга ўрганмаган эди, бироқ анчайин чакқон мувозанат сақларди, шу ҳолда ҳовлининг охиригача борди. Бир дақиқадан сўнг молхона эшигидан чўчқалар саф-саф чиқа бошлади, уларнинг

ҳаммаси орқа оёқларида юриб борарди. Уларнинг айримлари яхши юрар, бошқалари унчалик яхши юролмас, баъзилар ҳатто шу қадар гандираклардики, уларга суюнчиқ керак эди, аммо ҳаммалари ҳовлини шу тариқа бир айланиб чиқишидди. Ниҳоят, итнинг вовуллаши ва хўрознинг тантанали қу-кулаши эшитилди, буларнинг бари Наполеоннинг ташриф буюришини англатарди. Ҳайвонобод доҳийси, итлар қуршовида оломонга менсимай қараганча, ҳовлини гердайганча айланаб чиқди.

Унинг туёқлари орасига қамчин тиқилган эди.

Ўлик бир жимлик чўқди. Ҳайратланган ва саросимага тушган жониворлар бир тўда бўлиб, ҳовлида саф тортиб тик оёқда юраётган чўчқаларни кузатиб турадилар. Гўё ер юзи остидан устига ағдарилгандай эди. Бироқ ниҳоят, биринчи ҳайратланиш ўтди, ҳеч нарсага қарамасдан – на итлар олдидаги қўрқувга, на узоқ йиллар тарбияланган, нима бўлса-да, ҳеч қачон шикоят қиласлик, ҳеч қачон гапирмаслик сингари одатларга қарамасдан, – норозилик сўzlари янгради. Бироқ, айнан шу лаҳзаларда, гўёки бир ишора билан, қўйлар баланд овозда баърай бошладилар:

– Тўрт оёқ – яхши, икки оёқ – **яхшироқ!** Тўрт оёқ – яхши, икки оёқ – **яхшироқ!** Тўрт оёқ – яхши, икки оёқ – **яхшироқ!**

Шу тариқа баъраш беш дақиқа мобайнида тўхтовсиз давом этди. Қўйлар баърашни тўхтатганда, норозилик учун вакт тугаб бўлган эди, чунки чўчқалар аллақачон молхона ичига кириб кетгандилар.

Бенжамин кимдир тумшуғи билан елкасига туртаётганини сезди. Орқага ўгирилиб қаради. Бу Кловер эди. Унинг нурсизлашган кўзлари янада хиралашиб кетди. Бирор сўз демасдан, у отнинг ёлидан оҳиста тортди ва омборнинг ҳайвонизмнинг етти аркони битилган орқа девори томонга етаклади. Бир-икки дақиқадан сўнг улар оқ ҳарфлар билан арконлар ёзилган девор тагида турардилар.

– Кўзим хиралашиб, заифлашиб қолди, – деди у ниҳоят.

– Бироқ, ҳатто ёшлигимда ҳам барибир шу девордаги ёзувларни ўқий олмасдим. Аммо, менинг назаримда, девордаги

ёзувлар бироз ўзгаргандай. Етти арконимиз ўзгармаганми, Бенжамин?

Илк бор Бенжамин ўз қоидаларига хилоф равишда де-вордагиларни унга ўқиб берди. Ҳаммаси аввалгидай эди фақат битта тамойил ўзгартирилганди. Унга кўра:

**ҲАММА ҲАЙВОНЛАР ТЕНГДИРЛАР,
БИРОҚ АЙРИМ ҲАЙВОНЛАР
БОШҚАЛАРИДАН КЎПРОҚ ТЕНГДИРЛАР.**

Энди кейинги куни молхона ишлари устидан назорат қи-лувчи чўчқалар қамчин билан қуролланганда, бу ҳеч кимга ғалати туюлмади. Чўчқалар ўzlарига радиоузатгич сотиб ол-ганда, ўzlари учун телефон алоқасини улаттанида ва «Жон Бул», «Тит-бит» ва «Дейли Миррор»га обуна бўлганларида, буларнинг бари ҳам ғалати кўринмади. Яна бир нарса ғалати туюлмасдики, энди Наполеонни молхонанинг боғида оғзи-да тамаки муштугини тикқанча айланиб юрган ҳолда кўриш мумкин эди. Чўчқалар мистер Жонснинг кийим-кечаклари-ни ҳам кия бошлагани ғалати эмасди. Наполеон қора кам-зул кийди, овчилар шимига ва чарм тиззаликларга ўранди, унинг севикили жазмани Жонс хонимнинг якшанба кунлари киядиган ипак кўйлагини кийиб олди.

Бир ҳафтадан сўнг, тахминан, тушлиқдан сўнг бир неча извош аравалар ташриф буюрди. Бу молхона билан танишиш учун ташриф буюрган кўшни молхоналарнинг делегацияла-ри эди. Улар ҳаммасини бошдан оёқ томоша қилишди, кўр-ганларидан, айниқса, тегирмон манзарасидан узоқ ҳайратла-нишди. Ҳайвонлар лавлаги экилган далани ўтоқ қилишарди. Улар ўта тиришқоқлик билан ишлардилар, бошларини ердан кўттармас, кимдан – чўчқаларданми ёки меҳмонларданми – кўпроқ кўркишни билмасдилар.

Оқшом молхона томондан кўшиқ овози ва жарангдор қийқириқлар эшитилди. Тўсатдан, бу овозларни эшита ту-риб, ҳайвонларда кучли қизиқиш пайдо бўлди. Одамлар ва ҳайвонлар илк бор бир-бирига тенглар сифатида учрашган-да нималар бўлиши мумкин? Ҳаммалари яқдиллик билан молхона боғида йиғила бошлишди. Боғ эшигидан ўтиб, бир зумгина кўркувдан тўхтаб қолишди, аммо Кловер уларни

ортидан эргаштириди. Улар туёқ учида юриб, уйга яқин кеплишди, уларнинг бўйи баландлари ошхонанинг деразасидан қарадилар. Бу ерда юмалоқ стол атрофида беш-олтита фермер ўтиришар ва яна шунча номдор чўчқалар ҳам шу ерда эдилар. Наполеон столдаги энг мўътабар жойни эгаллаганди. Чўчқалар оромкурсиларда ястаниб ўтиришарди. Бутун тўда қарта ўйнаш билан кўнгилхушлик қилас, вақт-вақти билан навбатдаги қадаҳ сўзи учун ўйинни тўхтатиб туришарди. Катта кўза давра айланар, стаканлар мунтазам пивога тўлдириларди. Дераза ойнасига ёпишиб, ҳайрона турган башараларга бирор эътибор ҳам бермади.

Кўлида қадаҳ тутганча, Фоксвудлик мистер Пилкингтон ўрнидан турди. Мен, деди у, хурматли даврани менинг қадаҳ сўзимга қўшилишга чақираман. Аммо аввал менинг дилимдан очиқликка чиқаётган бир оғиз сўзимга дикқат қилишин гизни сўрайман.

– Юксак бир қоникиш билан шуни таъкидлаш лозимки, – деди мистер Пилкингтон, – мен бунга қолган барча дўстлар қўшилишига ишонаман. Тушунмовчилик ва ишонмаслик нинг узоқ даври ўтди. Пайт келди, нафақат мен, бу фикрни қатнашаётган барча дўстлар қувватлайди. Энди Ҳайвоно-боднинг хурматли эгалари ўз кўшниларига нафақат беҳадик, балким муайян бир ишонч билан қарашлари мумкин. Барча ўнғайсиз вазиятлар унтилди, бузғунчи ғоялар рад этилди. Ўз вақтида чўчқалар эгалик қилган ва бошқарадиган молхона мавжудлигининг ўзи ҳам ноқулай ҳолат ва у кўшниларга ёмон таъсир кўрсатади, деб қаралар эди. Кўплаб фермерлар бу молхонада ўзбошимчалик ва бошбошдоқлик хукмрон деб ўйлашарди. Улар мазкур молхона уларнинг қарамоғидаги жоноворларга ва ҳатто айрим ишчиларига ўтказиши мумкин бўлган таъсирдан хавотирда эдилар. Бугун ҳеч қанақа шубҳа ва гумонлар мавжуд эмас. Бугун шахсан ўзим ва барча дўстлар, молхонага ташриф буюриб, уни ўз кўзимиз билан кўриб, бошдан оёқ ўргандик. Биз нималарни кўрдик? Наинки бу ердаги хўжалик юритишнинг замонавий усуслари, балким бунда ўрнатилган интизом ва тартиб барча фермерлар учун илҳомбахш намунаидир. Ишончим комилки, бу ердаги ишчи

жониворлар ўлкамиздаги бошқа исталган молхонадагидан күпроқ меңнат қиласылар ва камроқ овқат ейдилар. Мен ва менинг дүстларим бугун бу молхонада жуда күп янгиликларни күрдик ва бу тартибларни ўз молхоналаримизда жорий этишга ҳаракат қиласылар.

Ўз нутқимни тугатишдан олдин шуни айтмоқчиман, – деди у, – энди Ҳайвонобод ва унинг қўшнилари ўртасида фақат дўстона алоқалар давом этиши керак. Энди инсонлар ва ҳайвонлар ўртасида фарқ қолмади, қарама-каршиликлар ҳам йўқ ва бўлмаслиги ҳам керак. Бизда энди ташвишлар ва қийинчиликлар ҳам бир хил, жумладан, ишлаб чиқаришга оид муаммолар.

Шу ерга келганда, мистер Пилкингтон даврадагиларга обдон ўйланган хulosасини ҳавола этмоқчи бўлди, аммо шу қадар ҳаяжонда эдики, бу ишни бирдан эплай олмади. Кўпсонли бағбақаларини қизартириб юборган саросимаси бироз босилгач, у шундай лутф қилди: «Сизда ишчи ҳайвонлар бўлса, – деди у, – бизда ишчилар синфи бор!»

Бу сўз ўйини даврада қийқириқ ва олқиши олди; мистер Пилкингтон бугун молхонада кўрган оз озуқа, узун иш куни ва бошқаришнинг шафқатсиз усуслари учун чўчқаларга яна бир бор миннатдорчилик билдириди ва бу усул билан биз ҳам муаммоларимизни ечамиш, деб кўшиб қўйди.

Энди эса, деди у, стаканларнинг тўлалигига ишонч ҳосил қилгач, мен даврамизни туришга даъват этаман.

«Жентельменлар, – деди у, қадаҳ сўзини якунлаб, – мен таклиф қиласман: Ҳайвонободнинг тараққиёти учун ичамиш!»

Ҳамма дўстона ва шодумон ҳолда оёққа қалқди. Миннатдорчилик туйгулари жўшган Наполеон ҳатто иссиқ ўрнидан туриб, даврани бир айланиб чиқди ва мистер Пилкингтон билан стаканини тўқишитирди, кейин уни зарб билан ичиб юборди. Шодумонлик бир қадар тингандада, ҳали ҳам оёқда турган Наполеон бир неча оғиз сўз айтишини эълон қилди.

Барча нутқлари каби, Наполеоннинг бу нутқи ҳам қисқа ва аниқ бўлди. Мен ҳам, деди Наполеон, тушунмовчиликлар даври тугаганидан баҳтиёрман. Узок давр мобайнида турли миш-мишлар авж олди – уларни ёвуз душманларимиз

тарқатган, дейишга барча асослар бор. Гүё мен ва менинг ҳамкасбларим шубҳали ва ҳатто инқилобий қарашларга эга эмишмиз. Гүёки, биз қўшни молхоналардаги ҳайвонлар орасида исён қўзғатишни мақсад қилган эмишмиз. Буларнинг бари ҳақиқатдан йироқ! Бизнинг ягона истагимиз аввал ҳам, ҳозир ҳам тинчликда яшаш ва ўз қўшниларимиз билан меъёрдаги ишбилармонлик муносабатларини қўллаб-куватлашдир. Мен бошқариш шарафига муносиб бўлган бизнинг молхонамиз ширкат корхонасидир. Менинг тасаруфимдаги мулк ҳуқуқини белгиловчи хужжат бу мулкни чўчқалар биргаликда бошқаришини таъкидлади.

Мен, деди Наполеон, қандайдир эски шубҳалар ҳали ҳам қайдадир қолган бўлиши мумкин, деб хисоблайман, шунга қарамасдан, молхонада дарҳол муайян ислоҳотлар ўтказилади, бу ўзгаришлар орамиздаги яқинлашув жараёнини мустаҳкамлаши керак. Шундай қилиб, молхонадаги ҳайвонлар бир-бирларига «ўртак» деб мурожаат қилиш сингари аҳмоқона одатта эгадирлар. Бунга энди барҳам берилади. Бундан ташқари, илдизлари номаълум қолаётган ғалати бир одат бор, яъни жониворлар якшанба кунлари эрталабда ўлган чўчқанинг ёғочга мих билан қоқилган бош чаноғи олдидан саф тортиб ўтадилар. Бу одатни ҳам тутатиш керак, бош чаноғини эса белгиланган тартибда дағн этиш лозим. Ташириф буюрганлар тўсинга осилган яшил байрокни кўрган бўлишлари мумкин. Улар шунга эътибор қаратишлари керакки, авваллари бу байрокда ҳайвон шохи ва туёғи тасвирланган эди, энди улар йўқ. Энди факат тоза яшил матонинг ўзи бўлади.

Менда факат битта эътиroz бор, деди Наполеон, мистер Пилкингтон ўзининг яқин қўшничилик рухи билан сугорилган гўзал нутқида Ҳайвонобод сўзини тилга олди. У, албатта, ҳали билмасди, – чунки мен ҳозиргина буни сизларга хабар қиляпман: бундан буён «Ҳайвонобод» сўзи мавжуд эмас. Бундан бошлаб «Кўргонча молхонаси» мавжуд, ишончим комилки, бу унинг азалий ва тўғри номидир.

– Жентельменлар, – деб ўз сўзини якунлади Наполеон.
– мен ҳам сизларга худди шу қадаҳ сўзини бироз ўзгариш

билин таклиф этаман. Стаканлар қирғоғигача тұлдирилсін. Жентельменлар, менинг қадаң сүзим: «Күрғонча молхонаси» тараққиеті учун ичамиз!

Бу қадаң сүзи ҳам аввалгисидай жүшкін шодумонлик билан қарши олинди. Қадаҳлар сүнгги томчисигача бўша-тилди. Бироқ бу саҳнани ташқаридан кузатиб турганлар назарида ғалати ҳодисалар юз бераётганди. Чўчқаларнинг афт-ангорида нималар ўзгарган? Кловернинг қартайган, заиф кўзлари бир башарадан иккинчисига қараб ўтарди. Бир башарада бешта бағбақа, бошқасида – тўртта, кимдадир учта бағбақа бор эди. Нега бу башараплар унинг кўз ўнгидага чаплашиб кетмоқда, ифодасини ўзгартирмоқда? Қарсақлар тиниб, давра яна узилиб қолган қарта ўйинига қайтгач, жониворлар дераза олдидан секин кета бошладилар.

Йигирма метрча ўтган ҳам эдилар, ҳамма бирдан тўхтади. Молхонадан шовқинли овозлар чиқа бошлади. Орқага қайрилиб, улар яна деразаларга боқдилар. Ҳа, меҳмонхонада шафқатсиз жанжал бошланганди. Бақириқ-чакириқлар жа-ранглар, столларга муштлар билан зарб бериларди, ҳамма бир-бирига ғазаб билан бокар, ҳақоратлар янграрди. Жанжалнинг сабаби шу эдики, ё Наполеон, ё мистер Пилкингтон ғирромлиқ қилған, ҳар иккиси столга бир пайтнинг ўзида қарғали тузни ташлашганди. Ҳолбуки, бир қарта дастасида битта қарғали туз қартаси бўларди.

Бир пайтнинг ўзида ўн икки овоз қичқирап, аммо уларнинг ҳаммаси бир хил эди. Чўчқаларга нима бўлгани энди аён эди. Ташқаридан қолганларнинг назари чўчқалардан одамларга, одамлардан чўчқаларга кўчар, улар яна ва яна гоҳ одамларнинг башарапларига, гоҳ чўчқаларнинг башарапларига бокар, аммо уларнинг қай бири чўчқа-ю, қай бири одам эканини ажратадилар.

1943 йил, ноябрь – 1944 йил, февраль

Мундарижа

| | |
|----------------|----|
| I БОБ..... | 3 |
| II БОБ | 12 |
| III БОБ..... | 20 |
| IV БОБ..... | 28 |
| V БОБ..... | 34 |
| VI БОБ..... | 44 |
| VII БОБ | 53 |
| VIII БОБ | 65 |
| IX БОБ..... | 78 |
| X БОБ..... | 89 |

УЎК 821.111-32

КБК 84(4Ббр)

О-76

Оруэлл, Жорж.

Молхона [Матн] : роман / Ж.Оруэлл ; таржимон К.Баҳриев

- Тошкент : NIHOL, 2021. - 100 б.

УЎК 821.111-32

КБК 84(4Ббр)

ISBN 978-9943-23-149-8

Жорж Оруэлл

Молхона

учинчи нашр

Таржимон: Карим Баҳриев

Бош муҳаррир: М.А.Нурмуҳамедова

Муҳаррир: А.Холмонов

Мусахҳихлар: О.Бекмуродов, М.Ғафуров,
Ғ.Болиев

Дизайнер ва саҳифаловчи: Н.Фармонов

Техник муҳаррир: Б.Нурмуҳамедов

Ушбу китобнинг муаллифлик ҳуқуқи “Asaxiy Books”
лойиҳасига тегишли бўлиб, “Asaxiy Books” руҳсатисиз
китобни электрон, аудио, видео ёки бошқа ҳар қандай
шаклда тарқатиш Ўзбекистон Республикаси қонунларига
биноан таъқиқланади.

Нащриёт лицензияси AI № 219, санаси: 03.08.2012.

Босишига 13.07.2021 йилда руҳсат этилди.

Бичими 84x108 1/32. Офсет қофози. Офсет босма.

Times New Roman гарнитураси. Кегль 11.

Шартли босма табоги 5.24. Босма табоги 3.12.

Адади 5000 нусха. Буортма №Д100-2.

«Offset print» МЧЖ босмахонасида босилди.

Босмахона ва нащриёт манзили:

Тошкент вилояти, Зангигота тумани,

Ўнқўргон кўчаси, 4-уй.

Жорж Оруэлл нинг «Молхона» китоби жаҳон адабиётининг бёстсеплер китобларини ўзбек тилига таржима қилишни кўзлаган www.asaxiy.uz интернет дўйконининг «Asaxiy Books» лойиҳаси доирасида чоп этилди.

«Asaxiy Books» лойиҳасида қўйидаги китоблар бугунги кунда қадар ўзбек тилига таржима қилинди:

1. Жорж Оруэлл – 1984
2. Ден Браун – Рақамли қалъа
3. Уолтер Айзексон – Стив Жобс
4. Малколм Гладуэлл – Зуккопар ва ландавурлар
5. Чарлз Диккенс – Катта умидлар
6. Робин Шарма – Ўлсанг ким йиғлайди?
7. Элиф Шафақ – Ишққа оид 40 қоида
8. Лара Эдриан – Тунги ташриф
9. Стивен Р. Кови – Муваффакиятли инсонларнинг 7 кўниумаси
10. Ден Браун – Ибтидо



ISBN 978-9943-23



9 789943 231875